

A romantic couple is seen from behind, standing in a field of tall grass. The man is wearing a grey hoodie and has his arm around the woman's shoulder. They are looking up at a large, bright full moon in a dark blue night sky filled with stars. The overall mood is serene and romantic.

# رواية أسيرة عيناها

مي أحمد سلام  
أرسيليا

©Copyright and distribution rights reserved

الطبعة الأولى

من سلسلة روايات مي أحمد سلام " أرسيليا "

١٤٤٤هـ / ٢٠٢٣م

ISBN: 979-8-21-543753-7

جميع حقوق النشر والتوزيع محفوظة ©

دار مبدع للنشر ©

هاتف : +96618243643

Email : [DarMobd2](mailto:DarMobd2)

لتحميل التطبيق الخاص برواية [أسيرة عيناه](#)

# أسرة عيناه

رواية

مي أحمد سلام " أرسيليا "

تصميم غلاف

فريق غلافك عندنا

إشراف

المهندس والكاتب مصطفى محمد عبدالعزيز نجم

نشر وتوزيع

دار مبدع للنشر والتوزيع الإلكتروني ©

## التعريف بالشخصيات

ياسين المحمدي : صاحب الـ 52 عام، والد مريم وصاحب أكبر شركات المعمار في الشرق الأوسط، طبعه شديد، صارم، لا يتهاون في عمله، ولكنه يعشق زوجته وابنته مريم وابنه أحمد، اللي هنتعرف عليهم قدام، يحب عائلته جداً...

أحمد ياسين المحمدي: صاحب الـ 28 عام، ذا قامة مرتفعة، وجسد رياضي، وعيون عسلية مثل والدته، وبشرة خميرية، ولحية سوداء تزيد له جمالاً فوق جماله، وشعر أسود حريري، ويمتلك شخصية قوية صارمة، ويسمي بغول المعمار، هنتعرف عليه قدام أكثر...

مريم ياسين المحمدي: فتاة صاحبة الـ 23 عام، ابنة المحمدي، تدرس هندسه في الفرقة الخامسة، طيبة القلب وجميلة جمال هادئ، وفتاة هادئة تسر الناظرين إليها .. مريم ذات قامة متوسطة وبشرة بيضاء، وعيون بنية واسعة وجسد متوسط القوام، ومحجبة، ولديها شخصية مرحة، ومجنونة ومتهورة بعض الشيء، هنتعرف عليها قدام أكثر...

مها المحمدي: والدة مريم، وهي سيدة صاحبة 48 عام من عمرها، سيده طيبة القلب وتحب عائلتها وتحب زوجها وكل من حولها...

مايان: صاحبة الـ 23 عام، صديقة مريم، وفي هندسة مع بعض، وهي فتاة طيبة وجميلة، وذات قامة عالية نسبياً عن مريم، ولها بشرة خميرية وعيون عسلية وجسد متوسط القوام، وشخصية مرحة، ومجنونة ومتهورة مثل صديقتها هنعرفها أكثر بعدين...

كريم الهواري: 28 سنة، صاحب أحمد المحمدي من الصغر، شاب في قمة الجمال، ذا جسد رياضي وقامة مرتفعة نسبياً، وعيون زرقاء وشخصية مرحة بعض الشيء، وهو شريك أحمد في العمل وأقربهم له، هنعرفه قدام أكثر برده...

سهام الهواري: والدة كريم، سيدة طيبة القلب، ذات 49 عام، وتحب ابنها كريم؛ لأنه ابنها الوحيد وزوجها متوفي ولا يوجد لديها إلا كريم وتحبه حب لا يوصف...

---

ماريا: ابنة عم كريم، صاحبة الـ 25 عام ، وهي فتاة هوائية ومجنونة تحب المغامرة وتحب كريم كأخ لها، ذات جسد متوسط وقامة مرتفعة و عيون رمادية فاتحة وبعض من النمش في وجهها وشعر أصفر قصير، حياتها كلها كانت في تركيا...

---

سوزان الهواري: والدة ماريا، صاحبه الـ 50 عام، تحب ابنتها جدًا، سيدة طيبة وحنونة وتحب كريم مثل ابنها...

---

حازم عز الدين: 27 سنة، دكتور في كلية الهندسة، أعزب ووحيد، معندوش اخوات، أبوه وأمه متوفيين، يمتلك جسد رياضي وقامة مرتفعة نسبيًا، ذا عيون سوداء واسعة ورموش كثيفة وبشرة خمرية، وذا عضلات بارزة وشعر أسود ولحية سوداء تعطيه مظهر في قمة الوسامة، هنعرف حياته أكثر قدام خلال الرواية...

---

ملك عبد التواب: 25 سنة، ذات عينان خضرويتان وبشرة بيضاء صافية ورموش كثيفة وغاية في الجمال، ذات قامة متوسطة وجسد متوسط، تتزين بلباسها الواسع المحتشم، فتاة طيبة القلب وحنونة وبريئة، خريجة معهد حاسبات ومعلومات وتعمل سكرتيرة في شركة M.H وهي سكرتيرة أحمد، هنعرفها أكثر قدام...

---

عبد التواب: والد ملك، 55 عام .. ورقية: أم ملك 45 عام

- دول أبرز الشخصيات اللي في الرواية، وفيه شخصيات هتظهر تاني وأحداث أكثر بس قدام شوية...

\*\*\*\*\*



- = والدتها: صباح النور يا نور عيني، ربنا يخليكم ويحميكم لبعض يارب
- أحمد: أو مال بابا فين من بدري كده ؟
- = والدته: بابا سافر بالليل وجاي النهاردة
- أحمد: إيه دا ! أنا معرفش حاجه عن سفره دا ليه؟! أنا هشوف الحوار دا
- = الأم: قاللي عنده شغل ضروري وسافر
- أحمد: اممم أنا هكلمه وأشوف
- مريم: يا ماما أنا جعانه عاوزه أفطر قبل مامشي يا بشررر
- = والدتها: حاضر بجهاز الفطار أهو
- مريم: اهئ أعيط يمكن أصعب عليكى يعني ! جعانه والله
- = الأم: يا بت اتلمي، يلا علشان تظفروا
- مريم: يفرج الله أخيراً هههههههه
- أحمد: دايمًا مفاجئة كده !
- مريم: قل أعوذ برب الفلق، هتحسدوني
- أحمد: هههههههه نحسدك ايه بس ! يلا علشان تاكلي بدل متاكل احنا هنا ههههههههه
- مريم: شايفه ابنك يا ماما
- = مها بضحك: هههههههه طب يلا كلي
- وجلسوا جميعاً ليتناولوا الفطار

### ■ فى مكان آخر وبالتحديد بيت الهوارى:

- كريم: صباح الخير يا ست الكل. ( وباس إيدها )
- = سهام والدة كريم: صباح الخير يا حبيب قلبي
- كريم: عامله ايه دلوقتي يا حبيبتي وصحتك عامله ايه دلوقتي؟!
- = سهام: أنا طول ما انت جاري فأنا كويسة يا حبيبي، نحمد الله

- كريم : يا ماما علشان خاطري متهمليش في علاجك علشان خاطري

= سهام: حاضر يا حبيبي

- كريم: طب أنا نازل ع الشغل يا حبيبي علشان اتأخرت، عاوزه مني حاجة ؟

= سهام: لأ يا حبيبي سلامتك

وودع والدته ونزل شغله

---

### ■ في كلية الهندسة: مايان واقفة مستنيه مريم

أول ما مايان شافت مريم راحت ليها ووشها احمر من العصبية علشان مريم اتأخرت جامد

– مايان: انتي يا زفته، كل دا واقفة مستنياكي يا مهزقة وانتي ولا هنا، واتأخرتي وعندنا امتحان، انتي مبتفهميش أصلا

- مريم بضحك: عندي أنا دي يا سيدي هههههه

– مايان: انتي مستفزة أوي، غوري

- مريم: بس حبيبة قلبك كده والله

– مايان: حصل، وهو أنا أقدر أنكر دا ! يلا بينا يا أخرة صبري عندنا امتحان وهنتعلق

- مريم: أنا جبت أخري من التعليم

– مايان: وأنا والله جوز ونبيبي

- مريم: امشي يا بلوه قدامي، كل همك الجواز !

– مايان: ههههههه طبعاً .. يلا بينا بقى

وذهبوا إلي الامتحان

---

### ■ في شركة المحمدى للمعمار:

يدخل أحمد بهيبته المرعبة وطلته الساحرة لكل من حوله، يقف الجميع يحدق به وبجماله وهيئته، منهم من ينظر له بإعجاب، ومنهم من ينظر له برعب وخوف.

دخل أحمد ولا يبالي لأحد، ودخل بثقة وكأنه لا يرى أحد



ركب الأسانسير وطلع الدور الـ 9 ودخل مكتبه، وأول مداخلة السكرتارية -  
اسمها ملك -

- أحمد: تعالي وهاتيلي كل الملفات اللي عندك متأخرة

= ملك: حاضر يا بشمهندس، دقيقة وأكون عندك

" بعد مرور دقيقتين دق الباب ... "

دخلت ملك بحجابها ولبسها الشرعي الذي يزيد جمالها فوق جمالها.

= ملك وعنيها في الأرض: اتفضل يا بشمهندس أحمد الملفات دي كلها متأخرة

( أحمد نظر لها نظرة لا يفهم هو معناها وتاه في جمالها الهادي )

- أحمد: احم اتفضلي يا أنسه ملك على مكتبك وياريت تبعتي القهوة بتاعتي

= ملك وعنيها في الأرض اتخرجت وخجلت من أحمد ونظراته لها: حاضر يا  
بشمهندس

وذهبت لتخرج... إلا أن أحمد نادى عليها

- أحمد: احم، أنسه ملك

نظرت له ملك بعيونها الخضراء وبشرتها البيضاء الصافية وكانت جميله حد السحر

= ملك: نعم

- أحمد نظر لها نظرة طويلة: هو كريم جه ؟

= ملك: مش عارفه هشوفه لحضرتك

- أحمد بعد ما فاق لنفسه: تمام اتفضلي

( خرجت ملك وهي في قمة الخجل )

- أحمد لنفسه: ايه اللي بهبهه دا؟! وليه دي! اشمعنا ملك دي يعني اللي بيحصلي كده

لما أشوفها! .. وفي الوقت دا فتح كريم الباب بدون استئذان

- كريم: أهلا يا أبو الصحاب وحشتني والله

- أحمد: يا بني انت متعرفش تخبط وتستأذن أبدا!

- كريم: ههههه، للأسف لا والله

- أحمد: طب عملت ايه في الدفعة اللي هتيجي تتدرب عندنا هنا
  - كريم: المفروض هيبدأوا من الأسبوع اللي جاي دا ان شاء الله
  - أحمد: تمام ماشي، يلا بينا ع الاجتماع
  - كريم: يلا بينا يبوص
  - وذهبوا للاجتماع
- 

### ■ في الجامعة:

- ( مريم ومايان بعد ما خالصوا امتحان وطلعوا من المدرج )
- مريم: أووووف أخيراً!!! خلصنا الامتحان ابن الرخمة دا! امتحان عاوز دماغ طالب فضائي
- = مايان: الدوك بيحيب امتحانات سم يا شيخة والله، امتحانات تكفر
- مريم: أه والله، فكك بقى من الامتحان ابن الجزمة دا وتعالى بينا ناكل، أحسن عصافير بطني بتعيط وحياتك
- = مايان: دا انتي فطرانة في البيت، أو مال لو مكلتيش كنت هتعملي ايه يا مفجوعة !
- مريم: بت اخرصي خالص بدل ما اكلك انتي كمان
- مايان بصتلها بصة خوف كده وقالت: لا وعلى ايه ياختي يلا قدامي
- ( وخرجوا من الجامعة علشان يتغدوا في مطعم )
- مريم: ماينو بقولك ايه ما تيجي نسيبنا من المطاعم الأبهة دي ونروح نضرب اتنين شاورما من عند عمو عصام
- = مايان: بينا على عمو عصام
- ( وراحوا كلوا شاورما من عند عم عصام وشربوا بيبسي واثمشوا شوية مع بعض واتكلموا كتير )
- وبعد ما مريم جالها تليفون من البيت إنها اتأخرت
- مريم: يلا يا ماينو بينا نروح اتأخرنا أوي
- = مايان: لسه بدري يا مريومة، وبتبص على ساعتها لقت الوقت اتأخر

= مايان: يا خبر، دا الوقت راح فعلا يلا بينا نروح  
وراحت كل واحدة على بيتها

---

### ■ عند أحمد وكريم في الشركة:

حضر أحمد الاجتماع هو وكريم وخلص الاجتماع

- أحمد: بس غريبة بابا مقالش قدامي إنه مسافر، ومش عارف سافر ليه وكمان مش  
بيرد على فونه خالص

= كريم: سافر امتي؟!!

- أحمد: بالليل، معرفتش غير الصباح والله، ماما بتقول هيجي النهاردة بالليل أو بكره  
بالكتير

= كريم: متقلقش لما ييجي هنكلموا ونعرف

- أحمد: أه بس قلقان

= كريم: من ايه بس يا صاحبي! تلاقيه شاقطله مزة كده ولا حاجة هههههههههههه

- أحمد: مزة ايه يا حيوان اتلم

= كريم بتمثيل الخوف: ماشي ياعم متزوقش بس

- أحمد: المهم الطلاب بتوع هندسة اللي هيجوا يتدربوا عندنا كمان يومين دول، كل  
حاجة متظبطة؟

= كريم: أه كل حاجة تمام، وكمان فيه مشروع جديد هنبدا فيه مع العميل الألماني  
عاوز أوريك تصاميمه، ولو عجبك نعرضها عليهم وأخلي أحسن المهندسين يباشروا  
فيه وندرب الطلاب معنا فيه

- أحمد: تمام وريني كده

( كريم ورّاه كام رسمه وتصميم واختاروا اللي عجبهم )

- أحمد: دا ودا تمام جدا، هنعرضهم عليه ولو وافق نبدأ تنفيذ فيه

= كريم: علم وينفذ

- أحمد: طب يلا أسيبك أنا بقي، فيه كده شوية ورق هخلصهم وأروح

= كريم: وأنا خلصت، هروح أنا بقى علشان أمي عندها علاج هتاخده أحسن تنسي، سلام

- أحمد: سلام، سلملي عليها لحد ما أجيلكم

= كريم: يوصل ياخويا

( اتوجه أحمد لمكتبه علشان يخلص الشغل اللي عنده )

وهو داخل لقي ملك قاعدة على مكتبها بتخلص شغل

أحمد بصلها وسرح فيها وبعد كده فاق لنفسه: احم أنسه ملك

- ملك: نعم يا بشمهندس

- أحمد: فيه ورق عاوز يتلخص بتاع الصفقة الجديدة، عاوزه يكون على مكتبي علشان أمضيه

- ملك: حاضر يافندم

ودخل أحمد مكتبه علشان يكمل شغله

" وبعد خمس دقائق دخلت ملك...

- ملك: بشمهندس أحمد الورق بتاع الصفقة أهو، وفيه عند حضرتك بكره ميتينج مع العميل الألماني

- أحمد: تمام جهزيلي كل حاجة تخص الصفقة دي، وفيه كام تصميم للمشروع خديهم من كريم علشان الملف كله يبقى جاهز لما نوريهوله

- ملك: حاضر

- أحمد: احم، ملك

- ملك: نعم

- أحمد: هو انتي خلصتي شغلك

- ملك: احم، أه فيه حاجات بسيطة هخلصها وأمشي

- أحمد: طب تقدر تروحي وتكلميه بكره عادي

- ملك: لا عادي هكمله وأمشي مش هيحصل حاجة

- أحمد: طب لو حسيتي إنك تعبانة خلاص روعي عادي

– ملك: حاضر، عن إيدك

( خرجت ملك وتركت أحمد سرحان في جمالها وفيها )

بعد وقت ليس بقليل خلص أحمد شغله وخرج لقي ملك بتقفل شغلها

- أحمد: خلصتني شغلك ؟

– ملك: أه الحمد لله خلصته كله

- أحمد: هتروحي دلوقتي صح ؟

– ملك: أه يا فندم

- أحمد: لو ممكن أوصلك لإن الوقت اتأخر

– ملك: لا مش هينفع

- أحمد: يا ستي اعتبريني تاكسي واركبي ورا عادي

( بعد محاولات من أحمد وملك لقيت إن الوقت اتأخر فعلا ركبت بس ركبت ورا )

وصلها أحمد لحد باب المنزل وطول الطريق سرحان فيها ومستغرب حاله إنه أول مرة يبقى كده مع حد

وبعد ما وصلها للبيت وشكرته ملك، توجه لبيته بعد يوم متعب وشاق.

- أحمد: ماما بابا مكلمكيش

= الأم: لا يا حبيبي لسه تليفونه مقفول

- أحمد: أنا قلقان عليه بصراحة

– مريم: وأنا كمان

( وفي الوقت دا رن ياسين عليهم )

رد أحمد بلهفة: ألو يا بابا تلفونك مقفول ليه؟! وسفر ايه اللي سافرتة فجأة دا !

— ياسين: متقلقش يا حبيبي أنا كويس، أمك وأختك عاملين ايه؟!

- أحمد: ماما قلقانة عليك ومريم

— ياسين: سفر شغل يا أحمد متقلقش وطمئنهم، أنا هاقل دلوقتي وبكره بالكثير هاجي،  
يلا مع السلامة

أحمد وهو قلقان ومش متطمن: مع السلامة

( أغلق ياسين الهاتف مع أحمد )

= مها: أبوك عامل ايه وهو فين؟!!

– مريم: بابا فين ومكلمناش ليه يا أحمد؟!!

أحمد علشان ميقلقش أمه وأخته: متقلقوش هو كويس، سفر شغل بس ومش فاضي  
وهيكلكم بكره ان شاء الله...

يا ترى ياسين مسافر ليه؟!!

وايه اللي مخبيه علي عيلته؟!!

وايه هيحصل مع أبطالنا؟!!

يتبع...



– دادة فاطمة: أمك في عينيا يحبيبي والله، متقلقش علينا، يلا روح ربنا يصلح حالك يا رب

وودعهم كريم ونزل ركب عربيته واتجه في طريقه للشركة، ولا يدري ما الذي ينتظره وما يخبؤه له القدر، بس كل اللي حاسس بيه هي فرحة

## ■ عند مايان :

مايان واقفة مستتية تاكسي علشان تروح الجامعة بتاعتها لإن النهاردة يوم مهم، هيتم اختيار أكفأ الطلبة علشان يتم تدريبهم في شركات هندسة، ودي طبعا نقله وفرصة ثانية ليهم...

مايان واقفة مش واخده بالها من الطريق ولا من العربية اللي جايه على سرعتها كلها، طبعا ماشية عادي، وفي أقل من ثانية بتبص قدامها لقت العربية عملت فرامل بسرعة، بس الخبطة حصلت في رجلها، بس بسيطة برده.

- مايان بوجع: اااااااااااااااااا رجلي، يالهوي عليا، ياللي لسه صغيرة ع الموت يا مايان، ياللي شبابك ضاع، اااااااااااااااااا يا رجلي، منك لله يا بعيد إلهي تنشك في عينك ورجلك وإيدك وحوابك اااااا.

كريم واقف كان مخضوض عليها جامد بس بعد منظرها دا كان هيموت من الضحك = كريم بضحك: اهدي يا أنسة، والله ما اقصد، وبعدين انتي اللي واقفة مش واخدة بالك وواقفة في نص الطريق

- مايان : يا أخي اتق الله، انتوا كده الشباب مبتغلطوش نفسكم أبداً.

ورفعت عيناها فيه علشان تبصله، سرحت في جمال وعينيه اللي بلون السما

- مايان ف نفسها: أوباااااااااااا، هو دا بجد ! دا شبه بتوع السيماء، يا لهوي عليا ايه القمر دا ! يخربيت جمال أمك يا جدع

( كريم لاحظ نظرتها ليه وفهم طبعا وابتسم ابتسامة زادته جمال فوق جماله )

= كريم: احم، يا أنسة أنا ممكن أوصلك مكان ماتحبي، لو حابه يعني وأهو أعتذرلك على غلطي دا





.....  
- دكتور حازم: طبعا أنا شرحتلکم كل حاجة، والشركة اللي هتروحوا تتدربوا فيها هي ( شركة المحمدي للمعمار ) طبعا دي من أحسن الشركات في الشرق الأوسط هي وشركات الهواري اللي يعتبر بقوا شركة واحدة وبقي اسمها M.H وليهم كذا فرع طبعا، فمش محتاج أقولکم الغلطة هناك عامله ازاي

مريم اتصدمت مكنتش حابه تتدرب في شركتهم علشان متحسش إنها اعلي من صاحبها، أو إن أخوها ممكن يميزها عنهم، مكنتش حابه النقطة دي.

طبعا مايان هدتها وفهمتها إن أحمد المحمدي عنده الشغل شغل، مبيفرقش فيه بين قريب وغريب وكله واحد عنده

= مايان: متقلقيش يا مريم بقي اهدي

- مريم: ربنا يستر بقي

- دكتور حازم: اللي هيثم اختيارهم في التدريب هم:

( مايان السيد - مريم المحمدي - أحمد محمود - مروان جمال - إبراهيم محمد - ملك أمين - سارة جلال - سيف نبيل - عمار أسامة - ياسمين عماد )

دول تم اختيارهم وربنا يوفقکم يارب، وتقدرُوا تنفضلوا دلوقتي

طلعوا من القاعة، مايان مش قادرة تمشي ومريم متوترة من التجربة الجديدة، بس بعد كلام مايان قالت هتقعد وتفهم أخوها أحمد وجهة نظرها وإنها حابه تكون زيها زي زملائها مش تتعامل كمريم المحمدي ولا أي حاجة

وخذت مايان وراحوا المستشفى وكشفوا

- مريم: طمني على مايان يا دكتور

= الدكتور: متقلقيش هو بس مكان الخبطة ولوية في رجليها بسيطة، هتاخذ الكريم دا وتحط منه وإن شاء الله تبقى كويسة، اتظمنوا وألف سلامه عليكي

- مايان بابتسامة: الله يسلمك يا دكتور

خرجت مريم ومايان من عند الدكتور: مريم سائدة مايان

- مايان: ايه يا مريم لسه متضايقة؟!!

- مريم: مكنتش حابه أتدرب في شركتنا

– مايان: يا حبيبتى متقلقيش، أنا معاكى والله، وفهمى أخوكى وباباكي كل دا، وهما أكيد هيقدرُوا ده

مريم بالراحة: أول لما أروح هاتكلم معاهم  
وطلعت مريم وصلت مايان وراحت ع البيت، ووسط أفكار ودوامة من التوتر

---

أما بالنسبة لكريم كان بيفكر فيها ودي أول مرة تحصل أصلا إن ابن الهواري تشغله واحدة، وخصوصا إنه مشافهاش إلا مرة، وكانت مرة مش لطيفة خالص يعني، بس كان قلقان عليها جامد ونسى مع أفكاره.

---

### ■ عند أحمد :

خلص شغل وطبعا اتأجل تدريب الطلبة الجداد لتاني يوم، وروح على البيت وأول ما دخلت مريم كانت مستنيه

- مريم: ميدو عاوزه أتكلم معاك شوية

= أحمد: هيبتي بتضيع بعد ميدو دي والله، هههههههههههه

- مريم: هههههههههههه هو فيه حد مدلعك غيرى يا برنس !

= أحمد: قلب البرنس من جوه والله

- مريم: طب بقولك ايه

أحمد لاحظ إنها زعلانة ومتوترة

= أحمد: مالك يا مريومة

- مريم: عاوزه أتكلم معاك شوية

= أحمد: تعالى يا حبيبتى فى ايه؟!

مريم حكيته كل اللي حصل فى الجامعة وتفكيرها، وأحمد أعجب جدا بتفكير أخته، ووعدا إنه هيثم زي ما هي عاوزه، ومريم فرحت جدا.

– مها والدتهم: فرحانين كده ليه ! ربنا يفرحكم دايمًا يارب

( حكت مريم كل ما حدث لوالدتها وسعدت مها بتفكيرها جدا )

ياسين المحمدي والدهم جاء من خلفهم وكان واحشه عيلته

بعد السلامة والتحية وبعد ما حكت مريم كل اللي حصل لوالدها وفرحوا جدا جميعا  
لتفكير مريم وشجعوها

— ياسين: ايه يا مها أنا جعان أوي

— مها: ثواني يا حبيبي ويكون الأكل جاهز

( جهزت مها الأكل ودخلوا أوضة السفارة وكلوا مع بعضهم في جو أسري )  
وهما بياكلوا:

= أحمد: بابا ايه سبب سفرك اللي انت سافرته دا؟! وليه مقولتليش؟! أبقى آخر من  
يعلم!

— ياسين بتبرير: أبدا، هو بس تبع الشغل الجديد وكان لازم أسافر بنفسه ضروري

- مريم: من غير متعرفنا يا بابا!

— ياسين: معلش يا حبيبي

— مها: كانوا قلقانين عليك أوي يا ياسين

— ياسين: ربنا ما يحرمني منكم، وبعدين ما أنا معاكم أهو

" وبعد ما اتعشوا مع بعض في جو مرح أسري ما بين أحمد ومريم وجو من المرح  
بين الأسرة "

ياسين حس إنه تعبان ومحتاج يرتاح

— ياسين: طب أنا محتاج أرتاح شوية

= أحمد: اطلع ارتاح، وأنا كمان هاطلع، عندي شغل هخلصه وأنام

- مريم: طب سووولام أنا كمان يعني هاقعد لوحدي!

— ياسين: ههههههه هتخافي يعني!

= أحمد: أه ممكن عفاريت تطلعها

مريم بخوف: ب بب بابا لم ابنك عني بقي

— ياسين بضحك: هههههههه بس يا أحمد عنها

= أحمد: خوافة أوي، أنا طالع أنام تصبحوا على خير  
- مريم: منك لله يا أحمد يا ابن مها، مش هاعرف أنام دلوقتي لو حدي اهئ اهئ تصبحوا  
على خير أنا طالعة  
- مها: ههههههههه لسه بتخافي!  
- مريم: ايه ياست الكل انتي وابنك عليا! يلا تصبحوا على خير  
— مها وياسين: وانتي من أهل الخير يا حبيبتي  
وتركتهم مريم وطلعت غرفتها  
ومها وياسين طلّعوا أوضتهم

---

### في أوضة ياسين ومها :

كان باين على ياسين التعب والإرهاق  
مها بعد إصرار إنها تعرف ماله حكاها إن عنده مشاكل في القلب وإن حالته متأخرة  
وإن نتيجة العلاج ضعيفة ومحتاج عملية  
مها حزنت وبكت بشدة على حبيب عمرها، وهو هدّاها وخدها في حضنه وحاول  
يطمنها  
ودخل الليل وكل واحد راح في ثبات عميق ما بين أفكار كل واحد فيهم، منهم اللي  
متوتر وخايف من بكره، ومنهم اللي بيفكر فيمن اخذ عقله ومن سنين ومش معترف  
بدا، ومنهم من بيفكر في اللي احتلت عقله من لقائهم الأول، ومنهم من نام حزين من  
المستقبل ولا ندري ما يخبؤه له.  
يا ترى ايه اللي هيحصل مع مريم  
وايه اللي هيحصل مع ياسين وهل مها هتتحمل فكرة تعبها ولا لا؟!  
ومريم هتعمل ايه في التدريب الجديد؟!  
ومايان ايه حكايتها؟!  
لسه في أحداث أكثر  
يتبع...

## " الفصل الثالث "



بداية يوم جديد وملامح أجدد وبداية لقصص ستخلد وتبني أساطير لعشاق هؤلاء الأساطير.....

### ■ عند مايان:

استيقظت من نومها وقامت أدت فرضها وارتدت فستانًا أسودًا واسعًا، ويوجد به حزام بيج، وحجاب فضفاض بنفس لون الحزام، وحذاء، ولم تضع أي من مستحضرات التجميل سوى ملمع شفاه، وكانت في أبهى صورها واياه في الجمال، واستعدت لتقابل رفيقة دربها ويذهبوا لأول يوم تدريب لهم في شركة المحمدي وشركة الهواري للهندسة؛ والذين صاروا شركة واحدة بعنوان M.H ودا إسم الشركة.

طلعت مايان عند والدتها ووالدها: صباح الخيرات يا عصافير الحب

= أمها راوية: صباح النور يا بكاشة، ههههههه

- أبوها الحاج سيد: أهلا بحبيبة قلبي

مايان باست إيد إمها وأبوها وقالت إنها هتنزل علشان مستعجلة، وحكت لهم إن دا أول يوم تدريب ليهم في شركة M.H

= الأم: ربنا معاكي يا بنتي ويوفقك

- الأب: خلي بالك من نفسك، في رعاية الله

- مايان: حاضر يلا باااي

وذهبت لتقابل مريم







- مريم: حضرتك احنا المفروض هنتحرك دلوقتى، فهل ينفع أمشي بعريبتى أنا ومايان ولا لازم نتحرك مع التيم فى الباص؟!  
- الدكتور حازم: لا عادى تقدرى تتحركى بعريبتك وكده كده كلنا هنوصل مع بعض  
- مريم: تمام ألف شكر، عن إذن حضرتك  
- حازم: العفو، على ايه تقدرى تتفضلى  
وذهبت مريم ومايان للعربية علشان يتحركوا، واتبعهم التيم كله فى الباص إلى أكبر شركة هندسة M.H

---

### ■ فى الشركة عند كريم وأحمد:

فى مكتب أحمد علشان يتفقوا على التيم اللي هيتدرب فى شركتهم  
= أحمد: كريم كده مواعيد جدول العمل النهاردة هنقابل التيم دا ونبدأ تدريبهم، وبعدها فيه ميتينج مع العميل الألماني هنقابله  
— كريم: تمام ماشى، يلا بينا علشان التيم بتاع الجامعة وصل  
= أحمد: اه فكرتني نسيت أقولك إن مريم أختي هتبقى من ضمن المتدربين الجداد دول، ومش عاوزك تفرق بينها وبينهم، عاملها زيها زيهم لأنها طالبة دا بنفسها ومش عاوزة تحس بأى فرق  
— كريم: حاضر، بس ليه قالت كده!  
= أحمد: انت عارف مريم عاوزة تعتمد على نفسها مش علينا، ف انت ولا كإنك تعرفها، قدامهم على الأقل  
— كريم: حاضر متقلقش انت  
( ودق الباب فى تلك اللحظة واقتحم حازم عليهم المكتب )  
- حازم: أهلا بصحبة الهلاك  
= أحمد: حازم عز الدين، فينك يا راجل ليك وحشة والله  
— كريم: حازم حازم  
- حازم: بسيونى بسيونى، لسه فيك الجملة دي ! ههههههه وحشني يا ولاد الايه

— كريم: وانت والله يا زوز

= أحمد: ايه يا بني من ساعة ما اتعينت دكتور في الجامعة زي ما كان نفسك زمان  
وانت نسينا

— حازم: عيب عليك يا غول أنا اقدر برده !

= أحمد: هههههه لسه بتقول الجملة دي !

— كريم: هههههه ما هو طول عمره كده

— حازم: ايه يا كنج في ايه يا عم !

— كريم: لا أنا كده اتأكدت إنك زي ما انت متغيرتش

— حازم: عيب عليكم يا رجاله ههههههههههه والله ليكم وحشة بجد، طمنوني عليكم من  
زمان متجمعناش

= أحمد: احنا الحمد لله والدنيا أهى ماشيه، بس ايه سر الزيارة الغريبة دي !

حازم: أصل يا سيدي فيه طلبة هيتدربوا عندكم هنا، وأنا المسؤول عنهم طول الفترة  
دي

— كريم: طب كويس أوي، يبقى هنشوفك علطول ان شاء الله ولينا قعدة مع بعض  
لازم

— حازم: أكيد طبعا

= أحمد: طب يلا بينا علشان اتأخرنا ! وفيه اجتماع مع الطلبة الجداد دول

— كريم وحازم: يلا بينا

ونزلوا مع بعض ثلاثي بعد ما اجتمعوا بعد فترة غياب جامدة

---

### ■ في قاعة الاجتماعات اللي مجتمع فيها التيم كله:

كريم وهو داخل أول ما دخل القاعة شاف مايان وبصلها باستغراب، بس بيّن إنه مش  
مهتم

كريم وأحمد دخلوا القاعة وعليهم الأنظار بطلتهم الجذابة وبصحبتهم حازم وكل واحد  
فيهم ليه مظهره وطلته الخاصة

حازم دخل القاعة وجلس برفقة الطلبة بتوعه؛ علشان الاجتماع اللي هيبداً..

= أحمد: السلام عليكم، أحب أعرفكم بنفسي، أنا أحمد المحمدي صاحب شركة المحمدي للهندسة والمعمار

— كريم: وأنا كريم الهواري، صاحب شركة الهواري للهندسة والمعمار، واللي هي وشركة المحمدي بقت شركة واحدة

= أحمد: طبعا انتوا أكيد عارفين ايه هي شركة M.H للمعمار وإنها من أهم الشركات على مستوي العالم وليها مكانة طبعا

— كريم: انتوا هتعرفوا نظام الشغل كله حالا وإن التدريب دا هيساعدك بعد كده ليك كمهندس وهيديك فرصة كويسة تشتغل بيها فيما بعد

= أحمد: نظام الشغل عندنا هنا الالتزام في كل حاجة والأمانة والإتقان في العمل، تدريبكم هنا هيكون 6 شهور وبعدها كل واحد فيكم هيعمل مشروع علشان يقدموا وبناءا على كده هنختار منكم أكفأ المهندسين واللي ان شاء الله يكملوا معانا بعد كده هسيبكم شوية نظبط الأسماء ونرجعكم

### ■ عند مريم ومايان:

- مريم: أنا خايفه ومتوترة أوي

— مايان: مش أكثر مني، فاكراه الواد اللي خبطني بالعربية؟!!

- مريم: أه ماله؟!!

— مايان: احم اللي شتمته دا وحكتك عنه

- مريم: أيوه بينتي ماله!

— مايان: أصل هو بقى دا البشمهندس كريم

- مريم: يخربيتك يا مايان

— مايان: وأنا ايش عرفني إنه هيبقى هو دا صاحب الشركة وشريك أخوكي

- مريم: حصل خير، متخافيش كريم شاب محترم جدا وكويس، معتقدش يعمل حاجة يعني



## ■ عند كريم وأحمد:

— كريم: أحمد، فاكر البت اللي قولتلك عليها إني خبطها بالعربية

= أحمد: أيوه مالها

— كريم: هي صاحبة أختك اللي معاها دي

= أحمد: تقصد مين مايان؟!

— كريم: ايه دا هي اسمها مايان!

= أحمد: اه

— كريم: امم ( وسرح شويه كده )

= أحمد: ايه يا بني، انت روحت فين!

— كريم: ها لا أبدا معاك

( وجالهم حازم في اللحظة دي )

— حازم: ها يا شباب هتعوزوا حاجة؟!

= أحمد: ايه يا بني رايح فين ما انت قاعد معانا شوية

— حازم: لا هروح أنا بقى وانتوا شوفوا شغلكم

— كريم: طب هقولك, هو انت عندك حاجة غير شغل الجامعة؟

— حازم: لا ليه!؟

— كريم: طب ما تيجي تشتغل معانا هنا في الشركة وأهو نبقي مع بعض زي زمان

= أحمد: والله فكرة كويسة، فعلا كويس أوي

— حازم: امم بس

— كريم: بس ايه! انت من بكره هتبقى معانا

= أحمد: آه مفيش مناقشة في الحوار دا خلاص

— حازم: طب بس هاشتغل ايه وهرتب ازاي بين شغل الجامعة والشركة مع بعض!

= أحمد: هتبقى معانا في الإدارة وحتى تنزل مع كريم التدريب بتاع الطلبة؛ لأن أنا هابقي ملخوم في المشروع الجديد، ايه رأيك!؟

— كريم: فكرة كويسة جدا

— حازم: تمام اللي تشوفوه

= أحمد: ونسبتك ومرتبك هيبقوا معروفين

— حازم: ايه يابني اللي بتقولوه دا ! أنا ميفرقش معايا الكلام دا

— كريم: لا يا زوز دا شغل ودا حقك وأنا بكره ان شاء الله هفهمك الدنيا ماشيه ازاي

— حازم: خلاص ماشي، يلا أسيبكم أنا بقى مع السلامة

= أحمد وكريم: الله يسلمك

— كريم: يلا بينا علشان العميل الألماني اللي هنقابله

= أحمد: يلا

---

في أفخم المطاعم يجلس أحمد وكريم

"الكلام بالألماني" بس مترجم

- جون: أهلا سيد أحمد، أهلا سيد كريم

= أحمد: أهلا بك سيد جون

— كريم: مرحبا بك سيد جون في مصر

- جون: سعدت بلقائكم وبالعامل معكم

= أحمد: ونحن أيضا

— كريم: شكرا لك سيد جون

وبدئوا بمناقشة المشروع وهو عبارة عن فندق سياحي وبه بعض المشاريع وانتهوا

بالاتفاق على المشروع وحددوا مقابلة أخرى

- جون: سعدت بلقائكم مرة أخرى

— كريم بابتسامة له: ونحن أيضا

وتركهم جون وذهب



( وأخذت مريم ودخلوا المطبخ )

ياسين قاعد بيراجع ملفات في مكتبه

الباب خبط

— ياسين: ادخل

= أحمد: بتعمل ايه يا بابا؟! سألت ماما قالت إنك بتشتغل

— ياسين: اه كان فيه كام عقد كده براجعهم

عملت ايه مع العميل الألماني والمشروع؟!!

= أحمد: كنت لسه بقابله أنا وكريم واتفقنا على كل حاجة وهنبتدي تنفيذ من بكره

— ياسين: كويس جدا ممتاز

وفي تلك اللحظة اقتحمت مريم المكتب بدرامتها

- مريم بتمثيل: أبويا وأخويا مع بعض ! لا لا يا ويلتااه وحسرتااه على قلبي، مش  
قادرة أصدق عينيا!!!!

= أحمد باستفزاز: خلاص كديها

- مريم بغیظ: انت تسكت خالص بتخوني مع أبوك يا غدار !

— ياسين بضحك شديد: هههههههههههه يا بنتي هتموتيني بسبب اللي بتعمليه فيا دا

- مريم بضحك: بعد الشر عليك يا سينو يا حبيبي، إن شاء الله عم فرحات بتاع السوبر  
ماركت اللي كل شوية يغلي الحاجات

= أحمد: يا ساتر يارب

- مريم: تخيلوا يا جماعة الإندومي بقي با خمسة جنيهه !

— ياسين بدراما: بخمسة جنيهه مرة واحدة !

- مريم: اه والله، لا وايله كمان عصير الميكس شيكولاتة وحليب تخيل كده يا أحمد بكام  
!؟

= أحمد: غلي هو كمان ولا ايه؟!!

- مريم: اه تخيلوا بقي بسبعة جنيهه !



— ياسين: الدنيا جرى فيها ايه ! كل دول غلبوا !؟

- مريم: اه تخيلوا كده أعيش ازاي ! اااه يا قلبي ماهو الغدر بييجي من كله، أنا قلبي لا يحتمل لا يحتمل، ياويلنااااه وياحسرتااه

— ياسين بضحك: أحمد أختك مالها هههههههههه

= أحمد: عليه العوض ومنه العوض، بنتك اتجننت والله

وفي تلك اللحظة جاءت مها من خلفهم

— مها: انتوا بتضحكوا هنا وانا حطيت الأكل وبرد بره

- مريم: أوبس نستوني إني كنت جايه أندهلكم، ليه والله معلش يا ماميتو كنا بنتناقش في الغلا والأسعار اللي بترفع دي

— مها: امشي قدامي يا أخرة صبري امشي

مريم: شوف مراتك يا ياسين، تعبتوني معاكم دا أنا سكرة والله

= أحمد: يا دمك الثقيل

- مريم بدراما: انتوا أهل انتوا ! لا لا مش قادرة، قلبي لا يحتمل، اهئ اهئ اهئ

وتركتهم وغادرت

— ياسين بضحك: هتجنني والله، يلا نشوفها وناكل

اجتمعوا كلهم يتعشوا مع بعض في جو أسري مرح

ما بين مرح مريم وأحمد لبعضهم البعض

---

وانتهي اليوم بأحداثه الشاقة وينتظرنا بداية يوم جديد مع أبطالنا وما يخبؤه لنا القدر

فهل يا تري ايه اللي هيحصل مع مايان وكريم !؟

وايه دور حازم معانا !؟

وأحمد هيعمل ايه مع ملك وليه مش معترف حتى قدام نفسه !؟

يتبع...



– مها: نايم يا حبيبي علشان تعبان شوية

= أحمد: ايه دا ماله !؟

– مها: ها ! لا يا حبيبي بابا تمام متقلقش هو تعبان شوية عادي متقلقوش

- مريم: طب أنا هادخل أتطمئن عليه وأنزل

= أمد: استني هاجي معاكي

---

### مريم وأحمد في غرفة والدهم:

- مريم: ايه يا بابتي، سمعت إنك تعبان مالك يا عيوني !

— والدهم: لا يا حبيبي دول شوية تعب بساط متقلقيش هابقي تمام

= أحمد: ألف سلامة عليك يا بابا، لازم أوديك للدكتور

— والدهم: ها ! لا أنا بخير متقلقش

- مريم: بس مينفعش يا بابا

— والدها: يا حبيبي أنا كويس متقلقيش، يلا انتي عندك تدريب أول يوم النهاردة، يلا

روحي انتي ومتقلقيش

- مريم: حاضر يا حبيبي، ألف سلامة عليك

= أحمد: طب يا بابا انت حاسس ب ايه !

— المحمدي: أنا كويس، هما شوية تعب وهيروحوا، بس لحد ما أبقى تتم انت اتولى

إدارة الشركة وكل حاجة

= أحمد: متقلقش يا بابا، وآه كنت عاوز أقولك إن حازم عز الدين صاحبي هيشغل

معانا أنا وكريم

— المحمدي: ماشي يا حبيبي ينور، حازم شاب كويس ومحترم وكفاية إنه هيبقى معاك

انت وكريم أهو تشيلوا الحمل من عليا شوية

= أحمد: متحرمش منك يا بابا

" مريم أول ما سمعت اسم حازم قلبها دق واستغربت إنه على معرفة بأخوها، لا

وكمان هيشغل في شركتهم ومعاهم، حسنت بإحساس غريب وسرحت شوية "

= أحمد: مريم، مريومة

- مريم: نعم

= أحمد: ايه يا بنتي سرحتي في ايه !

— أبوها: هههههه تلاقيا متوترة من إن النهاردة أول يوم بس

مريم بصت في ساعتها لقت الوقت راح وباقي ربع ساعة

- مريم: يالهووووي عليا، الوقت راح وابنك يا بابا القادر دا هيشلوحني أنا والبت مايان

مريم خبطت بإديها على جبينها يالهوي: مايان دنا نسيته خالص دي هتعلقني

: طب س سس سلام ألحق أطير أنا بقى علشان الوقت في ذمة الله

= أحمد: استني أوصلك معايا طيب

- مريم: لأ احنا قلنا ايه يلا سلام عليكم أطير أنا بقى

وذهبت مريم بعد ما ودعت والديها واتجهت للشركة مع بداية يوم جديد ومغامرة أجدد

وتبعها أحمد بعد أن ترك والده

### ■ في الشركة في الساحة الواسعة الخاصة بالطلبة اللي هيتدربوا:

مايان ومريم واقفين يتكلموا مع بعض

— مايان: أنا قلبي بيدق ومتوترة واتوترت أكثر إن البشمهندس كريم اللي هيدرني دا

أنا هاتعلق والله

- مريم: ههههههه أو مال لو عرفتي مين اللي معاه هتعملي ايه !

— مايان: مين يا أختااه اللي معاه

- مريم: الدكتور حازم، وطلع صاحبهم من زمان وصاحب أحمد أخويا، وهيشغل

معاهم هنا في الشركة برضه، أحمد كان بيقول لبابا الصبح وكانوا بيتكلموا

— مايان: العب، أهي كملت أهي ( وانتبهت للي بيصلهم )

— مايان لمريم: مريم بصي مين بيص هنا !

بصت مريم لقت حازم بيصلها فاتوترت

- مايان: أنا بصراحة بحس فيه حاجة من نحيته ليكي، بصاته كثير أووي بجد  
- مريم: حاجة ! حاجة ايه بس ! دا تلاقيه بيبص عادي يا بنتي  
- مايان: بكره نشوف وتصدقي إن نظراته دي مش عادية  
- مريم: امشي بس علشان نبدأ يلا
- 

### عند حازم، واقف مركز مع مريم أوى:

- كريم: ايه يابني واقف بتبص على ايه ومركز كده !  
وبص في نفس اتجاه ما حازم بيبص لقي نظراته اتجاه مايان ومريم  
- كريم: انت بتبص على مين !?  
= حازم: ها ! لا أبدا، كنت عاوز ايه !  
- كريم: مفيش أصل شايفك مركز ناحية مريم ومايان  
= حازم باستغراب: ايه دا وانت تعرفهم منين !  
- كريم: يا بني دي مريم أخت أحمد، ودي مايان صاحبته  
= حازم: اااه مكنتش أعرف، أصلهم طلبة عندي وكده، ما انت عارف  
- كريم: وانت بقى بتبص لمين فيهم !  
= حازم: بصراحة أنا معجب بمريم من زمان، بس خايف آخذ خطوة وكده أحسن  
ترفض  
- كريم: ايه دا بجد ! مريم كويسة، واية يخليها ترفض !?  
= حازم: مش عارف يا صحبي والله  
- كريم: لو بتحبها خذ خطوة يا حازم  
= حازم: سيب كل حاجة لوقتها لما أظبط أموري الأول  
- كريم: خير ان شاء الله، يلا بينا علشان نبدأ شغل  
= حازم: يلا
- 

كريم وحازم وقفوا مع بعض وشرحوا نظام الشغل وإن حازم هيكون مع كريم ويساعده

- كريم: فيه موقع هنروحوا دلوقتي هيجتاج تأسيسات وتطبيقات لانه هيبقى مشروع مهم جدا للشركة وكل واحد لازم يثبت نفسه فيه

= الطلبة جميعا: تمام يا بشمهندس

واتوزعوا لقسمين: مايان كانت مع كريم، ومريم مع حازم، وبعض الطلبة ينقسمون ما بين كريم وحازم

---

### عند حازم:

- حازم: مروان انت هتبقى مسؤول عن المبنى اللي هناك دا وانت يا ملك مع مروان

= مروان وملك: تمم يا بشمهندس وذهبوا لياشروا العمل

- حازم: سيف وعمار هيبقوا مسؤولين عن المباني

أما انتي يا مريم هتبقى معايا في الإشراف

= مريم: احم، بس يا دكتور اشمعنا أنا في الإشراف ! ليه منزلتش عمل زيهم !؟

- حازم: لا أبدأ، بس انتي هتباشري في الإشراف أحسن

= مريم: تمام يا دكتور اللي تشوفه

وبدأوا شغل

---

أما عند كريم فقسمها ما بين اللي هيتابع المباني وحسب كل قسم وكل واحد فيهم

واختار مايان تبقى معاه في الإشراف

مايان اتوترت إنها هتبقى مع كريم

- كريم: بشمهندسة مايان هتتبعي معايا الإشراف

= مايان بصوت منخفض: هتابع ازاي بس بحلاوتك دي يخربيتك !

كريم سمعها بس مبينش دا وابتسم

- كريم: احم، بتقولي حاجة يا بشمهندسة مايان ؟

= مايان: احم، لا أبدأ، تمام يا بشمهندس كريم معاك أكيد

واتوترت من فكرة أنها هتبقى معاه أصلا

عند أحمد:

دخل المكتب ورن بتلفون المكتب على ملك

- أحمد: ألو، يا ملك هاتيلي قهوتي

= ملك: حاضر يا بشمهندس

( طبعا هو مش عاوز يشرب قهوة، هو بيتلكك علشان يشوف ملوكة؛ لأنها وحشته )

بعد وقت قصير خبطت ملك على الباب

- أحمد: ادخل

= ملك: احم، القهوة يا بشمهندس

- أحمد: تسلم إيديكي

= ملك: شكرا يا بشمهندس

هروح أجيب الورق اللي محتاج إمضة حضرتك

( طبعا ملك كل دا متوترة من نظرات أحمد أصلا، وخجلت ووجهها بقى عبارة عن

قطعة من الطماطم )

- أحمد: تمام اتفضلي

وخرجت ملك وسرح أحمد شوية

- أحمد لنفسه: وبعدين يا أحمد هتفضل كده كتير! ولا انت اللي معترف لنفسك ولا

انت اللي معترف ليها

ملك خبطت على الباب مرة ثانية وقطعت تفكيره

- أحمد: ادخلي يا ملك

= ملك: دا الورق اللي محتاج إمضة حضرتك

خد منها أحمد الورق ومضاه وبيشرب من القهوة

- أحمد وعينه على الورق: بتعملي قهوة حلوة أوي

= ملك بابتسامة زادت جمال وخجل في آن واحد: شكرا يا بشمهندس

- أحمد بابتسامة وهو يتطلع إليها: كل حاجة شكرا شكرا ! طب يا ستي العفو  
ابتسمت ملك وقلبها أصدر طربا لا يحدث إلا في وجود أحمد

- أحمد: ضحكك حلوة أوي

ملك اتوترت أوي

= ملك: ااا طب حضرتك عاوز حاجة تاني؟!!

- أحمد بنفس الإبتسامة: لأ يا ستي مش عاوز حاجة تاني، و آه تسلم ايدك ع القهوة  
ابتسمت ملك وخرجت وسابت أحمد وقلبه يعلن أنه فاز على عقله وأنه أصبح أسير  
عين ملك

---

ملك خرجت من المكتب وقلبها يدق بشدة وفرحة، يعلن عن معركة جديدة سيأخذها  
قلبها لأول مرة

---

أما عند مايان ومريم وكريم وحازم فيتابعون عملهم بجد وإتقان وكلا من مريم ومايان  
وبعض الطلبة يريدوا أن يثبتوا أنفسهم ويحققوا أهدافا وطموحات لأنفسهم.

---

وانتهي اليوم بأحداثه كلها

فهل يا ترى ايه هيحصل مع ملك وهل وقعت في حب أحمد ولا لسه؟!!

ويا ترى أحمد هيعترف ليها امتي؟!!

وايه هيكون رد فعل ملك؟!!

وايه اللي هيتم بين حازم ومريم؟! وايه إحساس مريم تجاهه وهيعترفها ولا لأ؟!!

وايه اللي هيحصل مع مايان وكريم ومشاغبات مريم؟!!

ووالد أحمد هيعرفهم بتعبه ولا لأ؟!!

يتبع...



## " الفصل الخامس "



### ■ في مكان آخر في تركيا:

تظهر بنت بجسد متوسط وقامة عالية، وبشرة بيضاء وشعر قصير، وعينان رمادية فاتحة وبعض من النمش في وجهها..

- ماريًا: مامي أنا جهزت شنطتي؛ علشان أخيرا هنسافر مصر

= سوزان أم ماريًا: أوكي ماريًا، يلا علشان متأخرش على معاد الطائرة

وتوجهت ماريًا وسوزان والدتها إلى المطار للعودة اللي أرض مصر بعد غياب دام لوقت طويل

" ماريًا تبقى بنت عم كريم وأبوها متوفي وعائشه هي وأمها في تركيا من وقت طويل، وبعد غياب دام لوقت طويل قرروا يرجعوا مصر "

بعد وقت دام لعدة ساعات في مطار القاهرة

ماريًا وسوزان في مصر يهبطوا من الطائرة

- ماريًا: أخيرت ماما جينا مصر !

= والدتها: آه يا حبيبتتي، أخيرا جينا، احنا هنروح عند بيت عمك دلوقتي نقعد عندهم لحد ما نظبط المكان اللي هننقل فيه

- ماريًا: ياااه أخيرا هشوف طنط سهام وكيمو؟! وحشني أووي

= والدتها: اه يلا بينا نتحرك

---

### ■ في منزل كريم يأتي خبط على الباب:

— سهام: يا دادة فاطمة

— فاطمة: أيوه يا ست سهام، أنا جايه أهو

— سهام: معلش يا حبيبتتي افتحي الباب شوفي مين بيخبط

فتحت فاطمة الباب واتفاجأت بماريًا ووالدتها وفرحت جدااا بيهم

— فاطمة: أهلا ست ماريا أهلا ست سوزان، يا ألف أهلا وسهلا، دي مصر نورت  
والبيت نور

- ماريا: هالو داده فاطمة، أو مال فين طنط سهام وفين كيمو!؟

— فاطمة: ست سهام جوه، والبشمهندس كريم في الشركة

يا أهلا يا ست سوزان اتفضلوا

= سوزان بابتسامة: أهلا يا داده، فاطمة عامله ايه!؟

— داده فاطمة: أنا بخير أول ما شفتكوا والله

ودخلوا جوه وسبقتهم فاطمة تخبر سهام بمن في الخارج

— فاطمة: ست سهام ست سهام

- سهام: ايه يا فاطمة! فيه ايه!

— فاطمة: ست ماريا وست سوزان بره

- سهام بفرحة: بجد دي ماريا وحشتني جدا وسوزان كمان

وخرجت تستقبلهم

- سهام: أهلا، أهلا وسهلا، نورتوا مصر، سوزان حبيبي عامله ايه!

= سوزان: الحمد لله يا حبيبي، وحشتيني والله انتي وكريم جدا

- سهام: وانتوا كمان والله وحشتونا جدا

- سهام: ماريا حبيبي وحشتيني

- ماريا بفرح: وانتي كمان يا طنط سهام وحشتيني انتي وكريم أوي

- سهام: دا كريم هيفرح أوي لما يعرف إنكم جيتوا، ادخلوا يا حبيبي تعالوا

ودخلوا مع بعض وبعد السلامة والأحضان

- سهام: بس ايه الغيبة دي كلها! مش ناوية بقي يا سوزان تستقروا هنا؟

= سوزان: أنا صفت كل حاجة هناك في تركيا وقررت أستقر هنا أنا وماريا ومش

هنسافر تاني

- سهام: كويس جدا، ياريت، فعلا غربة

= سوزان: لما كريم بييجي ان شاء هنتكلم، وقررت أشاركوا وماريا تشتغل معاه مفيش حد أقدر آمنه غير كريم

- سهام: كريم دا ابنك يا حبيبي ولما بييجي اتكلموا برضه

- مارييا: أنا هكلم كيمو بييجي علشان واحشني جدا

- سهام: اه كلميه يا حبيبي علشان بييجي، دا هيفرح أوي

= سوزان: هو زمانه قرب بييجي، مارييا بلاش تعطليه عن شغله

- سهام: يا حبيبي هو زمانه خلص أو قرب يخلص كلميه عادي

- مارييا: أوكي يا طنط، وقامت تتصل بكريم

### أما عند كريم:

كريم ملخوم في الشغل وعينه على مايان طول الشغل ومتابعها، وهو واقف بيشرحها شغل جاله تلفون

= رد كريم: ألو

- مارييا: كيمووو وحشتني، أنا مارييا

= كريم بابتسامة (لأنه بيحبها زي أخته): مارييا وحشتيني جدااا، ايه يا بنتي فينك !

- مارييا: أنا عملاك مفاجأة

= كريم: ايه هي المفاجأة!؟

- مارييا: أنا هنا في مصر وعندكم في البيت كمان

= كريم بفرحة: ايه المفاجأة القمر دي ! والله فرحتيني أوي، أنا جايلك حالا

- مارييا: أوكي يا كيمو مستنياك

" وقفل معاها كريم التلفون ولقى مايان لسه واقفة وبتبصله بصة هو نفسه استغربها أوي "

= كريم: احم، طب هنكمل بكره أنا مضطر استأذن

- مايان: ااه اه طبعا يا بشمهندس اتفضل مينفعش تتأخر على حبيبتك

" كريم ابتسم وحس إنها غيرانة، وفرح جدا لدا، ومش عارف ايه السبب، معقول تكون معجبة بيه!؟ وقرر يلعب على أعصابها شوية "

= كريم: اااه عندك حق، مينفعش اتأخر عليها، يلا مع السلامة يا بشمهندسة مايان وتركها وغادر

" مايان كانت هتطق من الغيرة، ومش لاقية سبب مقنع لدا "  
وراقت عندها مريم لما لقيتها بتتكلم مع كريم وحست إن مايان متعصبة  
- مريم: ايه يا مايان فيه ايه ! ومتعصبة كده ليه !  
- مايان: لأ وهاتعصب ليه ! البشمهندس سايب شغله ورايح يقابل حبيبة القلب  
- مريم: ههههه طب وانتي متضايقة ليه !  
- مايان: لأ وهتضايق ليه ! يلا بينا نكمل شغل  
وتركتها وغادرت لتكمل باقي العمل

---

### عند كريم ف المنزل :

أول ما فتح الباب لقي ماريا واقفة ورا الباب علشان تخضه  
كريم دخل عادي ماريا من وراه: كيمووووووو  
= كريم: ههههه ماريا حبيبة قلبي، لسه مجنونة زي ما انتي مش هتتغيري والله،  
هتجيبلي سكتة قلبية، انتي هتعقلي امتي يا بت انتي !  
- ماريا: هههههه، أنا ! وأعقل ! لا دا انت بتحلم يا كيمو دا أنا واقفة بقالي ساعة  
مستنيك علشان أخضك  
= كريم: ماشي يا بكاشة، أومال فين طنط سوزان ؟  
- ماريا: جوه مع طنط سهام بيتكلموا، ما انت عارفهم  
= كريم: طب يلا بينا ندخلهم  
= كريم بابتسامة وأول ما دخل عندهم: وأنا أقول البيت منور كده ليه !  
- سوزان: هههههه كريم حبيبي وحشتني  
= كريم: وانتي كمان يا طنط والله، مقولتوش ليه إنكم نازلين ؟! كنت جيت أخذتكم  
- سوزان: والله هي جات كده يا حبيبي وأنا محبتش أتعبك





دخلت ملك وتحمل العديد من الملفات ووجهها حزين

- ملك: بشمهندس أحمد دي الملفات اللي محتاجه مراجعة حضرتك وإمضتاك

= أحمد: أوكي يا ملك، بس ممكن اسألك سؤال ؟

- ملك ووجهها باين عليه بعض الحزن: اتفضل يا بشمهندس

= أحمد: مالك فيه حاجة مزعلاكي !؟

ملك حست إنها عاوزه تعيط بس مسكت نفسها: لا يا بشمهندس مفيش، عن إذناك  
وخرجت من المكتب

أحمد بعد ما ملك خرجت مستغرب تغيرها جدا وحرزنها الواضح جدا عليها

= أحمد: يا ترى فيه ايه يا ملك وايه مزعلك !

وقام خرج من مكتبه علشان ينزل الموقع عند كريم ويتظمن على الشغل

وهو خارج سمع ملك ببتكلم في الفون وزعلانة جدا

- ملك: لا يا ماما أنا مش موافقة أنا مش عاوزه الشخص دا انتوا هتجوزوني بالعافية  
!؟ دا حتى حرام

- الأم: يا ملك يا بنتي فكري، دا عريس كويس وأبوكي محكم دماغه

- ملك: لا يا ماما أنا مش عاوزاه، علشان خاطري اقنعي بابا بالله عليك، حرام عليكم  
تظلموني كده

- الأم: يا بنتي أبوكي عمره ما هيتمالك غير الخير، فكري وأنا هحاول أقنعه

- ملك بحزن ودموع في عينها: ماشي يا ماما

وقفلت التلفون وبتبص لقت أحمد قدامها وباين عليه العصبية

أحمد: .....

يتبع...

## " الفصل السادس "



أحمد وعلى وجهه علامات الضيق بيص لملك، وملك بدون مقدمات عيبت جامد

= أحمد: ممكن أفهم انتي بتعيطي ليه؟!

ملك بتعيط ومش قادرة تتكلم، وأحمد قعد قدامها على المكتب

= أحمد: فهميني يا ملك بتعيطي ليه؟!

- ملك بعياط : مفيش يا بشمهندس

= أحمد بعصبية: متقوليش بشمهندس، وايه الدموع دي ! فهميني الدموع دي أسميها  
ايه؟!

- ملك بدموع وخنقة: ودا هيفرق معاك أصلا يفرق معاك ب ايه؟!

= أحمد بعصبية أكثر: اه يفرق، انتي كلك على بعضك تهمني

- ملك بعصبية وزعل: أهمك ازاي يعني ! ويفرق ازاي وفي ايه !



= أحمد بعصبية: يفرق علشان بحبك، أه يا ملك بحبك من أول ما جيتي هنا في الشركة، بحبك ومكنتش معترف لنفسي بذا، مكنتش قادر أعترف بذا لإنني مكنتش متأكد بحبك، وأول مرة أحب أو أهتم بحد كده

ملك مصدومة وبتبص لأحمد بأحاسيس متلخبطة فرحة وتوتر وخوف من القادم ومش بنتكلم

= أحمد: عارف إن كلامي صدمك، بس والله أنا بحبك، مش عارف امتي وازاي، بس كل اللي أعرفه إنني عاوزك في حياتي يا ملك، وعاوزك تفكري في دا كويس وخدي وقتك

- ملك بدموع: بس مينفعش

= أحمد بصدمة: بتقولي ايه !

- ملك بدموع: أنا فيه حد متقدملي وبابا....

= أحمد: بتحبيه ؟!

- ملك: ايه !

= أحمد: زي ما سمعتي، بتحبيه ؟!

- ملك بدموع: لا مش بحبه، بس بابا غاصبني

= أحمد بفرحة: متقلقيش وسيبي كل حاجة عليا، ملك أنا بحبك أوي

- ملك براحة ومعالم وجهها بدأ يظهر عليها ارتياح: خايقة

= أحمد: اوعي تخافي طول ما أنا موجود، وعاوزك تفكري كويس برضه، مش هغصبك على حاجة

- ملك: حاضر يا بشمهندس

= أحمد: امم، بلاش بشمهندس دي بقى

- ملك بابتسامة وآثار الدموع عالقة بعيناها: ازاي بس !

= أحمد بابتسامة: زي الناس، عاوز اسمي بس تقوليلي أحمد وبس، وشكلك حلو أوي بس مش لايق عليك الحزن دا

- ملك بخجل وأزالت الدموع العالقة: اااه بس ازاي أقولك كده !

= أحمد: مفيش بس



– كريم ببعض من التسلية على منظر مايان: اااه طب ودا يزعلك في ايه ! ويعصبك بالشكل دا ليه ! وأنا شايف شغلي كويس أكيد

= مايان ببعض من التوتر: أنا ! وأنا هاتعصب ليه يعني !؟ عادي جدا بس الشغل حضرتك قصدي ااا

– كريم: بااس بس، أولا يا ستي دي مش حبيبتي، دي بنت عمي وزى أختي = مايان بفرحة: ايه دا بجد !

– كريم ببسمة: طب وانتى فرحتي كده ليه !

= مايان بتوتر: احم، وأنا هافرح ليه يعني ! عادي عن إذناك يا بشمهندس وتركته وابتعدت

– كريم بفرحة لم يعرف لها مبرر: امممم طب وأنا ببرلها ليه !؟ - أحمد من خلفه: هي مين دي !؟

– كريم: ههههه أبو حميد، أبدا والله تعالى هاحكيك جاء حازم في تلك اللحظة

— حازم: أبو حميد يا هلا يا هلا، انت عندنا في الموقع بنفسك - أحمد: اه شفت يا ض دي شركتي

– كريم: بااس انتوا هتتخانقوا ولا ايه !؟

تعالوا نقعد في المكتب جوه بلاش الطلبة تتفرج علينا ودخلوا المكتب بتاع كريم اللي في الموقع

- أحمد: طب ايه مش هتحي مين اللي جيت لقيتك بتتكلم عنها !

– كريم ببسمة: أبدا والله وحكاهم اللي حصل بينه ومايان " الكام موقف اللي حصل " — حازم: ولأ وقعت ومحدث سمى عليك

– كريم: وقعت ايه يا عم ! لأ مش كده بس أنا حاسس براحة مش أكثر

- أحمد: طب وانت بتبررلها ليه إن ماريا تبقى بنت عمك ! ليه مقولتش إنها حبيبتيك وعادي ! ليه حبيت توضحها !؟

– كريم بسرحة: مش عارف يا صاحبي والله

— حازم بجدية: انت بتحبتها

— كريم: احم لأ أحبها....

وسكت شوية وأكمل: ايه بصراحة مش عارف

- أحمد: هتحبها يا كريم دي البداية

— كريم: امممم هحبها؟! وانت جايب الثقة دي منين! اللي يشوفك وتنت بتتكلم  
ميشوفش طريقتك مع أي بنت وانت مش طايقها

أحمد سرح شوية

— حازم: ايه ياعم انت وقعت انت كمان!

أحمد بصله بصره أجمته وتوقف عن الكلام

— حازم: هههههه ايه يا غول بهزر معاك

— كريم: والله ما هتسكت إلا لما تاخذ علة منه زي بتوع زمان

— كريم: طب ما تقول في ايه! أنا حاسس إن فيه حاجة

- أحمد: أبدأ، هي كل الحكاية....

وحكاهم اللي حصل بينه وملك والكام موقف اللي حصلوا

— حازم: طب ناوي على ايه!؟

- أحمد: مستني ردها وبعدها هاتقدم لها

— كريم: طب افرض موافقتش هتعمل ايه!

- أحمد: مش عارف يا كريم بس إحساسي بيقوللي إنها هتوافق

— حازم: ان شاء الله توافق يا صاحبي ربنا يفرحك

ونت يا عم كريم تحب مايان وتعترفوا لبعض

- أحمد: ان شاء الله

— كريم: مش عارف يا حازم، أنا مش فاهم نفسي أصلا بس كل الحكاية إنني بافرح  
لما بشوفها

- أحمد: هتحبها، دي بداية الطريق











وخرج كريم وماريا ركبوا العربية

= كريم: تحبي تروحي فين يا ماريا هانم

- ماريا بضحك: ههههه أحب نروح الملاهي ونقعد على النيل ونركب مركب في النيل وأروح أماكن كثير

= كريم: ملاهي ايه مخرج معايا طفلة !

ماريا بصتله بضيق

= كريم: خلاص قلبتي وشك كده ليه ! ملاهي ملاهي يلا بينا

راحوا ملاهي وجابلها غزل بنات وركبوا مع بعض الألعاب في الملاهي وخرجها خروجة قمر، وماريا خدت صور تذكارية لكل اللحظات دي بعد ما اشترت حاجات كثير واستمتعت جدا بالوقت

= كريم: ها، تحبي تروحي فين تاني ؟

- ماريا: عاوزه أقعد على النيل وأشرب عصير واتمشى على الكورنيش

= كريم: هههههه حاضر انتي تؤمري

وخدها كريم وجبلها عصير وقعدوا على الكورنيش بتاع النيل، وماريا اخدت صور كثير تذكارية للمكان

كريم قاعد سرحان في مايان

- ماريا: كيمو سرحان في ايه؟!!

= كريم: لأ أبدأ، ماريا انتي عمرك حبيتي؟!!

- ماريا باستغراب: لأ خالص

= كريم: ايه السبب !

- ماريا: ملقتش حد مناسب مش أكثر، عادي يعني .. بس ليه كل الأسئلة دي؟!!

= كريم: لأ أبدأ، طب هسألك سؤال، لو قابلتي شخص كام مرة كده وحصل كام تاتش بينكم مش لطاف أووي، بس بعد كده اتعلقتي بالشخص دا وبقيتي تحبي تشوفيه دا اسمه ايه؟!!

- ماريا: لو كل دا بيحصل يبقى دا حب يا كريم



## " الفصل السابع "

.....

عند مايان: مصدومة إن كريم قبل الأدد وبعثها كمان

= كريم: مكنتش عارف إنك مهتمة أووي كده ههههه

مايان شافتها ومش عارفه تقول ايه !

- مايان: مهتمة ب ايه يا بشمهندس !؟

= كريم: بإنك تعرفي عني كل حاجة يا مايان

- مايان: ههههه لا ضحككتي وأنا أهتم بيك ليه أصلا ! أصلا الأدد اتبعت بالغلط

= كريم: امممممممم بالغلط اه ما أنا واخذ بالي

- مايان: قصدك ايه يعني !

= كريم: ولا حاجة، ايه مصحكي لحد دلوقتي ؟ عندك شغل بكره بدري

- مايان: عادي مش جايلي نوم، وبعدين انت مالك ؟

على أساس إن انت كمان معندكش شغل !؟

= كريم: ايه انت مالك دي ! ومش جايلك نوم ليه ! وبعدين انتي نسيتي إني صاحب الشركة !

- مايان: لا منستش إنك صاحب الشركة، أما بقى مش جايلي نوم ليه فعادي

= كريم: اممممم ممكن نقول إنك بتفكري في حد يعني !

- مايان: حد ! حد مين يعني !؟

= كريم: أي حد على أساس إنك معندكيش قصة حب يعني !

- مايان: لا يا بشمهندس معنديش وحتى لو عندي دا ميخصكش

= كريم: امممم لأ يخصني

- مايان: ازاي يعني !

= كريم: مش مهم تعرفي يلا روعي نامي

- مايان: مش هنام أنا

= كريم: نامي عندك شغل، ايه مسهرك كل دا !

- مايان: انت ايه مسهرك انت كمان ! ما انت عندك شغل

كريم: هههههه سهران علشان كنت بخرج ماري

" هو قاصد يقولها كده؛ علشان يضايقها "

- مايان حست إنها متضايقه: امم حبيبتك !

كريم ببسمة وهو بيكلمها مش عارف سببها ايه

= كريم: لأ بنت عمي وأختي

- مايان: اه ربنا يخليهالك

= كريم: يارب

مايان حست إنها اتضايقت فقررت تنهي الكلام وتنام

- مايان: تصبح على خير

= كريم: مش كان مش جايلك نوم !

- مايان: وجالي نوم، عند حضرتك مانع؟!

= كريم: ماشي يا ستي نامي، وانتي من أهل الخير

( مايان قفلت الفون ونامت وهي حاسة بشعور جواها بيكبر كل يوم أكثر من الأول )

.....

أما كريم كان مبسوط وهو بيكلمها، بدأ يحب وجودها ويحب إنه يضايقها ومش عارف سبب لدا غير إنه حابب دا وحابب وجودها ومبسوط، ونام كريم وهو مبسوط إنه كلمها وفرحان من دا

---

أحمد جاب رقمها (ملك) ومتردد إنه يكلمها، بس اتصل بيها ملك مردتش على التليفون أول مرتين وفي المرة الثالثة ردت عليه



صباح يوم جديد في بيت ياسين

## في غرفة أحمد:

استيقظ أحمد وأخذ شاور وأدى فرضه وارتيدي بدلة سوداء وتيشيرت أبيض تحت،  
وحذاء أسود وساعة سوداء وكان مظهره في منتهي الجمال، وخرج من غرفته لقي  
والده ووالدته بيظروا

= أحمد: صباح الخير

— ياسين: صباح النور

— مها: صباح النور يا حبيبي

= أحمد: أومال مريومه فين؟!!

— الأم: مريم فوق طلعتها مكنتش قادرة تقوم، بتقول إنها تعبانة شوية

— الأب: لو كده متروحش النهاردة

= أحمد: طب أنا هطلع اشوفها

— الأب: ماشي متعوقش علشان أنا هروح الشركة ومش قادر أسوق

= أحمد: حاضر هشوف مريم وأجي علطول

صحيت مريم وأدت فرضها وارتدت دريس من اللون البيك وحجاب من اللون الأبيض  
وحذاء بنفس اللون وشنطة بيضاء

مريم قاعده على السرير حاسة بشوية تعب، بس لازم تقوم وتروح

أحمد خبط على الباب

- مريم: ادخل

= أحمد: صباح الخير يا مريومة، مالك فيكي ايه! ماما بتقول إنك تعبانة

- مريم: تعالى يا حبيبي شوية تعب بساط هابقي تمام متقلقش

= أحمد: طب متروحيش النهاردة ومتشغليش بالك

- مريم: لا يا حبيبي أنا هابقي تمام، دا تعب بسيط

= أحمد: طب يلا امشي معايا أنا وبابا ومفيش نقاش هتروحي معنا

- مريم: بس اااا

= أحمد: يلا يا مريومة  
مريم باستسلام لأنها أصلا مش قادرة تسوق: حاضر يلا بينا  
ونزلوا تحت علشان يمشوا  
- مريم: صباح الخير يا بابا  
— الأب: صباح الخير يا قلب بابا، بلاش النهاردة لو تعبانة ارتاحي  
- مريم: لأ متقلقش أنا كويسة، يلا بينا، مع السلامة يا ماما  
— الأم: في رعاية الله يا حبايبي  
واتجهت مريم لعربية أحمد  
أحمد اللي كان بيسوق والأب جنبه ومريم في الخلف واتجهوا للشركة

---

### في الشركة في الموقع عند كريم:

دخل كريم لقي مايان بتشتغل ومش بتبصله ومتجاهلاه خالص  
باشر الشغل وحاول يتعامل عادي  
مايان واقفة بتشتغل ومستتية مريم  
مريم جات وباين عليها التعب جدا  
— مايان: ايه يا مريومة مالك!؟  
- مريم: مفيش يا حبيبتي تعبانة شوية بس  
— مايان: طب مكنتيش جيتي طالما تعبانة  
- مريم: متقلقيش أنا هابقي كويسة، يلا بينا نشتغل  
وكل واحدة فيهم راحت علء مكانها ومايان قلقانة جدا على مريم لأن مريم تعبانة  
وباين عليها

---

### عند أحمد داخل المكتب:

عمل تليفون (طبعاً جاب رقم والد ملك وهيكلمه دلوقتي)

أحمد بيكلم والد ملك

= أحمد: أستاذ عبد التواب

— عبد التواب: أيوه يابني مين حضرتك!؟

= أحمد: أنا أحمد ياسين المحمدي صاحب شركات الهندسة M.H كنت عاوز حضرتك في كلمتين

— عبد التواب: أهلا يابني اتفضل

= أحمد: بصراحة يا عمي أنا كنت عاوز أحدد مع حضرتك معاد وأطلب ايد الأنسة ملك

— عبد التواب بفرحة: أهلا وسهلا تشرفنا يابني

= أحمد: ان شاء الله يوم الخميس اللي جاي هجيب أهلي وآجي لحضرتك

— عبد التواب: تتورنا يابني في انتظارك

احمد: ان شاء الله، مع السلامة

وأغلق الخط مع والد ملك وعلى تليفون المكتب طلب ملك في التليفون

= أحمد: ملك تعالي عايزك

- ملك: حاضر جايه أهو

جات ملك في أقل من خمس دقائق خبطت على الباب

= أحمد: ادخلي يا ملوكة، انتي مش محتاجه استئذان

- ملك بابتسامة: نعم ! انت طلبتني

= أحمد: أنا كلمت والدك ولسه قافل معاه وهاجي أنا وأهلي يوم الخميس اللي جاي

- ملك بخجل: احم و ااا بابا يعني قاللك ايه!؟

احمد بابتسامة جذابة: قاللي تتور ورحب بيا جدا

- ملك بخجل وفرحة: اااه بجد !

= أحمد وقد لاحظ فرحتها: اه بجد، كده قدامك 3 أيام تجهزي نفسك فيهم يا عروسة

علشان ان شاء الله نتفق ونحدد يوم الخطوبة بعدها، بس عاوز أسألك على حاجة

- ملك: ايه هي!؟



= أحمد: ملك انتي عوزاني بجد ! يعني حاسة بحاجة تجاهي زي ما أنا حاسس؟!!

ملك بخجل وعيونها في الأرض، اتوترت معرفتش تجاوب

= أحمد: يعني نقول السكوت علامة الرضا

- ملك ووجهها أصبح زي الطماطم: انا عندي شغل عن إيدك وجريت على بره

أحمد بفرحة لا مثيل لها: ربنا يجعلني أقدر أسعدك يا ملاكي

### عند ياسين في مكتبه:

طلب أحمد في التليفون وطلب كريم كمان

جاء أحمد وكريم

— المحمدي: أخبار الشغل ايه وايه المستجدات؟!!

= أحمد: جالنا فريق كلية الهندسة اللي قلت لحضرتك عليه، وكريم اللي مسؤول عنها

هو وحازم

— المحمدي: كويس جدا

وأخبار العميل الألماني ايه؟!!

— كريم: قابلته أنا وأحمد واتفقنا على المشروع وحاليا بننفذ فيه

— المحمدي: كويس جدا، أنا احتمال منزلش الفترة الجايه، هسييلكم الشركة انتوا

تقدروا تديروها لوحدكم

معتمد عليكم انتوا الاتنين وحازم معاكم

— كريم وأحمد: متقلقش كله هيبقى تمام

— كريم: كنت عاوز أقول لحضرتك حاجة

— المحمدي: اتفضل يا بني

— كريم: مرات عمي جات من تركيا وهتستقر هنا في مصر هي وماريا بنتها، ماريا

خريجة حسابات ومعلومات وكانت عاوزه تشغل فلوسها هنا معايا، وماريا تشتغل

معانا، ف لو معندكوش مانع نجهز الورق وماريا تنزل معانا وممكن تبقى مسؤولة عن

قسم الحسابات ودا من تخصصها أصلا

= أحمد: أنا بالنسبالي معنديش مانع

— ياسين: وأنا كمان، بكره ان شاء الله نجهز كل حاجة، وماريا تنزل الشغل معاكم  
— كريم: تمام جدا، بكره ان شاء الله  
وقعدوا يتناقشوا في الشغل شوية

---

### عند ملك:

مركزة في الشغل وجالها تليفون بتبص لقت والدتها بتكلمها

= الأم رقية: ملوكة حبييتي

- ملك: نعم يا ماما في حاجة ولا ايه غريبة يعني !

= رقية: اه بابا كلمني واقتنع ورفض العريس دا، بس متقدمك حد تاني

- ملك بابتسامة: حد تاني ! مين يعني !

= رقية: مديرك في الشغل وهيجي هو وأهله يوم الخميس

- ملك بفرحة وخجل: ااا طب لما آجي يا ماما نتكلم في الحوار، مع السلامة دلوقتي

وأغلقت التليفون بفرحة لم تجد لها مثيل

---

### عند مريم في الموقع:

واقفة تشتغل بس حاسة بتعب شديد كل مدى بيزداد أكثر من الأول

كل دا وحازم متابعتها وملاحظ التعب عليها

وفجأة فقدت الوعي وكان حازم لاحقها وبصوت عالي: مريممممم فوقي يا مريم مالك

مريم

جات مايان بخضة واتلم عليهم كل الطلاب

— مايان بدموع: مريم حبييتي فوقي، مريم ردي عليا

وكل دا مريم فاقدة الوعي ومش بتفوق

حملها حازم واتبعته مايان على أقرب مستشفى

مايان ومريم راكبين في عربية حازم ورا وحازم بيسوق

راحوا على المستشفى في وقت قياسي ودخلوا أخذوا الممرضين مريم منه ودخلوها  
أوضة الكشف وهو أصر هو ومايان يدخلوا، وفضل معاها وكان هيموت من القلق،  
كشف عليها الدكتور

• الدكتور: متقلقوش دا ضغطها واطي شوية وعندها ضعف عام بسبب قلة الأكل أو  
المجهود الكبير، دلوقتي هنعلقها محاليل ونص ساعة بالكثير وهتفوق .. متقلوش وألف  
سلامة عليها

حازم: الله يسلمك يا دكتور

مايان قاعدة بتعيط على مريم وز علانة عليها وماسكة إيدها ورافضة تسيبها

— حازم: متقلقيش هتبقى كويسة أنا هطلع أكلم أحمد وكريم أقولهم

— مايان: تمام شكرا لتعبك يا دكتور

اكتفى حازم بابتسامه لمايان وتركها وغادر الغرفة

حازم بيرن على أحمد

— حازم: ألو يا أحمد

= أحمد: ايه يا حازم فينك يابني عامل ايه!؟

— حازم: أنا الحمد لله، هي بس مريم تعبت شوية وفقدت الوعي وأنا جبتها على  
المستشفى

= أحمد: ايه بتقول ايه! طب هي في مستشفى ايه أنا جاي حالا

— حازم: متقلقيش هي كويسة دلوقتي، احنا في مستشفى \*\*\*\*\*

= أحمد: أنا جاي أهو مسافة السكة وقفل التليفون

وحازم كلم كريم وعرفه هو كمان، ونزل يجيب عصير وأكل لمريم

عند مريم في الغرفة: ابنتت تفوق

- مريم: امممم أنا فين!

— مايان: مريم حبيبة قلبي انتي كويسة!؟

- مريم: اه أنا فين

– مايان: تعبتي شوية وفقدتي الوعي وجبناكي على المستشفى وحكتلها على اللي حازم عمله

- مريم: طب وهو فين الدكتور دلوقتي؟!

– مايان: مش عارفه، هو قال هيطلع يكلم أحمد يعرفه بس اتأخر وفي الوقت دا الباب خبط

– مايان: ادخل

دخل حازم ومعاه أكل وعصير

– حازم: ألف سلامة عليك، عامله ايه دلوقتي؟!

- مريم بابتسامة جذابة وبعض التعب: الحمد لله أنا كويسة دلوقتي، وشكرا على تعب حضرتك

– حازم: بتشكريني على ايه بس! مفيش داعي للشكر

خدي دول كلي علشان متتعبيش واشربي العصير دا

– مايان بهزار: شا الله يخليك يارب، هات دا الواحد واقع من الجوع والله، هههههههههه

- مريم بضحك: دايمًا جعانه كده هههههههههه

– حازم بابتسامة وهو سرحان في ضحكة مريم: ألف هنا، أنا هاستني بره لحد ما أحمد يبجي

وتركهم وغادر الغرفة

– مايان: كلي دا واقعة جوع والله، ههههههههههه

- مريم وهي سرحانة أصلا: امممم

– مايان: بت، كل يلا

- مريم: حاضر، وكلت وشربت العصير

– مايان: أنا حاسة إن الدكتور واقع، ولا انتي ايه رأيك يا أنسة!

- مريم: دكتور مين؟!

– مايان بسهوكة وهزار: دكتور حازم هيهيهي

- مريم: ازاي يعني؟!

– مايان: مش عارفه، بس حساه بيحبك كده يعني

مريم سرحانة " وفي الوقت دا خبط الباب ودخل أحمد وكريم وحازم "

= أحمد وهو حاضنها: مريومة حبيبة قلبي سلامتك، ألف سلامة عليكي يا عمري

- مريم: الله يسلمك يا حبيبي أنا كويسة والله متقلقش

= أحمد: الحمد لله يا عمري

( الغيرة تكاد تأكل في حازم )

كريم ملاحظ وبيبتسم جامد

– كريم لحازم: اهدى شوية دا أخوها

— حازم بصوت منخفض: ما أنا عارف ياعم اسكت بقى

– كريم لمريم: ألف سلامة عليكي يا مريومة، كده تخضينا عليكي !

- مريم بابتسامة: الله يسلمك يا هندسة

( وهناك اللي غيران من كلام كريم )

كريم قاصد يدلع مريم علشان مايان وهو نفسه مش عارف ليه، وكمان حازم يتحرك

بقى .. " وحازم ومايان الغيرة تكاد تأكلهم "

مايان كانت تكة وهتولع في كريم، وهو بيبصلها وبيضحك وهي تكة وهتموته

أحمد أخذ مريم وخرجوا من المستشفى، وخذها هي ومايان معاه، وكريم وحازم كل

واحد مشي بعربيته

أحمد وصل مايان لحد البيت أولاً

**وفي بيت ياسين المحمدي:** دخل أحمد بمريم وهو مسندها وباين عليها التعب .. مها

وياسين اتخضوا على مريم

حكيت لهم مريم اللي حصل معاها

= أحمد: مريم متنزليش الشغل بكره

— الأب: مريم ارتاحي بكره



= أحمد: ربنا يخليكم ليا يارب

نروح عند مريم

مريم فى غرفتها: .....

---

يا ترى كريم هيعمل ايه مع مايان؟! وهيكلمها تاني ولا لأ بعد الغيرة دي كلها؟!  
وأحمد وملك قصتهم هتنتهي ب ايه?!  
وحازم هيعمل ايه مع مريم?!

يتبع...

## " الفصل الثامن "



### في غرفة مريم:

غيرت ثيابها ببيجامة مريحة باللون الأحمر وبرمودة كات وتسريحة شعرها على شكل ذيل حصان وبعض ملمع الشفافة، وكانت في قمة جمالها ونامت ومسكت تلفونها لقت مسدج من حازم

= حازم: مريم عامله ايه دلوقتي!؟

- مريم: الحمد لله يا دكتور

= حازم: انتي أحسن دلوقتي!؟

- مريم: اه الحمد لله، شكرا ليك بجد تعبتك معايا النهاردة

= حازم: ههههه انتي تعبك راحة بالنسبالي

- مريم: نعم !

= حازم: قصدي يعني مفيش شكر بينا

- مريم: اه ماشي يا دوك

= حازم: انتي هتيجي بكره!؟

- مريم: بابا وأحمد مش موافقين علشان تعبانة وكدا يعني، مصممين أرتاح

= حازم: اهتمي بنفسك وأهم حاجة راحتك

- مريم: حاضر

= حازم: يلا روعي ارتاحي

- مريم: أوكي يا دوك

= حازم: تصبحي على خير

- مريم: وانت من أهل الخير

مريم راحت تنام وهي مرتاحة ومبسوطة من حازم جدااا ومش عارفه سبب لكل دا، بس مبسوطة



وحازم عمال يفكر فيها وإنه لازم يصارحها ويأخذ قرار ومش هيسيبها تضيع من إيدِه  
مهما حصل

---

### أما عند مايان:

روحت تعبانة بعد ما اطمنت على مريم، لقت كريم باعتها

— كريم: كنتي مبوزة ليه!؟

— مايان: أنا!

— كريم: اه كنتي زعلانة ليه!

— مايان: ودا يفرق في ايه معاك! وبعدين هازعل ليه!

— كريم: ما أنا مش عارف انتي زعلانة ليه، بس اه يفرق معايا

— مايان: يفرق في ايه!؟

— كريم: مش مهم تعرفي

— مايان: اه أحسن برضه تصبح على خير

— كريم: ماشي يا ستي وانتي من أهل الخير

وأغلق الهاتف وخلد للنوم وهو مبسوط وهي نفس الشيء من كلامه واهتمامه اللي ملوش  
مبرر لحد الآن

---

### عند ملك في البيت:

صحيت أدت فرضها وارتدت فستان من اللون الأخضر بلون عيناها وحجاب من اللون  
الأبيض وحذاء أبيض وشنطة بيضاء ولم تضع أي شيء في وجهها لأنها في قمة  
الجمال ( آية من الجمال كما يقال ) وخرجت لنتجه لعملها أوقفها والدتها

— الأم: ايه يا ملوكة مش هتفطري معانا

- ملك: عندي شغل جامد ومتأخرة والله يا ماما

— الأب: اقعدِي يا ملك عاوزك في موضوع

- ملك: نعم يا بابا فيه حاجة

— الأب: أنا عاوز أسترك وأطمئن عليك يا حبيبتي قبل ما أموت وأفرح بيكي،  
العريس اللي كان متقدم أنا رديت عليه وقتلته كل شيء قسمة ونصيب، وبصراحة يا



- = ماريًا: أيوه يا كيمو أنا جهزت أهو  
- كريم: ايه القمر دا ! يلا بينا  
= ماريًا: دي عيونك يا كيمو، يلا بينا  
- كريم: ماما أنا نازل خلي بالك من نفسك يا حبيبتى، وخدي العلاج في معاده  
- الأم: حاضر يا حبيبي، خلي بالك من ماريًا  
- كريم: حاضر، طنط هتعوزي حاجة؟!  
— سوزان: لأ يا حبيبي سلامتك  
كريم ومايان ركبوا عربية كريم واتجهوا للشركة
- 

### عند أحمد في الشركة:

- أحمد بيراجع ورق مع والده ودخل كريم عليهم هو وماريًا  
- كريم: السلام عليكم  
= أحمد ووالده: وعليكم السلام  
— المحمدي: اقعد يا كريم  
- كريم: أعرفكم يا عمي، دي ماريًا بنت عمي، دراستها كلها في تركيا ومعها كليه حسابات ومعلومات، وزى ما فهمتكم امبارح هتستقر هنا وعاوزه تشغل فلوسها وتبقى معاها  
— ياسين: أهلا يا ماريًا يا بنتي  
- ماريًا بابتسامة واحترام: أهلا بحضرتك  
= أحمد: نورتيًا يا ماريًا وان شاء الله ترتاحي معانا في الشغل  
- ماريًا بابتسامة أخرى لأحمد: شكرا جدا يا بشمهندس  
— ياسين: ماريًا، أحمد وكريم هيقوا معاكي أكثر مني، وفيه مشروع شغالين عليه، وكريم هيشركك كل حاجة  
وهتبقى مسؤولة عنه بالنسبة لتكاليفه وشغل المحاسبة بتاعه كله  
- ماريًا: تمام حضرتك وان شاء الله أكون قد الثقة دي

— ياسين بابتسامة: ان شاء الله يا بنتي

ووجه كلامه لكريم: كريم عاوزك تشرح كل حاجة لماريا وتوضحلها طريقة الشغل

- كريم: علم وينفذ

= أحمد: كريم بعد متخلص شغل ابقى تعالالي على مكنتبي

كريم: تماما ماشي، يلا بينا يا ماريا

وأخذ ماريا يوضحلها طريقة الشغل

وأحمد اتجه لمكتبه

( ليرى معشوقته التي لم يرها إلى الآن )

ملك منسجمة في الشغل جدااا ومركزة فيه

جاء الشغل أحمد بابتسامته الجذابة

= أحمد: طب مفيش سؤال على حبيبك طيب !

- ملك بخجل بصتله واتوترت: ااا انت بتعمل ايه هنا ! حد يشوفك وانت واقف كده

= أحمد بضحك: ههههههههههه، انتي محسساني إني باعمل حاجة غلط، واحد واقف في شركته مع حبيبته وخطيبته بعد كام يوم، محدش ليه عندي حاجة

- ملك بخجل بصتله: طب وعاوز ايه طيب !

= أحمد بغمزة: أبدا، وحشتيني وعيونك وحشوني بصراحة (وبغزل) بس ايه القمر دا !

ملك وشها بقى شبه الطماطم وازدادت جمال فوق جمالها

= أحمد: طب هامشي أنا بدل ما انتي بتدوبي كده من الكسوف

وتركها وغادر بابتسامته ووسامته الجذابة؛ ليباشر عمله وهو كل تفكيره بأن يجعل معشوقته معه في أقرب وقت

( ملك من الكسوف بقت في موقف لا تحسد عليه وحبها لأحمد كل يوم بيزيد عن الأول اكثر )

عند كريم: بعد ما فهم ماريا كل حاجة وسابها تباشر شغل من اللي علمهولها، اتجه إلى مكتب أحمد

- كريم: آنسه ملك أحمد جوه !؟
- ملك باحترام: اه يا بشمهندس كريم جوه
- كريم بدون استئذان اقتحم المكتب
- كريم: ايه يا كبير عاوزني في ايه !
- = أحمد: يابني فيه زفت باب عملوه علشان تخط عليه
- كريم باستفزاز: فين دا !؟
- = أحمد وهو يتمالك أعصابه: طب اترزع عاوزك
- جلس كريم: أنا كلي أذن صاغية، احكي
- = أحمد: أنا هاخطب
- كريم وهو مبرق ومصدوم: مين دا !؟
- = أحمد: بطل غباوة، هيكون مين يعني !
- كريم: لا والنبي فهمني، دا اللي هو انت قررت وخلص هتخطب
- = أحمد: اه هاخطب ملك، وكلمت أهلها وهروح أخطبها يوم الخميس اللي جاي دا وعاوزك معايا
- كريم بفرح: أخيراً انا حد وقعك د انت جبروت يا شيخ
- = أحمد بابتسامة: اه أخيراً انا
- كريم: ألف ألف مبروك يا صاحبي
- = أحمد: استني أكلم الواد حازم أقوله علشان عاوزه هو كمان
- واتصل بحازم
- حازم: الغول بنفسه بيكلمني
- = أحمد: مش هترتاح غير لما أعلمك الأدب شكلك
- حازم بتمثيل الخوف: ههههه لا يا كبير على ايه أنا قدك !
- = أحمد بضحك: ياعم ماشي، أنا عاوزك يوم الخميس معايا
- حازم باستغراب: ليه فيه حاجة !؟





( معلومة: ماريا على قد ما هي هوائية بس لما بتعوز حاجة بتعملها وبتحققها،  
وشخصية ذكية جدا )

دخل كريم عليها وناغشها كالعادة

- كريم: بتعملي ايه يا فاشلة !

= ماريا: أنا فاشلة اهئ اهئ اهئ

- كريم: أهي هتقلبها دراما، نفسي أعرف هتكبري امتي

= ماريا: بس يا واد، أنا أعقل واحدة أصلا

- كريم: ما هو باين أووي

= ماريا: بتقول حاجة يا حبي !

- كريم: أبدا يا ماريا، بقول أخبار الشغل ايه !

= ماريا بتمثيل العياط: طالع عيني اعصعع

- كريم: انتي لسه شوفتي حاجة بيت انتي ! ههههه

= ماريا: هتاخدوني لحم وترموني عضم أنا عارفه

- كريم: انتي لسه في البداية، انتي لحقتي !

= ماريا: أهو شوف انت كده بتعطلني، وانت السبب في فشلي وضياعي

- كريم: تنفعي ممثلة بيت والله ههههههههههه

= ماريا: عيب عليك يا كبير تربيتك

- كريم بشك: متأكدة إنك بعد الألفاظ دي كنت عايشة في تركيا يا بت انتي !

= ماريا: اه طبعاااا، بس أنا بنت بلد ونعجبوك أووي

- كريم: بيئة أووي

= ماريا: اسكيوز مي، مسمحكش يا أستاذ كريم، انتو كد تاخدوني لحم ترموني عضم،

اهئ اهئ

- كريم: لا لا أنا استأثرت أووي تنفعي ممثلة يا بت

= ماريا بغرور: اتعرض عليا إني أبقى فنانة شابة جميلة بس رفضت ( وبدراما بقي

( وكل دا ليه ! علشان مصر مصر مصرررررر



- كريم بتأثر: أكاد أبكي والله، أنا استأثرت أووي
- = ماريا بتمثيل: علشان تعرف إن عندك مواهب في البيت لا تقدر بثمان
- كريم: بس يا شاطرة كملتي شغلك
- = ماريا: انت بتعطاني عن شغلي، خد في بالك وأنا هاشتكي عليك صاحب الشركة
- كريم بضحك: اللي هو أنا
- = مايان: ايه دا ! تصدق صح، طب يلا بره
- كريم: دي شركتي يا ماما
- = ماريا: لأ يا سكر اسمها شركتنا أنا وانت مع بعض، وياسين بيه معانا مش مشكلة بقى هههههه
- كريم: سكر يا بيئة؟!!
- = ماريا: يلا بره انت هتصاحبني!
- كريم: وانت تطولي يا معفنة!
- = ماريا: لأ هطلعك بسلم يا خفيف
- كريم: يا دمك التقليل
- ماريا بغرور: والنبي دا أنا عسل
- كريم: أنا هامشي علشان هاتجنن منك، سلام
- = ماريا: ناس مش مقدرة موهبتي والله، سلام ياخويا
- كريم بضحك: لمضة والله هههههههههه، بكره هننزل الموقع مع بعض ان شاء الله
- = ماريا: أوكي يا كيمو
- كريم: بالاي يا لمضة
- وتركها وغادر .. وماريا ركزت في الشغل بتاعها

### عند حازم:

واقف بيفكر في مريم ومتضايق علشان تعبها وإنها مجتش ومشفهاش وقرر يكلمها  
( مفيش سبب مقنع إنه يكلمها غير إنه الحب، الحب يفعل المعجزات حقا )

حازم رن عليها ومستنيها ترد

- مريم: ألو

= حازم: ااا مريم عامله ايه دلوقتي!؟

- مريم بابتسامة: الحمد لله يا دكتور كويسة

= حازم: لسه تعبانة!؟

- مريم: لأ بقيت أحسن دلوقتي، كنت حابه أشكر حضرتك على تعبك معايا بجد

= حازم: برضه تاني هتشكريني ! عموما يا ستي أنا معملتش أي حاجة، وأي حد مكاني هيعمل أكثر من كده، وبعدين انتي مش أي حد يا مريم

( أدرك حازم هو قال ايه )

- مريم: ازاي يعني مش أي حد !

= حازم بتوتر: ااا قصدي يعني مفيش شكر بينا

- مريم: اااه أوكي يا دكتور

= حازم: لو احتاجتي أي حاجة أنا موجود

- مريم: أكيد طبعا

= حازم: ماشي خلي بالك من نفسك

- مريم: حاضر مع السلامة

= حازم: مع السلامة

( وأغلقت مريم الخط مع حازم ومستغربة من سؤال حازم المتكرر عليها .. وحازم مستغرب من نفسه، وقرر خلاص إنه ياخذ قرار )

---

انتهي اليوم ما بين مناغشات أحمد لملك

وكريم مع ماريا ويعلمها أصول الشغل

وحازم وقلقه على مريم دائما

ومريم اللي مش فاهمة حاجة في سؤال حازم المتكرر دائما عليها

يا ترى ايه القرار اللي حازم هياخده؟!  
وماريا هتعمل ايه في الشغل الجديد و هتعرف تتعامل ولا لا؟!!

يتبع...

## " الفصل التاسع "



بداية يوم جديد وأحداث مميزة ( الخميس المنتظر )

يستيقظ أحمد بفرحة لا مثيل لها

أخذ شاور وأدى روتينه اليومي وارتي تيشيرت أبيض وبنطلون رصاصي ( طقم كاجوال ) وكوتشي رياضي أبيض وساعة رصاصي

نزل أحمد علشان يفطر ومش هيروح النهاردة الشغل ومن كتر فرحته عطي مكافأة للمهندسين والموظفين جميعا

= أحمد: صباح الخير

- مريم: أهلا بالعريس القمر ياخواتي

- مها: حبيبي أخيرا هافرح بيك وهشوف عيالك قبل ما أموت

= أحمد: بعد الشر عليك يا ماما

— ياسين بنرفزة على مها: ميت مرى قولتلك متجيبش سيرة الموت على نفسك تاني يا مها

- مها: حاضر يا ياسين مش قصدي

- ياسين بحب: مش هاتحمل يجراك حاجة يا قلب ياسين

- مريم: ولا يا ميدو واخذ بالك من أمك وأبوك عصافير الحب دول !

= أحمد بضحك: ههههه واخذ بالي أووي

- مها بخجل ودراما في آن واحد: كده يا ولاد بتضحكوا على أمكم ! مكنش العشم أبدا

- مريم: ولا يا أحمد حوش أمك بقى الحقها هتقلبها دراما

— ياسين: بس يا بت انتي وهو، ملكوش دعوة بحبيبة قلبي

= أحمد بغمزة لياسين: أيوه ياعم مين قدك انت يا جامد !

- مريم: بس يا واد كله إلا بابا حبيبي

— ياسين: طول عمري بقول مليش غير مريم والله

- مها بغيرة: اه ملكش غير مريم ماشي

- مريم بضحك: هههههه واخذ بالك أمك بتغير ازاي !  
= أحمد بضحك: ههههههههه أبوكي دا جامد والله  
- مريم: أبوك وأمك أصغر مني ومنك والله ههههه  
ياسين لما لاحظ خجل مها من أولادها الزائد: عندكم أي إضافات تاني منك ليها !?  
= أحمد: احم لا أبدا مش هناك ولا ايه !  
- مريم: نستوني الأكل دا أنا واقعة من الجوع يا إخواني  
= أحمد: مفجوعة من يومك  
- مريم: اتلم بدل ما أحلي بيك مع الأكل وانت حلو كده  
= أحمد: بتعاكسيني صح !  
- مريم: ألاه مش أخويا يا بشر !  
- مريم بغمزة: بس مقلتلش المزة وقعتك ازاي !  
أحمد ابتسم وسرح  
- مريم: الحق يا حاج ياسين، الولا ابنك سرح دا واقع واقع  
- مها بضحك: بس يا بت عن أخوكي  
- مريم: أبس ايه يا مها ! دا أحمد ياسين المحمدي بجبروته وشحمه ولحمه وقع وبقى  
يدوب فيهااااا يا بوياناااا  
— ياسين بابتسامة: ربنا يسعدك يا حبيبي يارب  
= أحمد بابتسامة عاشق ولهان: يارب يا بابا  
- مها: وأفرح بيكي يا مريم يا بنتي يارب  
- مريم: بعد الشر يا مها انتي بتدعي عليا في وشي ! عيب والله عليكي دا أنا بنتك حتى  
= أحمد بضحك: بكره تقعي يا بنت ياسين  
- مريم بضحك: هقع وماله ! اللي خلى أحمد ياسين وقع أنا مريم مش هقع ههههههههههههههه  
— ياسين: ربنا يفرحك يا حبايبي

= أحمد: بابا جهزوا أنفسكم النهاردة الساعة سبعة هنروح عند أهل ملك نتفق ونحدد  
معاد الخطوبة وكريم وحازم جايين معايا  
مريم كانت بتشرب عصير شرقت  
- مريم: كح كح وو وهما هيجوا ليه !  
= أحمد: مش صحابي يا بنتي !  
- مريم: اه ماشي  
— ياسين: متقلقش يا حبيبي فاكر كويس  
- مريم: أحمد أنا عاوزه أنزل أشترى فستان  
= أحمد: طب خلصي فطار وأخذك معايا  
- مريم: أوكي يا عريس  
= أحمد بضحك: قلبه والله ههههههه  
وقضوا القعدة ما بين مناغشات أحمد ومريم لبعض ومرحهم المعتاد

### عند كريم وماريا:

نزلوا الموقع وكريم ابتدئ يشرحها كل حاجة وإنها هتمسك قسم الحسابات وهتكون  
مسؤولة عنه وفهمها نظام شغلهم، وماريا متحمسة جدا علشان تبدأ شغل وتثبت نفسها  
وإنها بعيدة عن أي حاجة تستحق مكانتها دي  
( وطبعا فيه عيون بتراقبهم بصمت وغيره فوق العادي، طبعا كلنا عارفين مين هي  
العيون دي )

= كريم: ماريا فهمتي هتعملي ايه ونظام الشغل ايه؟!  
- ماريا: متقلقش فهمت كل حاجة والله وكله هيبقى تمام اعتمد عليا  
= كريم بضحك: ههههههههههههه ما أنا مش خايف غير من اعتمد عليا دي والله  
- ماريا بغیظ: بقى كده يا أستاذ كريم، طب ماشي  
= كريم: ههههههههههههه هتعملي ايه يعني !  
- ماريا بغرور: ممكن نحن لمقالب ومغامرات الماضي يا عزيزي لو تحب، بس شكلك  
هيبقى وحش أوي ههههههههههههه

- = كريم بخوف مصطنع: لأ خوفت أنا كده  
 ماريا بصتله بصة فهم إن بعدها فيه مصيبة هتحصل  
 = كريم: لأ اهدي كده دا أنا كيمو حبيبيك بهزر  
 - ماريا بضحك: هههههههه كده أحبك وانت فاهمني يا كيمو يا حبيبي ههههههههههههه  
 وفي تلك اللحظة جئت مايان والشرر يتطاير من عيناها العسلتان  
 - مايان وهي بتبص لماريا بغیظ: لو سمحت يا بشمهندس ممكن تبص علي الملف دا  
 وتعاين بنفسك؟!  
 كريم خد باله إنها متضايقه وتقريباً فهم السبب وفرح جدا مع إنه لسه مش لاقى مبرر  
 لذا  
 = كريم: ماشي يا بشمهندسة مايان، سيبي الملف دا وأنا هشوفه، تقدرني تتفضلي  
 - مايان بغیظ: اه وماله لما حضرتك تخلص مع حبيبتك الأول تبقى تشوف، الملف  
 يستنى هي لأ  
 - كريم يكتم ضحكته: أدكي قولتي الملف يستني  
 - ماريا بعدم فهم: حبيبته مين!  
 = كريم بمقاطعة لماريا: خدي دا راجعیه يا حبيبتي  
 ماريا بصتله باستغراب وخذت الملف  
 - مايان بزعل بادي على ملامحها: تمام عن إذنك  
 وتركتهم مايان وغادرت لتكمل عملها في جو من الزعل البادي عليها ولا سبب لهذا  
 مقنع  
 لاحظ كريم زعلها وزعل من تصرفه وعدم تبريره ليها  
 - ماريا بعدم فهم: هي قصدها ايه من كلامها؟!  
 = كريم: قصدها عليكي، فاكراكي حبيبتي  
 - ماريا: طب وانت موضحتهاش دا ليه يا كريم؟!  
 كريم سكت ومش عارف يقول ايه  
 - ماريا: كريم انت بتحبها!





- مايان: يا حبيبتي يارب أشوفك فرحانه دايمًا
- مريم: يارب يا قلبي، أسيبك بقى تكلمي شغلك ونتكلم بالليل
- مايان: ماشي يا حبيبتي
- وأغلقت الخط مع مريم وتفاجأت بكريم يقف خلفها بصتلته باستغراب
- مايان: فيه حاجة يا بشمهندس
- = كريم: لأ أبدأ، أنا شفت الملف ومحتاج تعديل بسيط ( وشرحها التعديل اللي فيه )  
وبعدها...
- = كريم بتبرير: على فكرة ماريًا مش حبيبتي ولا حاجة، دي بنت عمي وأختي الصغيرة
- مايان: ااا طب وأنا مالي يعني !
- = كريم: أبدأ، أصل كل شوية تقولي حبيبتك وللعلم أنا مش مرتبط ولا بحب حد أصلاً
- مايان والفرحة تلمع في عيناها: ااا احم، ليه يعني !
- = كريم: تقدري تقولي إني ملقتش البنت المناسبة
- مايان بعصبية خفيفة: ودا من قلة البنات يعني !
- = كريم بضحك: ههههههههه مش حكاية قلة البنات بس ملقتش اللي توقعني في حبها
- مايان: اه بكره تلاقياها
- = كريم وهو عينه في عيناها: عندك حق أنا تقريبا لقيتها
- مايان اتوترت
- = كريم وقد عاد إلى رشده: احم، قصدي يعني أكيد هلاقياها قريب
- مايان: ااا ان شاء الله أكيد
- = كريم بابتسامة: كلمي شغلك بقى
- وتركها وغادر .. ومايان فقد تبدل حالها من حزن إلى فرحة كبيرة وأشرق وجهها من جديد

### ■ في بيت ياسين عند أحمد:

= أحمد باستعجال لمريم: مريم يلا علشان نلحق نيجي بدري الوقت اتأخر

- مريم: حاضر وبعدين لسه الساعة 12:00 يا نصاب

= أحمد: والله أسيبك وامشي، انتي حرة

- مريم: لأ لأ والنبي خلاص أنا لبست أهو

وجاءت مريم

- مريم: يلا يا عريس يا قمر انت، هههههه

= أحمد: يلا يا بكاشة

وذهبت مريم بصحبة أحمد لشراء فستان لها

### ■ في المول:

أحمد طبعا معروف جدااا وأول ما دخل المول مدير المول رحب بيه جدا لأنه غني عن التعريف ومعروف بغول المعمار وشخصيته المهمة

- مدير المول: أهلا أهلا بشمهندس أحمد نورتنا، أساعد حضرتك ازاي المول كله تحت أمرك

= أحمد بابتسامة: الهانم هتشتري فستان

- مدير المول: اتفضلي حضرتك

وأخدهم لأحسن مكان فيه فساتين

مريم أول ما دخلت عينها راحت على فستان موثف سادة ولكنه كان مميزا، كان فستان منفوش بعض الشئ ورقيق وهادي

- مريم بانبهار به: أحمد بص كده دا

= أحمد: جميل جدا عجبك؟!!

- مريم بإعجاب بالفستان: جدا عجبني أوي هاخده

دخلت مريم البروثة تقيس الفستان وكان مناسباً لها وأعجب أحمد به وتم شرائه لمريم

وعند خروجهم من المول وقعت عين أحمد على فستان باللون البيّنك رقيق وأعجب

أحمد به، وتخيل ملك وهي ترتديه وقرر شرائه لها وقرر إهدائه لها

مريم وهي عينها مكان أحمد ما بيص

مريم: جميل جدا اشتريهولها

احمد بابتسامة لمريم: تعالي نشوفه  
وتم دفع حساب الفستان وأخذه لمن ملكت كيانه

### عند ملك:

لم تذهب للعمل اليوم لأن اليوم أجمل أيام حياتها، ومعشوقها سيتقدم لخطبتها  
استيقظت من نومها أدت فرضها وبعض من روتينها اليومي وكأي بنت في يوم مهم  
كهذا وضعت بعض المرطبات والماسكات

دخلت والدتها

– الأم: شايفه وشك منور كده هههههه

- ملك بابتسامة: النهاردة بس

– الأم بفرحة: اه ولمعة غريبة في عينك، انتي بتحبيه !

- ملك بتفادي الكلام: هو مين دا يا ماما

– الأم بابتسامة: اللي جايلنا النهاردة ومخلي وشك منور كده ولمعة الفرحة في عينك

- ملك بخجل وعيناها في الأرض: امم مش عارفه يا ماما

– الأم: أنا كده عرفت إجابتك ههههههههه

يلا علشان تاكلي مكاتيش حاجة وصاحية متأخر كمان

- ملك: لأ أنا عندي حاجات عاوزه أعملها، هاكل بعدين

– الأم: ماشي يا حبيبتي وأنا هرتب البيت

ومثلها مثل أي أم مصرية ترتب بيتها وتصنع بعض المأكولات والحلويات كإكرام  
للضيوف وهذا ليس أي ضيف، هذا سيصبح زوج ابنتها

وهبت والدتها لتعمل على ترتيب المنزل وتركت مريم كأى بنت تتجهز ليومها المميز

### عند كريم يهاتف أحمد

– كريم: متقلقش هكون عندك كمان نص ساعة بالبس والله وجايلك

= أحمد: والزفت حازم فين !؟

– كريم: كنت لسه بكلمه وقال إنه فاضله نص ساعة وييجي هو كمان متقلقش مش هنتأخر والله

= أحمد: ماشي يلا سلام هخلص لبس أنا كمان

وأغلق كريم الهاتف مع أحمد

كان كريم يرتدي بدلة من اللون الرصاصي وتيشرت أبيض وحذاء أبيض وكان في منتهى الوسامة وساعة رصاصي وبعض من عطره المميز

وفي تلك اللحظة اقتحمت ماريا الغرفة

- ماريا: كيمووو بص الملف دا مكبل كده ومش فاهمة حاجة فيه ودماعي وقفت –  
وبعدين سكتت لما لاحظت إنه رايح معاد مهم –

- ماريا بغمزة: ايه الحلاوة دي يا ولا رايح تقابل القمر !

– كريم: قمر ايه ! رايح مع أحمد هيخطب عقبالك

- ماريا: عقبال منخطبك انت كمان

– كريم بابتسامة: قريبا يا أختي، ويلا وسعي كده من وشي انتي واقفة كده ليه !

- ماريا بصدمة: قول والله، أخيراً!!!!، لأ مش مصدقة انت بتتكلم جد اللي هو هتخطب وكده !

– كريم بضحك: ههههههه وماخطبش ليه ! ومالك مصدومة !

- ماريا بغمزة ومشاكسة: أصل معجزة إنك تخطب، بس يارب تكون اللي في بالي يارب

– كريم بضحك: هههههههه ومين بقى اللي في بالك !؟

- ماريا: البت القمر بتاعة الشركة، إلا صحيح اسمها ايه !؟

– كريم بابتسامة: اسمها مايان

- ماريا: يارب يا كريم يا ابن سهام تقع في حبها

– كريم: ههههههههه طب اوعي من وشي

- ماريا: كنت جياالك علشان الشغل، بس يلا بقى مش مهم

– كريم: لما أرجع طيب، يلا سلام – وتركها –

## عند سوزان وسهام:

قاعدين ومعاهم دادة فاطمة يتحدثون في بعض المواضيع المرححة المختلفة

خرج عندهم كريم بطلته الجذابة

– كريم: ايه يا قمرات يا حلوين بتعملوا ايه؟!!

= سهام: أبدا يا حبيبي قاعدين

— سوزان: الله أكبر ايه الحلاوة دي !

– كريم بابتسامة لها: دي عينك يا حبيبي

• دادة فاطمة: ربنا يحرسك من العين يا بني

= سهام: يارب وعقبال ما أفرح بيك كده

ابتسم كريم لكلامهم

وجاءت من خلفه ماريا وبعض المرح

- ماريا: قريبا يا سوسو هنفرح بيه – وغمزت لكريم –

– كريم بغیظ: هههههه بتحب تهزر وخادها في حضنه

– كريم: لو متلمتیش هانفخك

- ماريا بتمثيل الخوف: تصدق خفت

— سوزان: بتتوشوشوا على ايه !

– كريم بابتسامة: أبدا، دي ماريا بتحب تهزر

= سهام: على فين كده يا حبيبي؟!!

– كريم: أحمد هينقدم لوحده النهاردة ورايح معاه

= سهام بفرحة: ايه دا بجد ! ربنا يسعدوا ويسعدك ويخليكم لبعض وعقبال ما أفرح

بيك يا قلبي

– كريم: يارب يا حبيبي

— سوزان: أحمد مين؟!!

= سهام: دا صاحب كريم وغلاوته زي كريم بالظبط، ربنا يديمهم لبعض

– كريم: هتعوزوا حاجة مني يا حبايبي؟!  
= سهام وفاطمة وسوزان: لأ يا حبيبي سلامتك ربنا يحرسك من العين  
وتركهم وغادر إلى رفيق دربه

---

### عند حازم:

ارتدى ثياب مكون من بنطلون أسود وتيشيرت أسود وساعة سوداء وحذاء أبيض  
وبعض من عطره الساحر  
ويتحدث مع كريم في الهاتف  
— حازم: أنا جاي أهو والله  
– كريم: بسرعة اتأخرنا على أحمد جدا وزعل  
— حازم: ربع ساعة بالكثير وأكون هناك عنه  
– كريم: ماشي، متعوقش يلا سلام  
— حازم: سلام  
وأغلق الهاتف وتوجه للخروج وركب سيارته وتوجه إلى بيت أحمد

---

### عند أحمد:

ارتدى بدلة سوداء وساعته السوداء وحذاءه الأسود وكان وسيم حقا كما يقال، وكان  
في قمة فرحه لأنه سيتقدم لملاكه ومن ملكة قلبه

---

### في غرفة مريم:

ارتدت فستانها الموف وحجاب من نفس اللون وهيلز بكعب بسيط بعض الشيء، وبعض  
من مساحيق التجميل البسيطة وكحل في عيناها وبعض الإكسسوارات الرقيقة الهادئة  
وكانت أية في الجمال

---

### في غرفة ياسين:

ارتدى بدله سوداء وساعته وحذاءه، وكان وسيم رغم كبر سنه إلا أنه لا يرى عليه أبدا  
وارتدت مها دريس من اللون الأسود الهادئ وحذاء ذا كعب هادئ وبعض المساحيق  
الهادئة، وكانت جميلة جمال هادئ

---

وصل كريم وحازم

= أحمد: ماما يا بابا يلا عشان الوقت  
- مها: حاضر يا حبيبي أنا جاهزة أهو  
— ياسين بهيبته: يلا يا حبيبي  
= أحمد باستغراب: أومال فين مريم !  
- مريم من خلفه: أنا أهو جيت اهووووو استنوني  
= أحمد: كل دا !  
مريم: سيبك من التأخير قول ايه رأيك !?  
= أحمد بابتسامة: زي القمر  
- مريم: وانت يا بابا شكل عامل ايه !؟ قولوا يلا ها يا ماما شكلي حلو  
— ياسين بضحكة بسيطة: قمر يا قلب بابا  
- مها بابتسامة: قمر يا قلبي عقبال ما أفرح بيكي  
- مريم: يلا يا أحمد، أمك هشتغل اسطوانتها واليوم هيضيع، اجري يلا  
= أحمد: أموت واعرف هتكبري امتى، يلا بينا  
وخرجوا إلى الخارج عند حازم وكريم

---

يا ترى ايه هيجصل مع أحمد !?  
وايه رد فعل حازم لما يشوف مريم !?  
وايه رد فعل مريم كذلك لما تشوف حازم وتعرف إنه معاهم !?  
وايه هيجصل في اليوم !?

يتبع...

## " الفصل العاشر "



خرج الجميع عند تجمع حازم وكريم بانتظار أحمد وعائلته  
كريم أول ما شاف ياسين هو وحازم  
- كريم: عامل ايه يا عمي !

- ياسين بابتسامه: الحمد لله الله يا ابني بخير  
≈ حازم بابتسامه: ازي حضرتك !  
- ياسين بابتسامه أيضا: الحمد لله يا حبيبي انت عامل ايه؟!  
≈ حازم: بخير الحمد لله

وبعد ما تبادلوا السلامات مع ياسين توجه كريم إلى مها هو وحازم وقاموا بالسلام  
عليها

≡ مها لكريم: كده متسألش عليا ! ياخسارة تربيتي فيك انت وحازم كل دي غيبة يا  
حازم !

≈ حازم: معلش يا طنط الشغل بقى هنعمل ايه !

- كريم: ما انني عارفه ابنك مش بيرحم

≡ مها: ههههههههه ربنا يقويكم يا حبايبي

وظهرت من خلف مها مريم بفتانها وكانت كالفراشة وتشبه الأميرات حقا ( سرح  
حازم بها وفاق على صوت كريم )

- كريم: عامله ايه يا مريومة؟!!

- مريم بابتسامه: الحمد لله يا كيمو انت عامل ايه؟!!

- كريم: الحمد لله عامله ايه دلوقتي

- مريم: أحسن كثير الحمد لله



( حازم والغيرة تتأكل به بسبب ما يطلقه كريم على معشوقته وحبيبته ومن مريم أيضا )  
(

ولاحظ كريم هذا من نظرات حازم وابتسم في مرح لكي يجعل الغيرة تتأكل به أكثر لكي يتخذ خطوة ويعترف لمريم عن ما يكنه لها بقلبه

≈ حازم: عامله ايه دلوقتي يا مريم!؟

- مريم: الحمد لله يا دكتور بخير

لاحظت مريم نظرات حازم لها وازدادت خجلا

ولاحظت مها خجل ابنتها ونظرات حازم لها وتمنت أن يكون لهم قصة عشق

= أحمد بنرفزة: اقعدوا سلموا واحضنوا والوقت راح، عاوز أروح اتقدم للبت، ياعم  
يلا منك ليه

- كريم باستفزاز: ايه دا ! ايه دا ! أحمد ياسين المحمدي بذات نفسه هيموت على  
الجواز، أنا مصدوم والله

= أحمد: كلمة كمان وقسما بالله هعلقك

≈ حازم: ياعم يلا بدل ما ياكلنا

= أحمد: بتقول حاجة يا زوز يا حبيبي !

≈ حازم بتمثيل الخوف: لأ، أنا بقول نمشي بقى

ضحك على حازم كلا من كريم ومريم ومها وياسين وأحمد أيضا

سرح حازم في ضحكة معشوقته

كريم بصوت منخفض لحازم: ما تيلا يعم العاشق الولهان بدل ما أحمد يموتك أو حد  
يلاحظ نظراتك دي

≈ حازم: أنا بقول كده، يلا بينا

وتوجه كلا من حازم وكريم إلى سيارته الخاصة

وأحمد وعائلته إلى سيارة أحمد .. تولي أحمد القيادة، وياسين بجانبه ومها ومريم في  
الخلف

وتوجهوا جميعا إلى بيت معشوقة أحمد لطلبها للزواج وبداية قصتهم التي ستخلد وتبني أساطير من العشق ولكن في الحلال وأمام الجميع

---

### ■ في منزل الحاج عبد التواب:

تتجهز مريم وكانت ترتدي فستان من اللون النبتي وحجاب من اللون الأوف وايت وحذاء ذا كعب بسيط من نفس لون الفستان وبعض الإكسسوارات الهادئة وبعض من مساحيق التجميل وكحل لعيناها وكانت في قمة أنوثتها ورقنتها وجمالها تدخل رقية والدة ملك

— رقية بدموع الفرح: بسم الله ما شاء الله ربنا يحفظك من العين يا قلبي قمر الله أكبر - ملك بفرحة تشع من عيناها: حبيبي ياماما بس ليه الدموع دي !

— رقية: دي دموع الفرح يا قلبي

وفي تلك اللحظة دخل عبد التواب: اللهم صلي على النبي، عشت وشفتك عروسة يا ملك وهافرح بيكي يا بنتي

- ملك وهي تحضن والدها: ربنا يخليك ليا يا بابا

— عبد التواب لرقية: تعالي يا رقية خليها تكمل لبس، الناس زمانهم على وصول

— رقية: كمل لي لبس يا قلبي هاطلع أجهز الحاجات علشان لما يبجوا أناديلك

وتركت ملك وتوجهت للخارج تحضر بعض الضيافات التي ستقدمها للضيوف

---

### عند أحمد:

وصل هو وعائلته واصدقائه أمام بيت ملك، نزلوا جميعا وتوجه أحمد ودق الباب فتح له عبد التواب ورحب به هو وأهله وأصدقائه ترحيب حار ورحبت رقية بمها ومريم

— عبد التواب: أهلا أهلا اتفضل يا بني ( ودخل الجميع )

= أحمد: أحب أعرفك بعيلتي يا عمي

دا بابا ياسين المحمدي

— رحب عبد التواب بياسين: أهلا أهلا يا بشمهندس ياسين

≈ ياسين بوقار وابتسامة وشوشة: أهلا بيك يا حاج

— عبد التواب: نورتونا والله

≈ ياسين: دا نورك

= أحمد: ودا البشمهندس كريم صاحبي وأشار على كريم

— عبد التواب بترحاب: أهلا يا بني

— كريم بابتسامة: أهلا بحضرتك

= أحمد وأشار على حازم: ودا دكتور حازم صاحبي

— عبد التواب: نورتنا يا ابني

≡ حازم: البيت منور بأهله وبنور حضرتك

= أحمد: ودي أمي وأختي

رحب بهم عبد التواب ورحبت رقية بمها ومريم وأحبتهم كثيرا

≈ ياسين بوقار: بص يا حاج احنا جايين نطلب إيد ملك بنتك لأحمد ابني وبصراحة

ملك أدب وأخلاق واحترام وأنا يشرفني أطلبها لأحمد ابني

— عبد التواب: وأنا يسعدني جدا ويشرفني إني أناسبكم

= أحمد: الشرف لينا

— مها بابتسامة: أنا عاوزة أشوف العروسة

• رقية: هناديلها حالا

قامت رقية تنادي على ملك وتحضر معها هي وملك بعض من التحليات والضيافة

جات ملك بطلتها الجذابة وتحمل معها عصير وتمشي في خجل كبير يبدو عليها

قامت ملك بتقديم العصير

• مها بابتسامة: الله أكبر بسم الله ما شاء الله، تعالي يا ملك أسلم عليكي

- ملك بخجل: أهلا بحضرتك

• مها: لأ حضرتك ايه أنا لو تسمحي لي فانتني هتبقني مرات ابني وبنتي زيها زي مريم،

يعني قولي يا ماما دا بعد إذنكم أكيد

- ملك بخجل: أكيد طبعا

- مريم بمرح: صلاة النبي أحسن، ايه الحلويات دي يا بت يا ملوكه ! متأخذينيش باخد  
ع الناس بسرعة بس الولا أحمد بيعرف ينقي، دا انتي يا شيخة واكله عقله، اه والله يا  
أبو ملك، أصله ايه يا عمي بيبقى نايم والأقيه في عز نومه قام كده وقال ملكككك بحبك  
يا ملككك

أحمد ببيصلها على أساس إنها تسكت بس ايه لا حياة لمن تنادي

كل من كان يجلس ضحكك على كلام مريم حتى ملك ضحكت

( وهناك عاشق ولهان داب في ضحكة ملك وحازم داب في خفة دم مريم )

جلست ملك بجانب مريم وتم الاتفاق على موعد خطبتهم بعد يومان وتمت قراءة الفاتحة  
في جو من الفرحة

وتم تحديد قراءة الفاتحة في قاعة كبيرة جهزها أحمد لهذا الاحتفال العظيم

وتركوا العرسان ليجلسوا بمفردهم بعض الشيء

= أحمد: بذمتك هو فيه حلاوة كده !

- ملك بخجل: ااا ازاى يعني !

= أحمد: بحبك

- ملك و عنيتها دمعت وبصتله: بجد يا أحمد

= أحمد: بجد يا عيون أحمد، بس أول مرة أعرف إن اسمي حلو كده منك

- ملك: انت كنت حلم صعب المنال

= أحمد: انتي اللي كنتي بالنسبالي حلم والله، وخلص هتبقى ملكي

" ملك من الخجل لا تقوي علي الكلام "

= أحمد: بحبك وانتي شبه الطماطم كده، يالهوي على القمر

- ملك بابتسامة: بس بقى ألاه

= أحمد: أخيرا اتكلمتي يا شيخة دا انتي تعبتيني

متقوليلي بحبك وخدي فيا ثواب

- ملك: يا أحمد بس بقى باتكسف بجد





– مها: انت تعبان طيب !

— ياسين: لأ يا حبيبتي نَعَسَان بس وإرهاق، تصبحي على خير

– مها: وانت من أهل الخير يا عمري

وخذ كلا منهم للنوم

### في غرفة أحمد:

غير ثيابه بثياب مريح، وشعوره بالفرحة والطمأنينة أنه امتلك حبه وعشقه .. قام أحمد بالاتصال على ملك

- ردت ملك بابتسامة عليه: لحقت تتصل

= أحمد: وحشتيني طيب، اعمل ايه !

- ملك: لأ يا شيخ !

= أحمد: اه والله هههههههههههههه

- ملك: للدرجادي !؟

= أحمد: وأكثر كمان

سكنت ملك من كثرة الخجل

= أحمد: طبعا مكسوفة ووشك شبه الطماطم أكيد

هسيبك طيب مع إني شكلي هعاني بس كله يهون علشانك

- ملك ضحكت وقال: أكيد، يلا تصبح على خير

= أحمد: وانتى من أهل الخير يا ملاكي

وأغلق معها وكل منهم في قلبه شعور بالفرحة؛ لأنهم أصبحوا لبعضهم البعض

### وعند مريم:

أبدلت ثيابها بملابس مريحة، وكلمت مايان وحكت لها كل اللي حصل وأغلقت مع

مايان وتصفحتم تلفونها وتفاجأت بمسجد من حازم

قرنتها باستغراب وفرحة ومشاعر مختلطة

— حازم: كنتي زي القمر علفكرة

- مريم: شكرا يا دكتور دي عيونك  
— حازم: دي حقيقة كنتي زي القمر  
- مريم بخجل: شكرا تصبح على خير  
— حازم بابتسامة: وانتى من أهل الخير  
وقرر حازم أن.....

---

انتهى اليوم بأحداثه الرائعة والجميلة لدى الجميع  
فماذا قرر حازم؟!  
وايه اللي هيتم؟!  
ومايان وكريم ماذا بعد؟!  
يتبع...



## " الفصل الحادي عشر "



في بيت ياسين المحمدي يعمل الجميع على أتم استعداد لحفل غول المعمار أحمد المحمدي

أما مريم فتستعد للذهاب مع أحمد لكي تحضر فستانا ترتديه في خطوبة أخيها أما عند أحمد كان يحدث ملك ويخبرها أن تستعد لكي يأتي إليها ويشترون فستانا وما يلزمها من أشياء الخطوبة

أغلق أحمد الهاتف مع ملك وذهب عند مريم

= أحمد: انتي لسه مجهزتيش يا هانم !

- مريم: لا لا خولاااص خلصت أهو يا هندسة

= أحمد: يلا يا أخرة صبري

- مريم بمرح: مين صبري دا يا مودي هههههههه

= أحمد بغیظ: امشي قداميبيي يا مريم

- مريم بخوف مصطنع: أنا مشيت أصلا وتركته وركضت تلحقه للأسفل

توجه أحمد ومريم للأسفل وألقوا الصباح على مها وياسين وأخبرهم أنهم ذاهبون لشراء ما يلزمهم من مستلزمات الخطوبة وتوجهوا بعربية أحمد إلى بيت معشوقته ومن ملكت قلب أحمد

---

عند كريم وحازم كان يديرون أمور العمل جميعها في غياب أحمد

كريم كالعادة يبحب يضايق مايان

- كريم لمايان: مختفيه ليه يعني !

= مايان باستغراب: أنا ! هو حضرتك بتكلمني أنا !؟

- كريم: انتي شايفه حد واقف غيرك !

= مايان: لأ بس مختفيه ازاي يعني !

- كريم: مفتحتيش ليه فيس امبارح ؟

= مايان: طب ودا يفرق معاك ف ايه !

- كريم: قولتلك كل حاجة تخصك تفرق معايا

= مايان بخجل وتوتر: ازاي يعني !؟

- كريم وعينه في عين مايان: هتعرفي بعدين

وتركها وغادر وهو على وجهه ابتسامة لا أحد يدري معناها غيره هو فقط

أما مايان فهي في تشتت وموقف لا تحسد عليه ولا تدري ما الصواب أو الذي عليها فعله

وكي تلهي حالها ألهمت ذاتها في العمل

---

أما حازم فكان يفكر كثيرا وتكرارا في قراره وحسم أمره وإنهاء الأمر

---

في مكان آخر أمام بيت ملك توقفت سيارة أحمد أمام المنزل وتوجه لكي يأتي بها

صعد أحمد وترك مريم بالأسفل وتوجه للأعلى لكي يأتي بملكته

دق جرس المنزل وانتظر لكي تأتي إليه ملك

فتحت ملك الباب

= أحمد: يا صباح الجمال

- ملك بخجل: ادخل

= أحمد: لأ يلا علشان مريم تحت ومستعجلين

- ملك: طب مطلعتش ليه !

= أحمد: مش قادرة تطلع، قدامك كثير ولا ايه !

- ملك: لأ هجيب شنطتي، ادخل طيب

= أحمد: لا يا حبيبتتي، يلا بس

– ملك بخجل: حاضر دقيقة بس ( وتوجهت لكي تحضر حقيبتها وتخبر والدتها أنها ذاهبة مع أحمد )

— والدة ملك: أهلا يا حبيبي، اتفضل

= أحمد بابتسامة: الجايات أكثر ياست الكل، مستعجلين بس

— والدة ملك: ماشي يا حبيبي

وأنت ملك وتوجهت معه للأسفل

في عربية أحمد مريم تجلس بالخلف

أحمد فتح الباب الأمامي لملك علشان تركب

– ملك بخجل: لأ هاركب جنب مريم

= أحمد بابتسامة: ماشي يا ستي، بمزاجي المرادي بس

وصعدت بالخلف بجانب مريم بعدما تبادلوا السلامات وكلامهم المرح وبعض من مرح

مريم وأحببتها ملك كثيرا

وتوجهوا إلى المول

### أمام المول

دخل أحمد برفقة مريم وملك

رحب به صاحب المول كثيرا لشخصية أحمد المعروفة بشكل كبير

توجهوا إلى قسم الفساتين

اختارت مريم فستانا باللون الأسود منفوش بعض الشيء وكان رقيق وفي غاية الجمال

ومعه حجاب من نفس لونه

واختارت ملك فستان باللون الأحمر، كان ينزل باتساع وهادئ وجميل وعليه حجاب

من نفس اللون

وكل هذا في جو من المرح والفرح في قلب كل من أحمد وملك، وفرحت مريم لأجلهم

كثيرا

أخذهم أحمد إلى مطعم لكي يأكلوا

طلب أحمد لهم الطعام وجلسوا يتناولون غداءهم مع بعض ما بين مرح مريم  
ومناغشات أحمد لملك

تركهم مريم وتوجهت للحمام

= أحمد وعينه مركزه على ملك همس لها بعشق: تعرفي ايه الفرق بين ابتسامتك  
وابتسامتي !

- ملك باستغراب: ايه الفرق !؟

= أحمد بابتسامة عاشق: الفرق إنك بتبتسمي لما تفرحي وأنا بابتسم لما أشوفك  
احمر وجه ملك خجلا ولا تقوى على الكلام

= أحمد: عاوزك تتأكدي إني بحبك أوي وعمري ما هفكر أزعلك أو أذيك

- ملك بنظرة حب بانته في عيناها الخضراء: متأكدة من دا طبعا

وفي هذا الوقت جائت مريم: عصافير الحب بتعملوا ايه أتمنى مكوئش عزول بينكم  
ههههههه

= أحمد بغیظ: أبداااااااااا انتي طيوبة خالصصص

- ملك بضحك: ههههههههه، والله انتي سكرة

- مريم: والله ما حد سكر غيرك بعيونك القمر دي ههههه

= أحمد: بت ما تتلمي

- مريم: إنه يغار من أخته يا سادة، ههههه

- ملك بضحك: ههههههههه، انتي مش معقولة

وقضوا وقت في مرح وسعادة وحب

وتوجهوا وأوصلوا ملك لمنزلها وتوجه أحمد بمريم إلى منزله

---

عند ما يان انتهت من عملها وكان الوقت اتأخر ومش لاقيه مواصلات في وقت خروج  
كريم

- كريم: واقفة كده ليه !

= ما يان بضيق: مش لاقيه مواصلات

- كريم بتفكير: ممكن أوصلك أنا

= مايان: مينفعش، لأ

- كريم: ليه يعني!

= مايان: توصلني بصفتك ايه! والناس

- كريم: يا ستي اعتبريني تاكسي عادي

وبعد وقت ليس بقليل أقنعها كريم إنه يوصلها وبالفعل أوصلها للمنزل

= مايان: شكرا لحضرتك

- كريم: بلاش حضرتك دي بقي، ويا ستي مفيش شكر أنا معملتش حاجة

= مايان بابتسامه له ولأول مرة: تمام يا بشمهندس

- كريم بابتسامه: دا انتي طلعت ضحككتك حلوة أهي

= مايان بخجل: عن إيدك ( وتركته ودخلت للمنزل )

- كريم: ههههه اهربي اهربي

وتوجه كريم لمنزله

---

أما عند مريم فحدثت مايان واتفقوا على المقابلة غدا لشراء فستان لمايان لحضور  
خطبة أحمد

ولكن كريم يـ .....

---

يا ترى كريم ناوي على ايه؟!

و حازم هيعمل ايه هو كمان؟!

و ايه اللي هيتم في خطوبة أحمد؟!

ماذا بعد؟!

يتبع...

## " الفصل الثاني عشر "



### فى منزل ياسين المحمدى:

تستيقظ مها بحماس؛ لأن اليوم سيتم ما تتمناه أي أم مصرية لأبنائها ويستيقظ ياسين أيضا

تتركه وتتجه إلى غرفة مريم مشاغبة المنزل وروحه المرححة

– مها: بت يا مريم قووومي كل دا نوم ! يلا يا قلب ماما

- مريم بتلمل وضيق: امم، نعسانة ماما سيبيني شوية

– مها: 10 دقائق وألاقيكي ورايا تحت يا أخرة صبري

- مريم بنوم: طيب ماشي ماشي

تركتها مها لكي تتجه إلى غرفة أحمد

– مها بفرحة ولطف: أحمد قوم يا حبيبي فيه حد خطوبته تكون النهاردة وينام كل دا !

= أمد بنوم: حاضر يا ماما، شوية بس

وفتحت مها شرف غرفة أحمد لكي تخرق شمس الصباح غرفته وبعض الهواء المنعش للروح

– مها: يلا يا حبيبي بقى يلا

استيقظ أحمد: حاضر قمت أهو

تركته مها ونزلت للأسفل لكي تحضر لهم الفطور

### أما فى بيت الهوارى عند كريم:

يستيقظ كريم على صوت اعتاد عليه مؤخرا

= ماريًا: كيموووو ولا يا كيمووووو اصحى

- كريم بضيق: ابيبيه عاوزه ايه يزفته !

= ماريًا باستفزاز: تعالى معايا هجيب فستان علشان خطوبة صاحبك، بالله عليك يلا بقى

- كريم: هي الساعة كام دلوقتي !؟

= ماريًا: الساعة 11:30

- كريم بخضة: نهار أبيض كل دا نايم أومال الزفت حازم مرنش ليه ! المفروض نروح نشوف القاعة اللي هيعمل فيها أحمد خطوبته ونشوف التجهيزات هناك

= ماريًا: مرنش ايه ! دا انت تلفونك رن رن يصحي قبيلة يا شيخ، نومك تقيل بشكل يقرف

- كريم: طب غوري من وشي 10 دقائق وألاقيكي جاهزة يا إما والله ما هوديكي

= ماريًا: يا كبير اعتبره حصل، يلا سلاموززززز

وفي تلك الوقت رن هاتف كريم من حازم

- كريم: ألو

- حازم: ايه ياعم مبردش ليه كل دا نوم !

- كريم: كنت تعبان والله يا زوز

- حازم: طب يلا اجهز كده علشان نروح نشوف اللي أحمد قال عليه

- كريم: اسبقني انت بقى، ساعة كده وهحصلك علشان هروح مع ماريًا هتجيب لبس للخطوبة وكده

- حازم: خلاص ماشي متتاخرش بس

- كريم: تمام ماشي

وأغلق الخط مع حازم وقام أخذ شاور وارتدى تيشيرت من اللون الرصاصي وبنطلون من نفس اللون وحذاء أبيض وساعة بيضاء وشفف شعره بطريقة جذابة وخرج لكي ينزل مع ماريًا

- كريم: صباح الخير  
ردوا جميعا: صباح النور  
- كريم: ماريا فين لسه ملبستش  
— سهام: زمانها جايه  
~ سوزان والدة ماريا: مغلباك معاها البت دي  
- ماريا من خلفهم: أعيش وأغلبهم  
- كريم: يلا يا أخرة صبري  
~ سوزان: طب افطروا الأول طيب  
- كريم: لأ هنفطر بره علشان متأخرين، يلا باي  
وتركهم وتوجه هو وماريا لكي يشتروا أغراضها

- 
- عند مريم أنتت مايان لكي تأخذها معها  
= مايان: مها حبيبة قلبي  
- مها بفرحة: قلب مها والله، ايه يا ماينو مبتجيش ليه يا قلبي  
= مايان: الشغل والله يا ست الكل واخذ وقتنا  
— مها: ربنا يقويكي يا قلبي  
= مايان: أومال فين البت مريم!  
- مها: فوق بقالي ساعة بحاول أصحيتها مش عارفه، اطلعيلها  
= مايان: بعون الله هصحبها متقلقيش  
- مها: ربنا معاكي والله مهمو صعبة أوي هههههه  
= مايان: أطيير أنا عشان هنتأخر كده  
وهي تتجه لغرفة مريم التقت بياسين وأحمد ينزلون الدرج  
— ياسين بفرحة: أهلا أهلا بحبيبة قلبي



= مايان بفرحة ومشاكسة لياسين الذي لا يفرق بينها وبين مريم: سينووو واحشني  
والله، انت بتكبر وتحلو والله هههههه  
≈ حمد بابتسامة: أه لو مها سمعتك هتعلقك  
= مايان: هههههههههه، خليك محضر خير يا هندسة  
— ياسين: بكاشة من يومها ههههههههههه  
= مايان: هههههه، كده ! وأنا اللي عامله عليك والله، عموما ألف مبروك  
≈ أحمد: الله يبارك فيكي او عي متجيش  
= مايان: جايه طبعا عيب عليك، أسيبكم أنا وأطلع أشوف مريم هانم  
≈ أحمد: مهمة صعبة الله يكون في عونك  
= مايان: هههههههههه، أه والله  
وتركتهم وصعدت لمريم

---

### عند مريم:

استيقظت على صوت مايان وبعد مشاغبات ومضايقات مايان لمريم استيقظت وارتدت  
ثيابها المكون من دريس سماوي وحجاب أبيض وحذاء من نفس اللون وتوجهت هي  
ومايان إلى المول لشراء فستان لمايان

---

### في المول عند كريم وماريا:

— كريم: يا بنتي ارحمي أمي، ايه كل دا مش عاجبك منه أي حاجة حرام عليك!  
= ماريا بضيق: ألاه، يعني هو أنا لقيت حاجة حلوة ومخدتش ! تعالى نروح المحل  
اللي هناك دا كده  
وتوجهوا بالفعل إليه

### عند مريم ومايان:

- مريم: هالا هندخل هنا الأول ولا فين !؟

– مايان: أه هنجيب الفستان الأول وبعدين نقرر هنجيب ايه تاني؛ عشان الوقت بس،  
يلا تعالي

دخلوا المحل صدفة اللي كريم وماريا فيه

مريم ومايان أول ما دخلوا شافوهم، مايان حست بضيق من وجود ماريا معاه

- مريم: بابتسامه أهلا يا كريم عامل ايه!

— كريم: الحمد لله يا مريومة، بتعملي ايه !

- مريم وهي تشير على مايان: مع مايان بنجيب فستان ليها وكده

— كريم وهو ينظر للتي تكاد تحترق من شدة غليانها وتفتك به: والله جيتوا في وقتكم،

طبعا دي الست ماريا بنت عمي والمفروض هي كمان هتجيب فستان وأنا عارف

ذوقك يا مريومة ممكن تساعديها

- مريم بمرح: سيبهالي خالص تعالي يا ماري هدلعك

= ماريا بمرح: بينا ننقي فستان

وتوجهوا ينقوا لماريا وتركوا كريم ومايان بمفردهم

— كريم: شكلك متضايقه فيه حاجة !

– مايان: لا أبدا هتضايق ليه !

وتركته تطلع على الفساتين الموجودة ووقف نظرها على فستان باللون البترولي هادئ

وجميل جدا، أكامه ذات اتساع إلى حد ما وحزام، ذا تطريز هادئ وكان في قمة

الجمال

— كريم من خلفها: هيبقى حلو عليكى

تطلعت له وللستان وأخذته تدور على مريم لكي تريها الفستان

مريم وماريا اختاروا فستان ينزل على جسد ماريا وبس من الآخر اتساع بسيط باللون

الأخضر الهادئ وكان جميل وهادئ

= ماريا: حلو أوي ذوقك حلو يا مريومة

- مريم: احنا في الخدمة، يلا علشان تقيسيه

وفي ذلك الوقت أنت مايان بفتانها البترولي

- مايان: مريم بصي كده

- مريم بانهييار به: تحفة بجد

ماريا لاحظت أن مايان لا تطيقها وعلمت سبب كل هذا

شاركتهم ماريا الرأي: هيبقى حلو عليكى

تطلعت لها مايان فشاركت ماريا بالكلام: بصي كده يا مايان وقولي رأيك

- مايان بابتسامة: جميل ما شاء الله

- مريم: طب يلا علشان تقيسوا علشان نشوف هنجيب ايه تاني ونمشي

وبالفعل توجهوا ثلاثتهم إلى البروثة وتبقت مريم وكريم بالخارج يمزحان بعض الشيء،

إلى أن أتت لهم مايان وشنتت عقل كريم بفستانها الرائع

- مريم: تحفة عليكى

كريم وقد أحس أن الغيرة تتأكل به ولا أحد يجب أن يراها به غيره هو فقط

- مايان: يعني حلو أخده!؟

- مريم: جدااا يا حبيبتي تحفة

جاءت في تلك اللحظة ماريا بفستانها الرائع وكل هذا تركيز كريم مع مايان فقط

وبعد أن تم شراء الفساتين وبعض مستلزماته وشرت مايان حجاب من نفس لون

الفستان وبعض الإكسسوارات هي وماريا

وتوجهوا لمطعم للغداء وكل هذا وعقل كريم منشغل بتلك الفتاة فقط ولا يبالي بأحد

آخر، والجو كان مليء بمرح ماريا ومريم ومايان التي ارتاحت لها بعض الشيء ولكن

كل هذا مجرد غيرة لا أكثر واتفقوا ثلاثتهم على المقابلة ليلا في الحفل

وأصر كريم أن يوصلهم هم الاثنين، أوصل مريم إلى منزلها وبعد إصرار منه أوصل

مايان أيضا، وأوصل ماريا إلى المنزل، وتوجه إلى حازم ليروا مستلزمات الحفل الذي

سيقام لرفيق عمرهم

---

حل المساء وارتدت مريم فستانها الأسود وحجابه وبعض من مستلزمات التجميل

الهادئة واكسسوارات بسيطة وهيلز ذا كعب ليس بكبير، وكانت في قمة أنوثتها

.....

أما أحمد فارتدي بدلته السوداء وكان في قمة وسامته ومتكامل من كل شيء

.....

أما في غرفة مها وياسين: ارتدت مها دريس من اللون الأسود وبه بعض النقوشات، وارتدي ياسين بدلته السوداء وكانوا في قمة جمالهم

توجه ياسين ومها بصحبة مريم في سيارة ياسين

وأحمد يقود سيارته إلى بيت معشوقته لكي يأتي بها ويتوجهوا إلى الحفل الذي سيقام

---

أما عند ملك فارتدت فستانها وحجابها وبعض من الميك أب وهي لا تحتاج إلى هذا؛ ولكن كأبي عروس وضعت بعض منها وكانت في قمة جمالها وكانت بانتظار معشوقها الذي سيأتي إليها

---

أما حازم فارتدي بدلة ذات لون أسود وتيشرت أبيض من الأسفل وكان في قمة وسامته وتوجه للحفل لكي يبقي بجانب صديقه ويرى من ملكة قلبه واحتلت كيانه

---

أما كريم فارتدي بدله سوداء وساعته السوداء وحذاء من نفس اللون وكان في قمة وسامته وكان الجمال صنع خصيصا له

.....

وفي غرفة ماريما ارتدت فستانها وتركت العنان لشعرها وارتدت هيلز ذا كعب بسيط وبعض من مستحضرات التجميل البسيطة، وكانت في قمة جمالها

.....

وسوزان وسهام ارتدوا لبس كاجوال كأبي أمهات مصرية وتوجهوا مع كريم إلى الحفل الذي سيقام

---

أما مايمان كأنها أقسمت أن تجعله يجن ويقيم بها اليوم، كانت في غاية جمالها بفستانها وعيناها العسلية وبعض من مستلزمات التجميل الهادئة واكسسوارات بسيطة جدا وهيلز من اللون البيج

وكادت تخطف العقول بجمالها

واتجهت مع عائلتها إلى مكان الحفل

---

أما ملك فأتى لها أحمد لكي يأخذها وكانت أبة في الجمال بفستانها وعيونها وجمالها الذي يخطف القلوب

أخذها أحمد وتوجهوا لمكان الحفل برفقة عائلتها واليوم سيكون أول الخيوط التي ستجمعهم ببعض، وستجمع عشاق آخروووون أيضا، واليوم سيحدث ما يتمناه الكل

---

فماذا سيحدث؟!

وايه اللي حازم هيعمله؟! و يا ترى هيقدر ولا ايه؟!

وكريم ناوي على ايه هو كمان؟!

وايه اللي في دماغ مايان؟!

و يا ترى ياسين هيخبي تعبته كده كثير؟!

و ماذا بعد؟!

يتبع...

## " الفصل الثالث عشر "



صوت الموسيقى يضوي المكان والفرحة تعم به وأجواء من المرح والعشق بين كل  
ثنائي

يمد كلا من المعازيم العرسان بالتهاني وتنتشر أجواء الفرحة بينهم

كان أحمد يهيم بملك عشقاً فلقد تحقق ما يتمناه

نالها خطيبة له وقريبا ستصبح زوجته تحمل اسمه

فكانت السعادة تمد قلبه وتستحوذ عليه

أما ملك فكانت كالمغيبة من شدة فرحتها، لا تصدق ما هي به أحقاً نالته وأصبحت  
ملكة !

فكان كلا منهما يستحوذ عليه شعور الانتصار والفرحة التي تغمرهم بشدة ومن حولهم  
الأهالي والأصدقاء فرحين بهم

= أحمد بابتسامة: انتِ بقيتي ليا رسمي يا ملوكتي

- ملك بخجل: أنا مش مصدقة بجد يا أحمد

= أحمد بغمزة وفرحة: ايه دا أنا طلعت موقعك أهو، بس لأ صدقي يا قلب وعين أحمد

- ملك بخجل: أتمني تفضل معايا العمر كله يارب

" بعيدا عنهم بمسافة ليست بقليلة تقف مريم ومايان وماريا "

مايان أصلا مش طايقه ماريا بس مستحmlها بالإجبار من مريم

- مريم: الله الولا ميدو شكلو قمر أوي، هو وملوكة يخطفوا القلب

- مايان: أوي بجد

— ماريا: عندكم حق فعلا يخطفوا القلب

" مايان بصتلها بصة غيظ "

- مريم: تعالوا نروحلهم نرخم عليهم

واتجهوا لجوار أحمد وملك

- مريم: للووووليبيي طب والله جمرات يا ولا جمرات

= أحمد: ما أنا عارف مش محتاج رأيك يا بت

- مريم: لأ دا التواضع فوق أوي أووي، الله يكون في عونك يا ملك

= أحمد بنظرة عشق لملك: لأ ملكيش دعوة بملك، ملك تختلف عنكم أصلاً

- مايان: يا عيني يا عيني لأ وقعت يا أحمد

= أحمد بضحك: بصراحة اه

— ماريا تشاركهم في الكلام: ألف مبروك، ربنا يهنیکم ببعض

= أحمد: تسلمي يا ماريا عقبالك

وتشارك بعض الكلام المرح والهزار

" وجاء كريم وحازم في هذا الوقت "

~ كريم: مبروك يا صاحبي

= أحمد وهو يعانقه: الله يبارك فيك يا حبيبي

∞ حازم: مبروك يا غول والله مش عارف عملتها ازاي دي !

= أحمد: الغول هيكسر دماغك دي دلوقتي

∞ حازم: يعم الطيب أحسن

= أحمد: انجزوا واتجوزوا بقي انتوا كمان

∞ حازم وهو ينظر لمريم: توافق انت بس وأنا هحصلك

= أحمد باستغراب: أوافق على ايه !

∞ حازم وتدارك أمره: هاا لا أبدا هقولك بعدين

= أحمد: مش مستريحلك

∞ حازم: والله كل خير ههههههههه

= أحمد: وانت يا عم كريم

" كريم وهو ينظر لمايان نظرة أذابتها خجلاً "

- كريم: هانت أهى

= أحمد وقد فهم مقصده: على خيرة الله ههههه  
وتشاركوا جو من المرح جميعا مع بعضهم البعض

" وجاء موعد تلبيس الدبل "

قدمت مها العلبة لأحمد، والتي تحتوي على خاتم من الألماظ جميل ورقيق كصاحبته  
ودبله لأحمد من الفضة محفور بها إسم من سكنت الفؤاد مثلما حُفر اسمها في قلبه  
تناول أحمد العلبة وألبس ملك إياها وهي كذلك، تبادلا الدبل في وسط جو من المرح  
والفرحة جميعهم

عند ياسين المحمدي ذهب إليه حازم

- حازم: عمي ممكن أتكلم معاك شوية !

— ياسين: اكيد يا حبيبي اتفضل

- حازم بإحراج: هو أناااااا كنت محتاج أخذ من حضرتك معاد أطلب فيه إيد مريم

— ياسين ببسمة له: تقدر تشرفنا بكره يا حبيبي

"واتفقوا على المعاد وذهب حازم في فرحة عارمة وخوف أيضا من أن تكون لا تحبه  
أو لا توافق عليه "

حكى ياسين الذي حدث لها وفرحت كثيرا؛ لأنها كانت تتمنى حازم زوجاً لابنتها

مر اليوم سريعا وانتهت الحفلة وأوصل أحمد ملك إلى بيتها

اليوم لم يمر من دون مناغشات كريم لمايان ومرح أحمد وملك ونظرات حازم لمريم  
التي تعبر عن مدي عشقه لها، ومر اليوم بسلام.

وأشرقت شمس يوم جديد بأحداث جديدة مميزة



استيقظت مريم على صوت مها لها

- مها: مريومة قومي يلا يا قلب ماما

- مريم: ايه يا ماميتو دا حتى النهاردة اجازة يعني حرام عليكي

- مها: أصل بصراحة متقدمك عريس وجاي النهاردة

- مريم بصدمة وفزع: ايه ! عريس مين ! عريس ايه !

- مها بضحك: هههههه اه يا قلبي، حازم متقدمك، كلم بابا امبارح وأحمد وبابا عطاء  
معاد النهاردة

- مريم في نفس الصدمة: حازم مين !؟

- مها: حازم الدكتور بتاعك وصاحب أخوكي

- مريم وقد تداركت الأمر إلي حد ما: اااا طب أعمل ايه دلوقتي !

- مها: قومي يا قلبي شوفي هتعملي ايه واجهزي كده وضبطي حالك يا قلب مامي

( وتركت مها مريم كي تستعد لمقابلة الليلة )

مريم بعد أن استعادت وعيها وتداركت الأمر

تحدثت إلى مايان وقصت عليها كل ما حدث

مايان بعد ان استوعبت كل هذا فرحت كثيرًا

- مايان: وربنا كنت حاسة أصلاً، الدكتور واقع أوي، أنا قولتلك كتي، محدش صدقني،

هههههه، بجد ألف مبروك يا مريومة وفرحت أوووي

- مريم: أنا لحد دلوقتي مش مستوعبة أي حاجة بجد، متوترة أوي وحاسة إنني باحلم

والله يا مايان

- مايان: لأ يا قلب مايان مش حلم، يلا قومي استعدي كده ومتخافيش من أي حاجة

والله

- مريم: ايه دا ! انتي مش هتيجي ولا ايه !

- مايان: والله كان نفسي بس تعبانة أووي ومش عارفه أنزل بجد

- مريم: سلامتك يا ماينو

– مايان: الله يسلمك يا قلبي، يلا قومي اجهزي بقى وكلميني تاني

- مريم: حاضر يا حبيبتي

" وأغلقا الخط مع بعضهم وقامت مريم لكي تستعد "

أما عند حازم فأخبر كريم بكل ما فعله وفرح كريم كثيرا بحازم وقراره هذا

- حازم: هاستناك بالليل علشان تروح معايا انت عارف يا صاحبي مليش حد غيرك انت وأحمد

– كريم: يالا انت أخويا، أكيد هابقي معاك، يلا روح جهز حالك ومنتقابل بالليل

" وأغلقا الخط مع بعضهم البعض، وحازم فرح كثيرا بأنه أخيرا سينال معشوقته، وسعد كريم كثيرا بقرار حازم وتمنى أن الله يسعده وأن يتم كل شيء له على خير "

### في بيت المحمدى وبالتحديد في غرفة أحمد:

كان يتحدث مع ملك ويحكي لها عن قرار حازم وأنه تفاجأ بهذا ولكن سعد كثيرا

= أحمد: على قد ما اتفاجئت على قد ما فرحت جدا لاني أكيد مش هاتمني أحسن من حازم لمريم

- ملك: ربنا يسعدهم بجد ويتم على خير

= أحمد: يا رب يا ملاكي، بس إلا قوليلي هو انتي حلوة كده دايمًا !

- ملك بخجل: أحمد

= أحمد: عيون وقلب وروح وكل ما يملك أحمد والله، عمره وسنينه وكل الحلو اللي في حياته

- ملك وقد أدمعت عيناها من مدى عشقه لها: ربنا ميحرمنيش منك أبدا يارب يا حبيبي

= أحمد: انتي قلتي ايه دلوقتي !

- ملك بخجل: أحمد مقاتش حاجة

= أحمد: طب وغلاوة أحمد تعيدها تاني

- ملك: قلت حبيبي لأنك حبيبي

= أحمد بفرحة وجو من المرح لأنه لاحظ خجلها الزائد: طب والله أنا ربنا نصرني  
بجد بقى

- ملك: أيوه طبعا ههههههههه

= أحمد: ربنا ميحرمنيش منك يا أجلي وأرق ما في حياتي ويقدرني ربنا وأقدر أسعدك  
يا حبيبة قلبي

- ملك بخجل: ولا منك يا حبيبي

" وأنهو حديثهم على أن يستعد أحمد لمقابلة الليلة التي ستقام في منزلهم"

في غرفة مريم:

حل المساء و.....

يتبع...



وعايش لوحدي، وأنا باعتباركم أهلي أكيد، ويشرفني أطلب إيد مريم وأبقى ابن حضرتك مش بس جوز بنتك والرأي في الأول والآخر يرجع ل حضرتك وللعروسة وأحمد أكيد

— ياسين: أنا عن نفسي مرحب ببيك جدا، بس اقعد مع مريم وبعدين نشوف رأيها ( ووجه كلامه لأحمد ): أحمد اطلع هات أختك

وذهب أحمد للأعلى ووجد مها برفقة مريم تطمئن لها لأنها متوترة جدًا، انبهر بجمال مريم الذي يخطف القلب

= أحمد: ايه القمر دا يا مريومة، لا لا دا انتي خسارة في الواد دا والله ههههههههه

- مريم: حبيبي يا أبو حميد والله ههههههههههه

— مها: ربنا ميحرمنيش منكم يا حبايب قلبي يارب

= أحمد: ولا منك يا ست الكل يارب

يلا يا مريومة ننزل

وأخذ مريم ونزل وبصحبتهما التي قدمت لهم مشروبات وبعض الحلويات

دخلت مريم وهي تكاد تموت من التوتر والخجل، جلست برفقة أبيها وأحمد وعيناها في الأرض، من كثرة الخجل

انبهر حازم بجمالها لدرجة أنه نسي كل من حوله وسرح بجمالها وأفاق على كلام ياسين وهو يقول

— ياسين: نسيكم شوية مع بعض، تعالوا يا شباب نشرب حاجة

وتركهم وخرج لكي يتركهم لوقت قليل مع بعضهم

= أحمد: ولا، على الله تبصلها بصة بس، هعلقك

— حازم: ياعم اسكت بقي ألاه

≈ كريم: يلا يا أحمد، اليوم يومك يا حازم ههههههه

" وتركوه وخرجوا للخارج "

نظر حازم لمريم ورأى خجلها وتوترها فبث بها كلام لكي يهدئ من روعها و يطمئنها  
- حازم: أنا عارف إنك متلخبطة ومتوترة، بس أنا مش هغصبك على حاجة، وعاوز  
أقولك إني بحبك أوي، ومن زمان يا مريم والله، بحبك لدرجة لا يمكن تتخليها أبدا في  
حياتك كلها

" نظرت مريم له بصدمة من الموقف فلاحظ حازم ذلك فأضاف علي كلامه "

- حازم: عارف إنك مستغربة بس والله بحبك أوي وعمري ما تمنيت حد يكون أم  
لعیالی وشريك حياتي غيرك، كنت بخاف عليكي من نفسي علشان كده عمري ما  
صارحتك أو اعترفت، وحببت لما أعترف أدخل البيت من بابہ وتبقي ليا قدام الجميع  
مريم بخجل صامته لا تقوي علي الكلام من صدمتها

- حازم: أنا هانتظر ردك من عمي يبلغني، بس أتمني تفكري كويس وتوافقي يا مريم  
بجد، وعاوز أقول حاجة أخيرة إنك زي القمر، تشبهي الملائكة في رقتهم، هاستني  
إنك توافقي يا أحلي وأرق ما رأت عيني.

" دخل أحمد في هذه اللحظة، وحمدت مريم ربها كثيرا أنه دخل وأنقذها من خجلها  
الذي يكاد يذيبها حقًا "

= أحمد: ايه ياعم حازم انت استحليتها ولا ايه !

- حازم: ارحموا من في الأرض يرحمكم من في السماء، أنا لسه كملت حاجة ياعم  
انت !

= أحمد: مش كفاية إني خليتك تقعد معاها أصلا ! دا انت تحمد ربك والله

≈ كريم من خلفهم: سيبه ياعم حرام عليك يتهنى شوية، ههههههههه، أخبار عروستنا  
ايه عامله ايه يا بشمهندسة !

- مريم بابتسامة: الحمد لله والله

= أحمد: طب ايه يا مريومة ! روحي ساعدي ماما

" ذهبت مريم لكي تساعد مها في إعداد الطعام الذي أصر ياسين على أن يتناولوه  
معه "

قصت مريم كل ما حدث على مها ونصحتها بأن تصلي استخارة وتترك أمرها لله

وغي الخارج يجلس الثلاثي المرح وبرفقتهم ياسين المحمدي بوقاره يتناقشون في عدة أمور مختلفة

وضعت مها الطعام وجلسوا جميعًا يتناولون الطعام  
كانت مريم شاردة بكلام حازم وكان حازم شارد بها  
انتهوا من الطعام واتفقوا على أن يتم الرد على حازم  
صعدت مريم في غرفتها فرحه مشتتة وتحدث إلى مايان وحكت لها كل ما حدث،  
فرحت مايان لها كثيرًا

- مريم: لما اعترفتي بحبه حقيقي يا مايان اتوترت وفرحت أوي

- مايان: طب انتي حاسه ب ايه يا حبيبتي !

- مريم: مش عارفه، بس أنا مرتاحة أوي

- مايان: صلي استخارة يا حبيبتي الأول وربنا يجعلك فيه الخير يارب يا حبيبة قلبي

- مريم: يرب يا ماينو

" وأغلقا مع بعضهم على أن يتقابلا في الغد "

### في غرفة ياسين ومها:

- مها: أنا مرتاحة أوي يا ياسين لموضوع حازم بجد

- ياسين: حازم ولد محترم وكويس وربنا يجعلهم الخير

- مها: يارب بنتك بس توافق علشان دي هتجنني

- ياسين: تفائلي خير يا مها

- مها: بنتك عندية وممكن ترفض يا ياسين

- ياسين: لأ لأ ان شاء الله توافق، متضغطيش عليها بس وسيبيلها المساحة، للتفكير

علشان تاخذ قرارها صح

مها: ربنا يهديها، ويقدملها الخير، ويجعلهم لبعض يارب

"ونام ياسين ومها على تمنى أن يصبح حازم لمريم "

## في غرفة أحمد:

يتحدث مع ملك ويخبرها بما حدث

= أحمد بغيرة: حازم عاوز ياخذ مريم مني

- ملك بضحك: يا حبيبي دي ان شاء الله تبقى خطيبته ومراته يا أحمد، ايه هتخليها جنبك طول العمر!

= أحمد: أيوه، أنا أصلا هقولها ترفضه ومنتجوزش

- ملك: يا أحمد اهدى بقى، دي هتجوز يا حبيبي

"وفي الوقت دا دخلت مريم على أحمد وهو بيكلم ملك"

- مريم: ميدو فاضي!

= أحمد لملك: أهي جات أهي

- مريم: ايه دا انتوا بتجيبوا في سيرتي! هههههه

= أحمد: بحكيلها اللي حصل، تعالي ( وفتح الاسبيكر ) علشان مريم تسمع

- ملك: عاملة ايه يا مريومة ألف مبروك يا حبيبتي

- مريم بتوهان: الله يبارك فيكي يا ملوكة

= أحمد: مالك يا قلبي!

- مريم: مش عارفه انت رأيك ايه في الحوار دا!

= أحمد: ارفضني يا بت، أنا كده كده مش هخليكي تتجوزي أصلا هخليكي جنبني

- ملك: أحمااااااد اسمعها كويس وسبيك من أي حاجة دلوقتي يا حبيبي، أنا حاسه بيها وقد ايه هي تايهه، وانت يا مريومة اهدي يا قلبي ومنتوتريش، أنا هاقل دلوقتي وأكلمك بعدين، يلا باي

( أغلق أحمد مع ملك لكي يستمع إلى شقيقته ومشاعر الغيرة كأخ تسيطر عليه، وفي جانب آخر يتمنى حازم زوج لشقيقته لأنه كأخي يتمنى زوج صالح وناجح ويقدر



شقيقته وحازم نعم الاختيار، وقرر أن يترك عواطف الغيرة كأخ التي تسيطر عليه في جانب آخر ويرشدها إلى الطريق الصحيح )

= أحمد: قولي يا مريومة أنا سامعك

مريم بخيره من أمرها ومشاعرها المختلطة التي تسيطر عليها

- مريم: أحمد أنا محتارة ومتوترة أووي ومش عارفه أعمل ايه، انصحنى مش عارفه أخذ أي قرار

= أحمد: بصي يا قلبي أنا كأى أخ هابقى غيران عليكى من أي حد غريب يدخل حياتك، وإن جينا للحق الحوار نفسه مضايقتني لإني مش متقبل إن حد ياخذك مني بصراحة، بس لو بصينا من جانب آخر وهو إن حازم بعيد عن إنه صاحبي فهو شخصية متعوضش، طبعًا هتقوليلي ازاي صح !

" صمتت مريم لكي يكمل أحمد باقي حديثه الذي سيغير تفكيرها "

= أحمد: بصي، يا قلبي لو هنتكلم عن حازم فأنا هقولك إنه فعلاً شخصية متعوضش، هقولك في ايه

حازم متعلم زيك ومتقف، وشخص ناجح، وبيعتمد على نفسه، هيدعمك دايمًا، هو فعلاً بيحبك وأنا شايف دا جدًا في عينه ومن زمان؛ لأن أنا مش أهبل ولا عبيط، أنا ملاحظ نظراته ليكي جدًا، بس احترمته أكثر جدًا لما دخل البيت من بابيه ومحاولش يكلمك أبد إلا لما يعرفنا ويتقدمك، بصي حقيقي مش علشان هو صاحبي هقولك كل حاجة حلوة والشغل دا، لأ لأ حازم فعلاً شخصية تستاهل كل الخير، وعلشان كده لو بالنسبالي – بعيد عن إني غيران أصلاً – هقولك وافقي يا مريم واوعي تضيعيه من إيدك يا حبيبتى وكفاية إنه هيتجوز وهياخذ أحلي وأرق ما رأت عيني والله.

- مريم براحة: أنا بحب أتكلم معاك أووي يا أحمد، بعيد عن إنك أخويا فانت صاحبي قبل كل دا، وارتحت أووي لما أتكلمت معاك ووضحتلي حاجات أكثر بجد

= أحمد: أنا عاوزك قبل ما توافقي أو أي حاجة تصلي استخارة الأول، وبعدها شوفي ربنا هيوجهك لـ ايه يا حبيبة قلبي

- مريم براحة واقتناع: حاضر يا حبيبي

= أحمد: أيا كان قرارك ايه فأنا عمري ما هجبرك على أي حاجة خالص ولا هعارضك

- مريم: لأ ان شاء الله خير متفلقش

= أحمد بمرح وغيره: حاسس بموافقة في الحوار ولا ايه !

- مريم بضحك: حاجة زي كده يا رفيقي

= أحمد: احنا كده نعلقك يا قلب رفيقك، انتي والزفت اللي عاوز يخطفك مني دا

- مريم بضحك ومرح: بتغيري يا بيضة !

= أحمد: بيضة ايه يا بت ! اتعدلي لا أنفخك انتي والواد دا اللي عاوز ياخذك مني وآه

يا ستي بغير عندك مانع !

- مريم: ربنا ميحرمنيش منك يا قلب مريم من جوه

= أحمد بحنية ( وأخذها في حضنه ): ولا منك يا نور عيني

- مريم: يلا أسيبك أنا بقى وأروح أصلي وأنام

= أحمد: شايفك مستعجلة عاوزه تصلي وتنامي كده كده هتوافقي وأنا بقولك أهو

- مريم: هههههههه عيب عليك يا كبير، يلا تصبح على خير يا رفيقي

= أحمد ببسمة: وانتي من أهل الخير يا قلب رفيقك

"وتركته مريم لكي تصلي وتحسم أمرها، وذهب هو لكي يحدث رفيقة روجه "

مر اليوم سريعاً وأشرق صباح يوم جديد مع أحداث ستغير مصير كل من حب وعشق  
قلباً آخرًا

وجاء القرار.....

---

يا ترى ايه قرار مريم!؟

و ايه رد فعل حازم!؟ و ايه هيتم بينهم!؟ و ايه قرار ياسين!؟

و ايه الجديد بين مايان وكريم!؟

و ايه مصير ماريا!؟

يتبع...

## " الفصل الخامس عشر "



استيقظت مريم وأدت روتينها اليومي وأدت فرضها وارتدت دريس بلون السماء وحجاب باللوم الأبيض وحذاء بنفس لون الحجاب وبعض الكحل في عيناها وبعض ملمع الشفاة وكانت في قمة أناقتها لكي تذهب إلى عملها وبداخلها شعور من الراحة يروضها كثيرًا وفرحة تعترى قلبها لم يسبق لها مثيل.

في الأسفل كانت تضع مها الفطار لكي يأكل أولادها قبل ذهابهم إلى العمل.

ودخلت مريم عليها في هذا الوقت

- مريم: ماميتو صباح الخير يا قلبي

مها قد لاحظت لمعة الفرحة في عين ابنتها والراحة على ملامحها ففرحت وارتاح قلبها

- مها: صباح النور يا قلب ماميتو ها قررتي ايه !

- مريم بخجل وفرحة: مش هاكذب عليك يا ماما أنا من زمان كنت بحس إنني مشدودة لحازم أوووي بس كنت بكذب نفسي علشان متعلقش وحرام برضه، بس لما جه واتقدم فرحت واتوترت وحاجات كتير أوي في نفس الوقت، بس لما اتقدم فرحت أوووي إن اللي كان نفسي يبقى حقيقة اتحقق ولما صليت ارتحت أكثر

- مها بفرحة عارمة: يعني أقول مبروك يا قلب ماما !

- مريم بخجل: آه يا قلبي، بس عرفي بابا بينك وبينه معلى علشان متكسفش

- مها: حاضر يا قلب ماما حاضر

- مريم: أحلى مها في الدنيا يولاد والله

– مها: قلب مها والله هههههه، يلا بينا نحط الفطار علشان بابا وأحمد قبل ما ينزلوا الشغل

وبالفعل نسقوا ترتيب الطعام على الطاولة

— ياسين بابتسامه لمها ومريم مليئة بلحَب: صباح الخير يا حبايبي

– مها: صباح النور يا حبيبي

- مريم: صباح النور يا بابا

وفي ذلك الوقت حضر أحمد وجلس ليتناول فطوره سريعًا ويذهب إلى العمل

= أحمد: صباح الخير

– الجميع: صباح النور

- مريم: بابا خدني معاك انت وأحمد علشان ممكن أتأخر كده

— ياسين ببسمة: انتي تؤمري يا قلب بابا

= أحمد بمرح: مبخدش أطفال معنا

- مريم بتزمر: كده يا ميدو، شايف ابنك يا بابا !

— ياسين بضحك ومرح وحنين لمريم : ههههه وفيها ايه ! قوليله آه طفله وصغيرة

كمان، ودلوعة بابا، وحببية قلبه، ورفيقة روحه

- مريم ببسمة وفرحة: ربنا يديمك ليا يا حبيب قلبي يارب، اتعلم من أبوك يا واد دا

انت غبي

= أحمد: هههههه احنا لينا غيرك انتي وست الكل

مها ببسمة وفرحة من قرار مريم ومن جوهم المرح المليء بالسعادة

– مها: ربنا ميحرمنيش منكم ولا من لمتكم يارب

وتناولوا الفطور في جو من المرح

ذهبت مريم برفقة ياسين وأحمد إلى الشركة

أحمد أول ما دخل الشركة واتجه إلى مكتبه رأى ملاكه كما يطلق عليها تجلس ومنهكة

في العمل حتى لم تلاحظ وجوده من كثرة انشغالها

أحمد اقترب منها ببسمة تزيده جمالاً، ووسامة، وعشقه لها ينيّر من عيناه  
= أحمد: صباح الورد والياسمين وكل حاجة حلوة على عيون من خطفت وملكت قلب  
أحمد

– ملك بخجل زائد وتوتر: ااا أحمد احنا في الشركة الناس تاخذ بالها

= أحمد بثقة: ما اللي ياخذ بالي ياخذ، واحد ويبدلع حبيته وخطيبته ومراته بعد كام  
يوم وأم عياله مستقبلاً

– ملك باستغراب وخجل في وقت واحد: مراته بعد كام يوم ازاي !

= أحمد بجدية مع بعض العزل في ملاكه: أصل يا ستي أنا نويت والنية لله إني هكلم  
عمي وهددد معاد الفرح ان شاء الله

– ملك: بس لسه بدري يا أحمد

= أحمد: وفيها ايه يا قلب أحمد، أنا الحمد لله كل حاجة جاهزة والعروسة جاهزة يبقى  
ايه يمنع !

– ملك: مش قصدي، طب هتعمل ايه أو هتقول ايه لبابا ! وهتحدد امتي! أنا لسه عندي  
حاجات كتير هاعملها وهنختارها، محتاجة وقت كافي

= أحمد: هاتفق معاه على آخر الشهر ان شاء الله

– ملك: بس مش قليل

= أحمد: لا يا قلبي احنا لسه أهو في أول الشهر بدأ من يومين، فيعتبر عندك الشهر  
كامل وأنا هابقي معاكي في كل حاجة

– ملك: امممم طيب اللي تشوفه

= أحمد: خدي أجازة وأنا هاتصرف في الشغل، أهم حاجة تشوفي كل اللي ناقصك

– ملك: لما احتاجها هعرفك متقلقش

= أحمد بغزل تعمده قصداً: أيوه يعني كلها شهر وهاصحي على القمر دا كل يوم،  
والضحكة القمر دي، والعيون اللي مخلياني مش على بعضي دي !

– ملك بخجل: أالاحمددد

= أحمد بعشق: قلب أحمد وعيون أحمد، وكل حاجة حلوة في حياة أحمد

ملك بخجل وفرحة وقلبا يتراقص من الفرحة: ربنا ميحرمنيش منك أبدا

= أحمد: ولا منك يا حبيبة قلبي

يلا أنا هادخل هاتيلي كل الورق بسرعة نخلصه عشان فيه اجتماع مع العميل الألماني النهاردة

- ملك: حاضر بس هو أنا هاحضر الاجتماع دا !

= أحمد: المفروض عشان انتي فاهمه كل دا وكمان فاهمه ترجمة فنترجمي لبابا ما انتي عارفه

- ملك: حاضر شوية وكل حاجة هتكون عندك

= أحمد: ماشي يا ملوكة، براحتك

وتركها أحمد واتجه إلى مكتبه، وهي انشغلت مرة أخرى في إعداد الملفات

### عند مريم وملك في الموقع:

قصت مريم كل ما حدث بتفاصيل لمايان وحكت عن موافقتها على حازم وعن كل شعورها وتفكيرها تجاهه، وفي هذا الوقت كان يتجه حازم إليها وسمع كل شيء، فاقترب منها وقال

= حازم: تعرفي المشكلة فين ! إني كل ما بشوفك بحبك أكثر من الأول، كنت خايف ترفضني، كنت باتمناكي دايماً من ربنا

التفتت مريم ومايان له، خجلت مريم كثيراً من اعترافه وأنه أدرك كل مشاعرها تجاهه فرحت مايان كثيراً من أجلهم، وتركتهم ورحلت ليكونوا على راحتهم

- مريم بخجل: انت هنا من امتي !

= حازم بعشق: من أول الموضوع، مريم أنا بحبك بجد، بحبك أوووي ومش مصدق إن خلاص هتبقي ليا

- مريم بخجل: مفيش حاجة بعيدة على ربنا، كل حاجة مسألة وقت بس

= حازم: هكلم عمي النهاردة ان شاء الله وهدد معاه الخطوبة على آخر الأسبوع دا

- مريم بخجل: اللي تشوفه

= حازم: يبقى اتفقنا، وسأبقى على وعدي لك يا حبيبة الفؤاد وعشية الروح



أعطت كل الورق لأحمد وشرحت له كل شيء وذهبوا إلى قاعة الإجتماع التي كانت تضم ياسين المحمدي بهيبته الطاغية وكريم وحازم وانضم لهم أحمد بهيبته وجبروته وملك التي كان يتعمد أن يمسك بيدها كي يثبت ملكيته لها امام الجميع وكان يوجد عميلان من ألمانيا من الشركة التي سيقام بينهم شراكة وهو السيد جون وشريكته إيزابيلا

" الحوار مترجم "

• جون: أهلا مستر ياسمين سعدتُ بلقائك

— ياسين: وأنا أيضاً

• جون يوجه كلامه لأحمد: أهلا مستر أحمد، يسعدني لقائك أيضاً، أت ومستر كريم ومستر حازم

أحمد بثقة: وهذا المتوقع سيد جون

≈ إيزابيلا بدلع وعيونها على أحمد وملك التي تجلس بجواره ويمسك بيدها: كيف حالك أحمد

= أحمد: بخير إيزابيلا، وانتى !

≈ إيزابيلا: أصبحت في أحسن حال عند رؤيتك عزيزي

- ملك (بغيرة لاحظها الجميع وفرح أحمد بها): أكيد عزيزتي لماذا لا تبقين بخير وانتى ترينه !

≈ إيزابيلا: مهلاً عزيزتي من أنتِ !؟

- ملك بثقة: زوجته

≈ إيزابيلا: أووه، متى تزوجت أحمد !؟

- ملك: قريبا الفرح عزيزتي

ياسين لاحظ استمتاع أحمد للحوار فأراد أن ينهي الحوار ويبدئوا في العمل

— ياسين: فلنتناقش في العمل أفضل

≈ إيزابيلا بإعجاب لياسين: طبعاً سيد ياسين



" إن جينا للحق فالبت دي عينها زايدة أوي وهتفضل وراهم كلهم بس للأسف بقى هتقع مع مين دول مراتاتهم يفرموها فرم والله ههههه "

وبدئوا نقاش العمل وكل هذا الوقت جون عينه على ملك لاحظ كريم هذا

– كريم لحازم: شكلها كده هتبقى خراب يصاحبي، الواد دا عينه على ملك ربنا يستر

-- حازم: أنا مش مرتاحلهم أصلاً

جون موجه حديثه لملك: وأنتِ لماذا لا تتكلمين سيدتي الجميلة

احمرت عين أحمرت وبشدة، وكاد أن يفتك به

وقف أحمد وتوجه إليه: ماذا تعني بوصفك هذا لزوجة غول المعمار ماذا تقصد أنت !

• جون وقد خاف: لا أقصد شيء، أنا فقط أتحدث إليها لا أكثر

لكمه أحمد وبشدة: هذه زوجة أحمد المحمدي، لا يعني أنك تنظر حتى إليها

لقد انتهى الاجتماع ولا شراكة بيننا

حاول كريم وحازم وياسين إبعاد أحمد عن جون

ياسين بفخر لابنه وإعجاب بتصرفه وموجه كلامه لإيزابيلا وجون: مثل ما سمعتم من

أحمد، فالشراكة بيننا لا مكان لها

خرج جون وإيزابيلا تاركين الشركة بأكملها

### أما في غرفة الاجتماع:

فكانت ملك تقف متوترة خائفة من منظره

ترك ياسين الغرفة وخرج بصحبة حازم وكريم لكي يتركوهم وحدهم بعض الوقت

ملك ببكاء وخوف بتوتر: ااا أنا أسفة

ضمها أحمد لصدره وقال: أسفة على ايه يا قلب أحمد ! دا يحمد ربنا إنه طلع عايش

أصلاً، دا بصلاك، عارفه يعني ايه يا ملك !

- ملك بتشبث به وبكاء: بس انت خسرت شغلك

= أحمد بابتسامة: أنا أصلاً مكنتش حابب الشراكة معاهم وبصراحة بقى كنت باتلكك

- ملك وهي تنظر إليه: يعني مش زعلان !

= أحمد بضحك: هههههه هازعل من ايه بقى !

المهم بس متبصيش بعينك اللي بتقتلني دي وبتخليني مغيب عن أرض الواقع، بس قوليلي انتي حبيتي حضني صح !

- ملك وقد تداركت الأمر بعدت عنه بتوتر: ااا ايدا هو في ايه !

= أحمد: أنا زيي زيك، مش عارف بس حبيت الحوار، وعلشان كده لازم أسرع الفرح في أقرب وقت

ضحكت ملك وأثرت قلب أحمد بضحكتها

عند ياسين في مكتبه:

.....

يا ترى هيحصل ايه؟! وأبو ملك هيوافق على تقديم الفرح والميعاد؟!!

وايه السر ورا عشاء العمل بتاع كريم؟!!

وايه هيحصل مع مريم وحازم؟!!

يتبع...

## " الفصل السادس عشر "



في مكتب ياسين المحمدي يجلس حازم برفقه كريم وياسين يضحك علي ما فعله ابنه في العميل وعلى ما تسبب له من خسائر بها

– كريم بضحك: لولا لحقناه كان زمانه مع الأموات، ههههه

≈ حازم بضحك هو الآخر: هههههه انت عارف يعني ايه حد يبص لحاجة تخص أحمد !

— ياسين: أحمد ابني بيغير عليها وبيحبها فطبيعي على قد ما خسرنا صفقه على قد ما فرحت من رد فعله

– كريم: آه والله، يلا أسيبكم أنا وأنزل الحسابات أتطمئن على ماري

( وتركهم كريم واتجه إلى الأسفل لكي يطمئن على ماري )

أما حازم فكان يجلس وتفكيره كاد يقتله ويريد سماع أي شيء من ياسين

" لاحظ ياسين هذا فبتسم وأراد أن يخبره لولا دلوف أحمد "

= أحمد وهو مغتاض: من ذاك الذي يدعي جون !

— ياسين: كنت عاوزك تهدي شوية، عارف إنه ضايقك واستفرك بس كنت هتموته

= أحمد ببرود: ما يموت مش هتفرق معايا كثير

≈ حازم: يا بني بطل أسلوبك دا، عمومًا حصل خير

بعدما هدا أحمد قرر ياسين أن يخبر حازم برأي حمد بعدما لاحظ عليه التوتر الشديد





— مها من خلفهم: بالاس هتبتدوا وصلة الخناق اليومية زي العادة ! اسكتوا، يلا يا مريم  
علشان خلاص تلاقي حازم على وصول اطلعي اجهزي  
= أحمد بغيرة: اياه ابدينا بقى أستاذ حازم والشغل دا  
— ياسين بضحك: هيبقى خطيب أختك يابني فيه ايه !  
= أحمد: ولو، برضه مش مبرر  
- مريم بمرح: هيبقى قره عيني زي ما ملك قره عينك كده  
— مها: والله ياريت تحددوا الفرحة مع بعض  
— ياسين: والله فكرة فعلاً  
= أحمد: أنا فعلاً هاتفق أنا وانت يا بابا مع أبو ملك وهنحدد آخر الشهر دا  
— ياسين: على خيرة الله، نشوف بس حوار مريم وحازم دا وبعدها نحدد ونقرر  
واتجهت مريم لكي تستعد ومها اتجهت لكي تستعد، وبعدها تكمل تحضير باقي الأشياء،  
وهكذا أحمد وياسين

حل المساء وأتي حازم إليهم وقابله ياسين وأحمد  
واستعدت مريم وارتدت فستان باللوم البيج وحجاب أسود وهيلز أسود وبعض مساحيق  
الجمال البسيطة التي زادتها جمالاً فوق جمالها

### بالأسفل عند حازم وياسين وأحمد:

— ياسين: أهلاً يا حبيبي منور  
≈ حازم ببسمة: بنورك يا عمي  
= أحمد بمرح: ايه يالا الاحترام دا !  
≈ حازم: ياعم اسكت انت دلوقتي، من ساعة ما قلت هاخطب أختك وانت مش طابق  
خلقتي مش عارف ليه !  
— ياسين بضحك: هههههه، أحمد بيغير على مريم جدًا والكلام دا من وهما أطفال،  
دايمًا بيحس إنها قطعة منه ومسؤولة منه مهما كان مين حواليتها

= أحمد بجديّة: بص يا حازم انت لما تاخذ مريم اعرف إنك هتاخذ حتة من قلب أحمد، يعني يوم ما تفكر - مجرد تفكير حتى - إنك تزعلها أقسم بالله هانسفك.

~ حازم بجديّة هو الآخر: متقلّش يا صاحبي، مريم في عيني وفوق راسي طول العمر — ياسين: أتمنى تحافظ عليها بجد يا حازم، أنا عندي كله إلا مريم، مريم دي عيني وقلبي وعمري وروحي وهي اللي محلية أيامي كلها، اعرف إنك خدت أكبر وأغلى كنز في بيت المحمدي

~ حازم: قبل كل حاجة يا عمي أنا باعتبر نفسي ابنك زي أحمد، وربنا يعلم دا وأعدك إنني عمري ما هفكر مجرد تفكير أزعلها حتى، عمري ما هتخلي عنها، هتبقى بنتي وصاحبتي وأختي وأمي وحببتي ورفيقة دربي وملادي وملجأ لي من بعد الله، أوعدك قدام ربنا إنني مش هاتخلي عنها أبدًا، وربنا يقدرني دايماً وأقدر أعمل دا، وأتمني إنك تعتبرني زي أحمد، ولو فيه أي نصيحة أو حاجة حابب تقولها ممكن تقوللي وتعرفني تقدر تفيدني

— ياسين براحة وفخر بكلام حازم وسلوكه: انت ابني يا حازم زيك زي أحمد بالظبط، وربنا يسعدكم ويفرحكم يا ابني

= أحمد: وأنا واثق فيك يا صاحبي، وربنا يسعدكم وشدوا حيلكم هدد فرحي بعد شهر على آخر الشهر دا ولو كده نعملكم معايا

~ حازم: احنا نعمل الخطوبة بعد بكره ان شاء الله، وطبعاً ناخذ رأي مريم علشان لو كده ننزل نشتري كل التجهيزات بكره، والفرح لو مريم موافقة مفيش مشكلة، أما لو الوقت بالنسباليها قليل يبقى نخليه لما نجهز كل اللي ناقصنا وأنا ان شاء الله هاحجز القاعة بكره

— ياسين: بلاش قاعة هنعملها هنا في البيت أفضل

~ حازم: اللي يريح حضرتك أكيد، بس كنت بقول ناخذ راحتنا وكده

— ياسين : يا حبيبي فاهم دا أكيد، بس الأفضل هنا ولا ايه يا أحمد !

= أحمد: اللي يحبوه هما يا بابا، أنا مش هينفع أجبره على حاجة

~ حازم: أنا بس مكنتش عاوز أتقل على حضرتك وكده

— ياسين: يا حبيبي أنا اللي باطلب دا منك، ولو حابب انت تعمل الديكور عادي

~ حازم: تمام اتفقنا

— ياسين: تمام يا حبيبي، روح يا أحمد شوف مريم كده وهاتها

وبالفعل توجه أحمد لمريم وجاءوا سوياً

" مريم يكاد الخجل يقتلها والتوتر أيضاً، حازم وهو منبهر بها وسرح بجمالها حقاً، جلست مريم بجوار ياسين وأحمد وتحدث إليها ياسين وأخبرها بما قاله حازم، ووافقت مريم على ما قاله واتفقوا على أن يأتي إليها غداً ليشتروا كل ما ينقصهم استعداداً للخطبة "

وتركهم ياسين وأحمد لكي يحكوا ولو قليلاً عما سيفعلوه غداً وبعض الأمور التي تخص الخطبة

≈ حازم: طمني عليكي

- مريم بخجل ووجه أشبه بالفراولة الحمراء: الحمد لله كويسة، وانت !

≈ حازم: أنا باقى بخير أول ما بشوفك

توردت خدود مريم خجلاً وأصبحت في وضع لا تحسد عليه

≈ حازم: مريم أنا بحبك أووي، عمري ما هأذيكي ولا هزعلك أبداً، وربنا يقدرني وأقدر أسعدك

- مريم بخجل: يارب

≈ حازم: طيب يا ستي بما إنك بقيتي شبه الفراولة كده، فبكره هعدي عليكي نروح نجيب الفستان وتنقي كل اللي عاوزاه وناقصك

- مريم: على امتى كده طيب !

≈ حازم: ع الساعة 11 كده

- مريم: تمام حاضر هكون جاهزة ان شاء الله

≈ حازم بغزل: تعرفي إنك قمر أووي، طب تعرفي إنك أجمل ما رأت عيني، أصلاً عيني اللي مبتشوفش غيرك.

كادت مريم أن تذوب خجلاً لولا دلوف أحمد الذي أنقذها من موقف لا تحسد عليه

= أحمد: شايف إنك استحلطت الموضوع أووي، لا ما هو مش علشان هتجوز البنات اللي حيلتنا بقى ما هتصدق بقى يعني

≈ حازم: هتبقى حلالي ياعم ما انت خاطب، حد كان كلمك يعني !



احمد: وانت تقدر تكلمني يالا !

- مريم بخجل وضحك: هههههههه

≈ حازم: عيب عليك يا معلم، أنا أقدر برضه !

= أحمد بغرور مصطنع: الهيبة ليها ناسها برضه، يلا علشان نتعشى مع بعض، وانتي يا مريومة ساعدي ماما

وبالفعل توجهت مريم إلى والدتها وقصت عليها ما حدث، وفرحت مها كثيرًا وضمتهما إلى صدرها وبشدة، وأكملوا إعداد الطعام واجتمعوا جميعًا يتناولون الطعام، وبقوا على وعد أن يأتي حازم في الصباح لأخذ مريم لشراء ما يلزمها للخطبة

### في غرفة مريم بعد انتهاء العشاء:

تحدثت إلى مايان وقصت عليها كل ما حدث معها وأخبرتها بتحديد موعد الخطبة وفرحت مايان لها كثيرًا، ووعدتها أن تأتي إليها غدًا ويوم الخطبة أيضًا وبقينا على وعد بمجيء مايان إلى مريم

أما في بيت حازم: فعند وصوله قام بالاتصال بكريم وقص عليه كل ما حدث، وفرح كريم لأجله كثيرًا وأخبره أن كل ما يخص ديكورات الخطبة هو سيلتزم بها وانتهى اليوم بأحداثه و....

يتبع...

## " الفصل السابع عشر "



### في منزل حازم:

يستيقظ من النوم يؤدي روتين يومه بكل نشاط وسعادة وحماس، أدى بعض التمارين وأخذ شاور لكي يذهب إلي معشوقته وأخذها لشراء كل ما يلزم الخطبة ارتدي طقم كاجوال مكون من بنطلون أسود وتيشيرت أسود وحذاء باللون الأبيض وساعته البيضاء، وبعض من عطره الخاص الذي يجذب كل من حوله، وأخذ مفاتيح سيارته واتجه إلي بيت معشوقته.

### في بيت ياسين المحمدى:

في غرفة مريم: تستيقظ هي الأخرى بكل نشاط وسعادة لكي تؤدي فرضها وتتجهز لمجيء حازم إليها بكل ارتدت فستان باللون البني وحجاب بنفس اللون وهيلز أبيض ذو كعب بسيط وبعض من ملمع الشفافة وكحل في عينيها البنيتان وزادتهما جمالاً فوق جمالهم وبعض من عطرها الخاص بها، وبعد أن انتهت من تجهيز نفسها أتت مها إليها تخبرها أن حازم في الأسفل ينتظرها وذهب الاثنان إلى الأسفل لكي ترى مريم معشوقها وتذهب معه لشراء ما يلزم الخطبة

في الأسفل يجلس حازم برفقة أحمد يتشاجران كالعادة

= أحمد: انت عاوز تاخذ أختي وتطلعوا لوحدكم من أولها كده !

- حازم: يا بني أنا خطيبها، يا ابني في ايه !

= أحمد: لأ طبعاً انتوا لسه متخطبتوش رسمي، مهو بص كده كده هروح معاكم، مهما تعمل هروح يعني هروح

- حازم: دا انت فيك غتاتة يا جدع متوصفش

= أحمد: انت عاوز تاخذ أختي كده وخلاص وأسكتلك يواد انت ! دا أنا هطلع عينك

- حازم: يا بني أختك خطيبي أقسم بالله، كلها شهر وهاخدها هتبقى مراتي وفي بيتي  
= حمد: أيوه انت بتفكرني ليه دلوقتي ! بدل مخليك منتجوزهاش أصلا، وبعدين كه  
كده هاجي معاكم، وملك كمان علشان تشتري حاجة للخطوبة

- حازم: طب إذا كان كده ماشي، يلا بينا يا معلم

وفي هذا الوقت أتت مريم بفتانها البني كلون عيناها لتخطف قلب حازم وتجعله أسيرًا  
لها

حازم كان حقًا متيما بها ويزوب في عشقها

أتت مريم بابتسامتها الخجولة إليه لكي يذهب، وعندما عرفت بمجيء أحمد وملك معهم  
فرحت كثيرًا

— مها: ها يا ولاد استنوا افطروا حتى

- حازم: لا يا حبيتي هناكل برا علشان منتأخرش بس

= أحمد: آه استنوا أكلم ملك أشوفها خلصت ولا ايه !

تحدث أحمد إليها وأخبرته أنها انتهت من تجهيزها

وتوجهوا ثلاثتهم للخارج في سيارة حازم ليأخذوا ملك معهم

وصل حازم لبيت ملك وتوجه أحمد لكي يأخذها

حازم بعد ما نزل أحمد بص لمريم في المرآة ليتقابل عينيهم مع بعض وقال: هتفضلي  
كده مش بتتكلمي وساكتة دايمًا !

- مريم بخجل وتوتر: ااا مفيش، بس يعني هاتكلم أقول ايه وكده !

- حازم: قولي أي حاجة يا مريم اتكلمي وأنا سامعك المهم تتكلمي وأسمع صوتك

زاد توتر ملك وخجلها وصمتت

- حازم: نهار اسود النهاردة عليك يا حازم، لأ ما أنا مش بقولك كده علشان تسكتي  
يعني

- مريم بضحك على رد فعل حازم: ههههههه، طب أقول ايه يا حازم !

– حازم بهيام بها: أي حاجة يا قلب حازم، وعاوز أقولك أول مرة أعرف أن اسمي حلو كده بجد

- مريم بخجل: يا حازم بقى ألاه

– حازم بابتسامة على خجلها: حازم بيموت فيكي والله بس ممكن أقولك حاجة !

- مريم ببسمة: أكيد طبعًا

– حازم: انتي مش حاسة بأي حاجة تجاهي حتى !

- مريم بخجل: ااا حاجة ايه يعني !

– حازم: امممم هنبتيها كده ! طب عموماً هسيبك على راحتك يا مريومتي

ابتسمت مريم بفرحة وخجل في وقت واحد

أما بالأعلى عند أحمد ومالك: أخذها وتوجها للأسفل لكي يذهبا مع حازم ومريم لشراء مستلزمات الخطبة وتوجه بها أحمد للأسفل

ركبت ملك بجوار مريم وتبادلنا السلامات سوياً، وركب أحمد بجوار حازم وتوجهوا إلى المول لشراء ما يلزم الخطبة لدى الفتيات

## في مكان آخر:

في شركة M.H للهندسة التابعة لياسين المحمدي وكريم الهواري

في مكتب ياسين يتناقش مع كريم بعدة أمور تبع العمل، وعند مناقشتهما شعر ياسين بتعب شديد وبعض الوجد في قلبه، لاحظ كريم هذا وبشدة

- كريم: عمي، حضرتك كويس فيك حاجة !

— ياسين ببعض التعب: لأ متقلقش أنا كويس

كريم ببعض الخوف: كويس ايه بس ! لازم نطلب الدكتور

جاء ياسين بالرد عليه ولكن الألم اشتد عليه وبشدة

صرخ كريم وبأعلى صوته وجاء السكرتير على صوته، وحملوا ياسين في عربة كريم وتوجهوا بياسين إلى المستشفى

كان يقود كريم السيارة بأقصى سرعته، وعند وصوله إلى المستشفى حمله وجاء إليه بعض الدكاترة والممرضين لأن هذه المستشفى تابعة لياسين المحمدي وحملوه إلى غرفة الفحص

• الدكتور عبد الرحمن: لازم يتحول على غرفه العمليات حالاً

- كريم بمفاجأة من وجود عبد الرحمن يعمل هنا: عبد الرحمن !

• عبد الرحمن باستغراب وفرحة: كريم الهواري ! ( وقام بمعانقته )

- كريم: كان نفسي نتقابل بظروف أفضل من كده

• عبد الرحمن: متقلقش هيبقى بخير ان شاء الله، أنا بنفسى هتابع حالته، أومال أحمد فين !

- كريم: أحمد ميعرفش حاجة لسه هكلمه

• عبد الرحمن: متقلقوش خير ان شاء الله

- كريم: طب هو حالته ايه بالظبط !

• عبد الرحمن: محتاج يتركبله دعامة في القلب؛ لأن لو سكتنا شوية الوضع هيبقى صعب جدا

- كريم بحزن شديد لأن ياسين بمثابة أب له: خلي بالك منه يا عبد الرحمن بالله عليك

• عبد الرحمن: متقلقش هيبقى بخير والله، أسيبك أنا بقى

وتوجه لغرفة العمليات لكي يجري عملية ياسين ويشرف عليها بنفسه، وتم نقل ياسين لغرفة العمليات

### عند احمد وملك ومريم وحازم:

توجهوا لقسم الفساتين وقام أحمد باختيار فستان لملك من البيك وحجاب من اللون الأبيض و ينزل بضيق من فوق وباتساع من عند وسطها وهيلز باللون الأبيض ذو كعب متوسط؛ لأن ملك ذات قامه متوسطة

= أحمد: الفستان دا هيبقى تحفة عليكي يا حبيبتي



## في المستشفى عند كريم:

كريم يقف في صدمة وحالة شديدة من الخوف على ياسين  
أما بالداخل في غرفة العمليات عبد الرحمن يجري لياسين العملية بإتقان شديد وخوفاً  
هو الآخر عليه

• عبد الرحمن للممرضة: ناوليني الشاشة بسرعة  
رقضت الممرضة وأحضرت الشاشة وهو يتعامل بكل دقة وحرص شديد  
أما بالخارج وصل أحمد وحازم وملك ومريم التي كانت منهارة من البكاء وبشدة من  
أجل ياسين

= أحمد: بابا ماله يا كريم !

قص عليه كريم كل ما حدث لياسين حتى الآن وأخبره أن عبد الرحمن هو من يجري  
له العملية بنفسه

يقف حازم بحزن شديد علي ياسين وخوف على مريم ويهدئها من شدة بكائها  
وملك تمسك بيد أحمد لكي يستمد منها قوته ويتخطى الموقف بكل شدة وعزيمة لأجل  
والده ووالدته وشقيقته

مرت ساعتان وخرج عبد الرحمن لكي يطمئنهم على ياسين بعد ما أجرى له العملية  
= أحمد بلهفة: بابا عامل ايه دلوقتي يا عبد الرحمن !؟

• عبد الرحمن ببعض الراحة: متقلقش، هو كويس دلوقتي وهنقله أوضة عاديه بس  
بعد شوية لما يقعد شوية تحت الملاحظة

- مريم ببكاء شديد: يعني بابا كويس دلوقتي طيب !

• عبد الرحمن: أه متقلقيش

≈ كريم: الحمد لله

- حازم وهو يهدأ مريم: اهدي يا مريم هيبقى كويس والله

• عبد الرحمن: يا جماعة متقلقوش والله، هو كلها كام ساعة وهيدخل أوضة عاديه،  
أول ما أعرف إن الوضع استقر هانقله غرفة عاديه تعالوا استريحوا

وأخذهم عبد الرحمن وتوجه بهم إلى غرفة عاديه لكي يستريحوا

وبعد عدة ساعات علمت مها بما حدث وجاءت مسرعة منهارة من البكاء وبشدة على ما حدث لزوجها الحبيب ولكن هدأت بعض الشيء عندما خرج ياسين من الملاحظة وتم نقله إلى غرفة عادية، وكانوا جميعًا يلتفون حوله بلهفة لكي يستعيد وعيه ويطمئنون عليه، وبعد وقت ليس بقليل فاق ياسين وتم فحصه وطمأنهم الطبيب على أن الوضع قد استقر وسيصبح ياسين بخير، فاق ياسين بتعب وإرهاق مما هو به

- مريم بلهفة وهي تجلس جانب ياسين: كده يا سينو يا حبيبي تعلقنا عليك دا أنت كنت هموت عليك

— ياسين ببسمة: أنا بخير يا قلب ياسين

= أحمد بزعل وخوف من أن الأمر كان يحدث غير هذا: ليه يا بابا لما انت كنت تعبان مكنتش بتقول لحد ! ليه كده !

∞ مها بحزن علي رفيقها: متضغطش على بابا يا أحمد

— ياسين: أنا بخير الحمد لله يا ولاد متقلقوش

≈ كريم وحازم في وقت واحد: حمدلي على السلامة يا عمي

— ياسين بتعب: الله يسلمكم يا حبايبي

ملك بحزن هي الأخرى على ياسين لأنه بمثابة أب لها

— ملك: ألف حمدلي على سلامة حضرتك يا عمي

— ياسين: الله يسلمك يا بنتي

• عبد الرحمن هو الآخر: ألف سلامة على حضرتك

— ياسين: الله يسلمك يا بني

• عبد الرحمن: طيب يا جماعة سيبوه يرتاح شوية

— ياسين: أنا عاوز اخرج

• عبد الرحمن: مينفعش قبل أسبوع طبعاً

— ياسين: لأ أنت عارف أنا مليش في جو المستشفى دا، وبعدين مش كفاية إن

خطوبة مريم وحازم هتتأجل بسببي

— حازم: ايه اللي بتقوله دا يا عمي ! صحتك بالدنيا طبعاً وأهم من أي حاجة



• عبد الرحمن: طب سيبوه يرتاح شوية ولو كده على بعد بكره ممكن لو لقينا الوضع كويس نكتبه على خروج ان شاء الله

= أحمد: أنا هبات معاه

∞ مها: لا أنا اللي هبات معاه يا أحمد

= أحمد وكلامه لا يستدعي النقاش: مينفعش يا ماما يلا علشان أروحك

≈ كريم: أنا هاقعد معاك

= أحمد بامتنان: لا روح انت ارتاح، انت طول اليوم تعبان وواقف، كفاية اللي عملته

≈ كريم: ايه اللي بتقوله دا ! أبوك دا أبويا يا أحمد

= أحمد: عارف والله يا صاحبي أكيد بس روح ارتاح، علشان انت تعبت أووي وكمان علشان تبقى تروح الشركة علشان الشغل تتابع مكاني أنا وبابا وابقى تعالى الصبح شوفه عادي

– حازم: خلاص أنا اللي هبات معاك معنديش حاجة أنا أصلا أعملها

= أحمد: لأ روح ارتاح انت كمان علشان تتابع مع كريم الشغل بكره

وبعد مناقشات كثيرة أخذ حازم مها ومريم لكي يوصلهم للمنزل، وكريم اتجه لمنزله، وأخذ أحمد ملك وأوصلها لمنزلها واعتذر لأبيها على التأخير وشرح له ما حدث، وحزن أبيها كثيرًا هو ووالدتها وعزموا على زيارته غدا، وعاد أحمد إلى المستشفى بجانب ياسين

وانتهي اليوم بأحداثه الشاقة المتعبة والمهلكة للأعصاب لدى الجميع

في الصباح الباكر استيقظ أحمد على.....

يتبع...

## " الفصل الثامن عشر "



استيقظ أحمد على صوت عبد الرحمن وهو يحاول إفاقته

• عبد الرحمن: أحمد اصحى

فاق أحمد من نومه وبتعب قال : ايه فيه حاجة ولا ايه ! وبابا حصله حاجة !

• عبد الرحمن: لأ هو كويس متقلقش، قوم كده روح خدلك دش وغير لبسك وارتاح شوية

= أحمد: لأ لأ هاستني لما يفوق بس وأطمئن عليه الأول

• عبد الرحمن: يا بني روح ارتاح هو مش هيفوق دلوقتي أصلاً؛ لأنه واخد مسكن قوي حبتين فمتقلقش وأنا هاقعد جاره

= أحمد باقتناع: طيب تمام هروح كده آخذ دش سريع واضبط حالي واجي علطول

• عبد الرحمن: ماشي يا صاحبي

= أحمد بامتنان له: مش عارف أشكرك ازاي والله على وقفتك دي وتعبك معنا

• عبد الرحمن: أحمد انت أخويا فعيب تقول كده، وياسين بيه في مقام والدي، وبعدين احنا عشرة عمر يا أحمد متقولش كده يا صاحبي

= أحمد: حبيبي أكيد ربنا يديم الأخوة بينا، أسيبك أنا بقى ومش هاتأخر

• عبد الرحمن: متقلقش أنا هافضل معاه لحد ما تيجي

وتركه أحمد واتجه للمنزل لكي يبدل ملابسه ويأخذ حمامًا دافئًا يزيل عنه تعبته، وعند وصوله قابلته مها ومريم وكانوا يهمون بالذهاب إلى ياسين

– مها: ايه يا حبيبي بابا كويس !

= أحمد ببعض الإرهاق: آه يا حبيبتى متقلقيش هو كويس أنا بس هاخذ شاور كده وأغير لبسي وأروح

- مريم: احنا كنا رايعين دلوقتي

= أحمد: طب استني شوية مش هاتأخر، هاخذ شاور كده ونروح مع بعض

- مها: ماشي يا حبيبي، عقبال ما أجهلك الفطار

= أحمد: ماشي يا حبيبي

وذهب أحمد لكي يأخذ حمامًا دافئًا وذهبت مها لإعداد بعض الطعام له

وجلست مريم تستريح، وفي هذا الوقت رن هاتفها وكان المتحدث حازم، أجابت مريم عليه

- مريم: ألو

≈ حازم: صباح الخير عامله ايه دلوقتي!

مريم: الحمد لله بخير وانت؟!!

≈ حازم بحب: بابقى بخير أول ما أسمع صوتك

ابتسمت مريم في خجل وصمتت قليلاً لحين تحدث هو ولاحظ صمتها وخجلها فحاول تغيير الكلام

≈ حازم بمرح وحب: طيب يا ستي متكسفيش كده، عمي عامل ايه أنا بالبس ورايحلم

- مريم: أنا كنت راичه أنا وماما بس مستنيين أحمد جه ياخذ شاور ويغير لبسه، وماما بتجهزله الفطار هيفطر وهنمشي

≈ حازم: تمام عقبال ما أخلص أنا كمان ونتقابل هناك

- مريم: آه ماشي

≈ حازم: خلي بالك من نفسك يا مريومتي

- مريم بخجل: حاضر وانت كمان

≈ حازم: حاضر يلا باي

وأغلقت مريم الهاتف وكانت مها انتهت من إعداد الفطار لأحمد، تناول القليل وذهبوا إلى ياسين، وعند وصولهم وجدوا حازم وكريم هناك أيضا وماريا، وبعد قليل أتت ملك برفقة الداها وفاق ياسين وتم فحصه واستقر وضعه الحالي

∞ عبد التواب والد ملك: ألف سلامة عليك يا ياسين

— ياسين: الله يسلمك يا عبد التواب ليه تعبت نفسك كده !

∞ عبد التواب: ايه اللي بتقوله دا ! ربنا يعلم من أول لما دخلتوا بيتي وأنا ارتاحتكم وباعتبرك أخ ليا

— ياسين: ربنا يديم الأخوة بينا يارب

≡ والدة ملك: ألف سلامة عليك يا أبو أحمد، ربنا يتم شفاك على خير يارب

— ياسين: الله يسلمك يا أم ملك، تسلمي تعبتوا نفسكوا والله

≡ والدة ملك: ربنا يديم المعزة بينا يارب

• عبد الرحمن بعدما فحص ياسين: لأ دا احنا بقينا عال العال

— ياسين ببعض التعب: هاخرج امتي طيب !

= أحمد: بابا انت لسه تعبان

— ياسين: ما انت عارف يا أحمد إني مليش حمل لقعدة المستشفى دي

— مها بخوف علي ياسين: طب على الأقل لما تتحسن شوية يا ياسين

• عبد الرحمن: متقلقش حضرتك، كلها بكره بس ولو لقيت الدنيا تمام هاكتبلك على خروج

★ كريم: ألف سلامة عليك يا عمي ومتقلقش الشغل وكل حاجة زي الفل، أهم حاجة ترتاح انت

— ياسين: الله يسلمك يا حبيبي وعارف إنك قد أي حاجة

~ ماري: ألف سلامة على حضرتك ان شاء الله تكون بخير

— ياسين: تسلمي يا بنتي

~ حازم: ألف سلامة عليك يا عمي، ربنا يتم شفاك على خير

— ياسين: الله يسلمك يا حبيبي، أنا عارف إن بسببي خطوبتك اتأجلت

~ حازم بزعل من كلام ياسين: ايه اللي حضرتك بتقوله دا ! أنا قولتلك إن صحتك أهم من أي حاجة، بعدين احنا مش هنعمل أي حاجة إلا لما تقوم بالسلامة

وقبل أن يرد كريم اقتحمت مايان الغرفة ببكاء على حالة ياسين وبزعل: ألف سلامة عليك يا عمي، بنتك الواطية دي معرفتنش حاجة إلا من شوية، ينفع كده !

— ياسين بضحك على حالة مايان وهو يعرف جيدًا أنها تعتبره بمثابة أبا لها: أنا كويس أهو يا حبيبتى، منقلقيش والله أنا بخير

مريم تدخل في الكلام وبعض المرح: خيانة، خيانة أبويا وصاحبتي، لا لا لا لا حد يقولني إني شايفه غير كده، خدوا كل فلوسي كل ثروتي بس كله إلا الخيانة، أقطع شرياني أموت نفسي اهئ اهئ اهئ

ضحك الجميع على مريم التي صنعت جوًا مرحًا رغم تعب ياسين إلا أنها نجحت في أن تهون عليهم

= أحمد بمرح: بس يا أوفر دا أبوكي بيحب مايان أكثر مني ومنك

< مايان وهي تحضن ياسين: ما تبس انت وهي، في ايه يا أوفر على رأي أخوكي، دا سينو يا مريم فوقى

" مايان تحب ياسين وتعتبره مثل أبيها وتمزح مع أحمد ومريم لأنهم أصدقاء منذ الطفولة "

- مريم بمرح: منورة يا مها

— مها بضحك: مايان دي حبيبتى

< مايان: حبيبة هارتي

وقامت بتوجيه كلامها لمريم: اطلعي منها انتي بقى

ضحك الجميع وقام جو من المرح وفي هذا الوقت كل منهم كان يختطف النظر لمعشوقته

حازم لمريم، وأحمد لملك، وكريم كالعادة لمايان

ووسط كل هذا خطف عبد الرحمن النظر لماريا وهدوئها وسط كل هذا المرح والمشاركات

بعد وقت ليس بقليل غادر والداي ملك، وملك معهم أيضًا

ذهب كريم برفقة حازم ومايان وماريا للشركة ليباشر كل منهم عمله وأحمد أيضًا، ومها ومريم برفقة ياسين

انتهي اليوم للجميع ما بين العمل والبعض برفقة ياسين وحل صباح يوم آخر بأحداث جديدة

عند ياسين في المستشفى استقر أمره وتحسن حاله وكتب له الدكتور عبد الرحمن على خروج من المستشفى، كانت مها تنتظره في المنزل هي ومريم يعدون له الطعام وأحمد وكريم وحازم معه وأتوا به إلى المنزل

عند وصول ياسين إلى المنزل كانت مها ومريم يستقبلونه بفرحة عارمة

- مريم بفرحة: سينو حبيب قلبي، نورت بيتك تاني يا حبيبي

— ياسين بفرحة لفرحة مريم: دا منور بيكوا يا قلب ياسين

مريم: تعالى بقى علشان ترتاح دا أنا مجهزالك أكل زي القمر إنما ايه، عظمة، دا يا بخت قرّة عيني بيه والله

لم تكن مريم تعلم أن حازم معهم

≈ حازم: يا بخته بجد يعني، كفاية إنك اللي هتعمليه

- مريم بخجل: ايه دا انت هنا !

≈ حازم بمرح: لأ هناك

ضحك الجميع على مشاكسة حازم لمريم، جلسوا جميعاً يتناولون الطعام والتفوا حول ياسين بفرحة لرجوعه المنزل وبعض المرح

— ياسين في وسط التجمع: حازم خطوبتك انت ومريم الخميس اللي جاي، كفاية تأجيل بقى، أنا بقيت كويس الحمد لله

حازم باعتراض: لأ مفيش خطوبة هتعمل إلا لما حضرتك تبقى كويس بجد وتتعافى

— ياسين بإصرار: مش عاوز حد يعارضني، أنا قلت وخلص كلها 3 أيام وتعملوها

حازم عند إصرار ياسين وافق ولكن بقرار

≈ حازم: طيب يا عمي موافق، بس هنعملها هنا على قدّ التجمع العائلي وكده، أنا نفذت قرارك وفي نفس الوقت علشان نتطمئن عليك

— ياسين: وأنا موافق على قرارك

واتفقوا على أن الخطبة ستقام بعد ثلاثة أيام ويشاركونها مع بعض الأهل والأصدقاء المحدودين نظراً لصحة ياسين

— ياسين: و إن شاء الله آخر الشهر تعملوا فرحكم انت وأحمد مع بعض خلونا نفرح

= أحمد: يا بابا طب خطوبة مريم وماشي، لكن أنا مش هاعمل حاجة إلا لما تتحسن

— ياسين: أنا كويس يا ولاد متقلقوش عاوز أفرح ببيكم

ان شاء الله هكلم فريق الهندسة يظبطوك الدور الفوقاني من الفيلا لو حابب، ولو مش عاوز يبقى نجهلك الفيلا الثانية

= أحمد: لأ أنا كده كده هقعد معاكوا فهنظبط اللي فوق مع بعض الديكورات

≈ حازم: وأنا هظبط البيت برضه واتفق مع مريم

— ياسين: كويس جدا برضه، هكلمك كام مهندس يتولوا الأمر دا وانت وأحمد ركزوا في الحاجات الثانية اللي ناقصاكم

= أحمد: ماشي بابا متقلقش

— ياسين: وأنا هكلم أبو ملك هاعزمه علي الخطوبة واتفق معاه على كل حاجة وبعد خطوبة أختك خد خطيبتك وحازم ومريم وشوفوا ناقصكم ايه لإن يعتبر باقي عشرين يوم كده فالوقت خلاص

ووجه كلامه لكريم

— ياسين: كريم أنا عاوز أفرح ببيك انت كمان زيهم

-- كريم ببسمة: قريب أوي بعد ما يتجوزوا هتفرح بيا متشغلش بالك

— ياسين بضحك: هههههههه يبقى حاطط عينك على حد

-- كريم: مش بالظبط بس عموما لما اتأكد من كذا حاجة

= أحمد: شكله هيغفلنا

≈ حازم: شكله ناوي على حاجة كبيرة

-- كريم بضحك: هههههههه عيب عليكم أنا أقدر !

≈ حازم: بس كده في حاجة

— ياسين: ايه هي !؟

≈ حازم: مريم لازم تقدم تقرير الجامعة آخر الشهر هي ومايان وباقي الدفعة علشان اختيار الأفضل، وكمان باقي ثلاث شهور على الامتحان والتخرج

= أحمد: متشغلش بالك، سيب كل دا عليا

— ياسين: مريم شاطرة وقدها وكده كده لسه باقي ثلاث شهور يعني فيه وقت

تركهم ياسين لكي يستريح وياخذ بقية علاجه

وساعده الشباب على هذا ومها تعمل في ترتيب المنزل وفرحته بابنتها بعد ما علمت قرار ياسين، ومريم الفرحة العارمة في عيناها

أخبرت مريم مايان بكل ما حدث واتفقوا على أن تأتي إليها في اليوم الموعود باكراً ودعي أحمد عبد الرحمن للخطبة وتكلف كريم بمساعدة أحمد بتزيين الجانب الخلفي من المنزل وإعداده في أبهى الصور

انتهي اليوم ما بين أحداث كثيرة وفرحة كبيرة

وجاء اليوم الموعود وهو خطبة مريم وحازم والفرحة العارمة في قلوبهم

يعمل كل من في المنزل على أكمل وجه

مها بتجهيز كل ما يخص الطعام والاحتفال، وكريم وأحمد وحازم في تزيين المنزل

ومريم ومايان في تجهيز مريم وكل ما يلزمها لكي تبقى في أبهى صورها

حل المساء وكان حازم وأحمد وكريم يتجهزان ويجهزون حازم للخطبة لكي يكون في أبهى صورته

كان يرتدي حازم بدلة مكونة من الجاكيت وبنطلون بيج فاتح وتحتة قميص بيج وحذاء بيج وساعة بيضاء وعطره الخاص وكان في أبهى صورته حقاً.

أما كريم كان يرتدي بدلة مكونة من جاكيت بني وبنطلون أسود وقميص أسود وساعة بنية وحذاء أسود، وكان في أبهى صورته مع عطره الخاص

أما أحمد كان يرتدي بدلة سوداء وحذاء أسود وساعة سوداء وكان في قمة وسامته كان في أبهى صورته ويخطف القلوب والأنظار كعادته.

**أما عند مريم** كانت ترتدي فستانها البترولي المرصع ببعض اللؤلؤ على الحزام وينزل ببعض الاتساع وحجابها من نفس اللون، فستانها والهيلز البيج وبعض من مساحيق الجمال التي زادت جمالاً فوق جمالها ورسمه عيناها التي ستخطف قلب حازم.



أما مايان كانت ترتدي فستانا أسودا، وحجاب من اللون البني الفاتح وهيلز من نفس لون الحجاب وكانت في أبهى صورها مع بعض من مساحيق التجميل التي زادتها جمالا فوق جمالها.

- مايان بفرحة: قمر أوي يا مريومة بجد

- مريم: شكلي حلو بجد !

- مايان: أووي أووي اللهم بارك بجد

دخلت ملك وماريا في هذا الوقت ومها معهم

مها بدموع الفرحة: أخيرا فرحت بيكي يا نور عيني

وقامت بحضن مريم

∞ ماريا بفرحة: ألف ألف مبروك يا مريومة

- مريم ببسمة: الله يبارك فيكي يا قلبي، عقبالك

≡ ملك بفرحة: ياااه أخيرا فرحنا بيكي ألف مبروك يا حبيبة قلبي

- مريم بفرحة: الله يبارك فيكم يا بنات عقبالكم

- مايان بفرحة: والله لزعركم للوووووليبيبيبيببي

وفي هذا الوقت أتى ياسين ودق الباب

يتبع...

## " الفصل التاسع عشر "



دخل ياسين ببسمة وقام بحضن مريم وقال: ألف مبروك يا أميرتي  
- مريم: الله يبارك فيك يا حبيبي وميحرمنيش منك أبدا يارب  
— ياسين وهو يحضن مريم: عقبالكم يا بنات  
- البنات بفرحة: الله يبارك فيك يا عمو

وفي هذا الوقت أتى أحمد أيضا

= أحمد: ايه يا بابا كل دا ! الناس تحت كلهم وحازم

- مايان: وفيها ايه ما يستنوا احنا عندنا كام مريم يعني

≠ مها: يا بت يا بكاشة يرضيكي الناس تستنى !

= أحمد: بت يا مايان أنا خايف على اللي هياخدك، دا هيطلع عينه والله، الله يكون في  
عونه

- مايان بمرح: ليه يا واد ! حد قالك إني هعامله زيكم ولا ايه !

ضحك الجميع على خفة دمهم ومرحهم، وأخذ ياسين مريم ونزل بها ومها ومايان  
وماريا خلفه، وقام أحمد بأخذ ملك برفقته ونزل بها

أجلس ياسين مريم بجوار حازم وقامت مايان ومها ببعض الزغاريط والفرحة تعم بيت  
المحمدي

≈ حازم لمريم وهو ينظر إليها بسعادة عارمة: مبروك يا أميرتي وتاجي وسر سعادتي،  
مبروك عليا انتي، عاوز أقولك إنك مكسبي في الدنيا دي، عاوز أقولك إنك أعظم  
انتصار حقيقته.

- مريم بدموع الفرح: ربنا يديمك ليا بجد

≈ حازم وهو يمسح دموعها: اوعي ينزلوا في يوم من الأيام طول ما أنا عايش  
وقام بمسك يداها وكأنها أعظم انتصاراته حقًا

قام الجميع بتهنئتهم، وقام حازم ومريم بتبادل الخواتم مع بعضهم وسط فرحتهم العارمة  
ببعضهم البعض ووسط فرحة الآخرين

جاء عبد الرحمن بناء على دعوة حازم وأحمد له وقام بتهنئة حازم وكان نظره مسلطًا  
على ماريًا ونظرة الإعجاب تشع من عيناه

أما كريم فكان كل تركيزه على مايان وعيناه تتبعها في كل شيء وسط شعور غريب  
يستحوذ عليه في كل مرة يراها فيها ويسيطر عليه كليًا وهو شعور الفرحة والسعادة.

وأحمد يمسك بيد ملك وكأنه يثبت للعالم كله أنها أعظم انتصاراته وأنها ملك له

= أحمد لملك: أنا باقى أسعد واحد في الدنيا وأنا معاكي

حاسس إني ملكت الدنيا وما عليها

-- ملك بفرح عارمة: وأنا كمان أنا أسعد واحدة في الدنيا يا أحمد ربنا ميحرمنيش منك  
ابدًا

= أحمد بفرحة لأنها لأول تتجاوب معه في الكلام: ولا منك يا قلب أحمد بس إلا قوليلي  
انتي حلوة كده ازاي!

-- ملك: حلوة بيك وايبك

= أحمد بمرح: ايه دا! ولا وبقينا بنعرف نرد ههههه

أنا أحمد المحمدي وبكامل قواي العقلية بقول إنك أسرتي قلبي ووقعتيني في حبك،  
ملكتي قلبي وروحي، بقيتي كل ما ليا مش عاوز حاجة من الدنيا غيرك يا ملك والله

-- ملك بفرحة وخجل ودموع فرحة: أنا كمان مش عاوزه غيرك من الدنيا كلها

= أحمد: ولا أنا يا ملاك أحمد، هانت أهى فرحنا قرب كلها عشرين يوم وتبقي معايا  
يا بطتي

خجلت ملك كثيرًا وظل أحمد يتغزل بها

أما عند ياسين كان يجلس برفقة والد ملك ويتفقون على موعد الفرح

وهكذا عند والدة مريم التي تجلس برفقة والدة مايان وملك ووالدة ماريما ويضحكون مع بعضهم، وأخبرتهم بما بموعد الفرح وظلوا يرتبون له، وساد جو من المرح بينهم جميعاً

وقضيت السهرة ما بين مرح الجميع ورقصهم وفرحتهم الطاغية على كل شيء حولهم. بعد انتهاء الحفل قام أحمد بتوصيل ملك وأهلها لمنزلهم وقام كريم بالضغط على مايان ووالدتها وأصر أن يوصلهم للمنزل، وبعدها عاد ليأخذ عائلته مرة أخرى. وذهب الجميع إلى منازلهم، وبقي حازم برفقة مريم وذلك لإصرار ياسين بأن يبقى على العشاء

مما أعدت لها كل شيء وجاء أحمد وتناولوا العشاء، في جو مرح كبير طاغ عليهم وكانت مريم أسعد الإناث على الإطلاق بفوزها بقلب حازم، وحازم أيضاً.

انتهى اليوم بأحداث شاقة وسعيدة للغاية

قامت مريم بعدها، ودعاها حازم بالذهاب إلى غرفتها لتبديل ثيابها وظلت تتمايل وتغني لوقت طويل لم تدرك المدة التي دارت عليها ولكن كان وقت ليس بقليل، وفاق من كل هذا على صوت هاتفها النابع باسمه وهو يحدثها، أجابته مريم بخجل طاغ على ملامحها.

- مريم بخجل ورقة: ١١١١ ألو

حازم: عمال أحاول استوعب إنك بقيتي ليا وخطيبتي وكلها كام يوم ونبقى في بيت واحد مش عارف استوعب الحوار، حاسس إنه كان حلم صعب المنال أووي، حاسس إنك أكبر هدية وأحلي هدية ممكن ربنا يكافئني بيها، هافضل أقول إنك أعظم انتصار حققته، مش قادر أستوعب والله العظيم، مريم أنا بحبك لدرجة لا يمكن تتخيلها، أنا عمري ما هز علك، أنا أسعد راجل في الدنيا دي كلها وربنا يقدرني وأسعدك وأخليكي أسعد واحدة في الدنيا كلها.

- مريم بدموع والفرحة تتراقص في قلبها: أنا بعد ما سمعت كلامك دا والله بقيت أسعد واحدة فعلاً



وألقا الهاتف وكل منهم الفرحة تسيطر عليه كلياً

أما عند أحمد كان يتحدث إلى ملك ويتغزل بها كعادته

= أحمد: بس تعالي هنا، هو انتي كل يوم بتحلوي أكثر ليه ! كل مرة بتخطفي قلبي  
برقتك وجمالك

-- ملك بخجل: بس يا أحمد بقي

أحمد: بنتكسف وكدا بقي، طب يا ستي ماشي

هتنزلي انتي ومامتك وماما ومريم تشتري انتي ومريم كل اللي ناقصكم امتي؟!!

-- ملك: مش عارفه، هشوف ملك ونتفق

= أحمد: طب بلغيني أول ما تجهزوا علشان هتنزل يوم لوحدنا علشان الفستان

-- ملك فرحة: أكيد حاضر طبعا

= أحمد بصدق: تعرفي يا ملك أنا مستني اليوم اللي نتجمع فيه في بيت واحد بجد،  
مستني اليوم اللي هحس إني عملت أكبر حاجة تاريخية ومميزة في حياتي، يكفيني إني  
هاصحي كل يوم وأبص في وشك، دي عندي بالدنيا وما فيها

-- ملك بفرحة وحب صادق: انت بجد حاجة كبيرة عليا أووي يا أحمد، انت كثير  
أووي عليا، انت فعلاً عوض ربنا بعد أي حاجة حصلتلي

= أحمد: دا انتي اللي كتيرة عليا يا ملك، انتي الكنز الكبير اللي فاز بيه الشاطر

وبعد وقت ليس بقليل من مغازلة أحمد لملك واعترافه لها بكل شيء أنهوا المكالمة  
وذهب كل منهم للنوم و الفرحة تملأ قلوبهم جميعاً.

### ■ في الصباح الباكر في شركة المحمدي:

في مكتب كريم يجتمع حازم وأحمد ينهون بعض الأوراق التي تخص العمل ويوقع  
عليها أحمد

~ حازم: الجامعة آخر الأسبوع دا، كل واحد منهم هيسلم التقرير اللي جمعوه أو ما  
يسمي بمشروع التخرج مع طبعا شهادة معتمدة من الشركة بتأديتهم واختيار الشركة  
أفضلهم

≠ كريم: وفين المشكلة ! أنا وانت متابعين، وكل واحد من الفريق بتاعه هيختار خمسة ومين أفضلهم في التقرير، وبناء على دا هندیلهم التقييم اللي يقدرُوا يرجعُوا للجامعة بيه علشان التخرج، وبعدها يشتغلُوا هنا ان الله.

≈ حازم: أيوه، بس مريم لازم تلتزم الاسبوع دا على الأقل

= أحمد: متشغش بالك بمريم، مريم قدها، أنا متأكد من دا لإنها هتثبت نفسها وهتحقق اللي عاوزاه

≈ حازم: أنا عارف دا أكيد، بس خايف أكون باضغطها بحوار الفرحة دا

= أحمد: متقلقش انت، بس ساعدها وادعمها كويس

≈ حازم: أكيد هاعمل كده طبعاً

≠ كريم: بس كده، اتحلت أهي

= أحمد: بابا المفروض قال هيبدأ شغل في الفيلا النهاردة، وعند حازم برضه

≈ حازم: هو كلمني من شوية فعلاً وبعث واحد ياخذ المفتاح علشان المهندسين يبدأوا شغل

= أحمد: تمام جداً، كده عاوزين ننجز الاسبوع دا؛ علشان مريم في حوار التقرير دا، علشان أول الاسبوع اللي جاي ينزلوا يجيبوا كل حاجة نقصاها هي وملك، وكمان علشان نفرضي ننزل معاهم علشان الفستان والحاجات دي

≈ حازم: متقلقش هحاول أظبط الدنيا

= أحمد: طب كده تمام، وكريم برضه هيتابع معاك، وأنا هتابع هنا لحد ما صحة بابا تتحسن

≠ كريم: اعتبره حصل يا بوص

= أحمد: مش ناوي تفرحنا بقي وتخطب انت كمان !

≈ حازم: ياريت ويبقى عملناها احنا الثلاثة

≠ كريم: قريب أوي هحصلكم

= أحمد بشك: مين هي بقى اللي كل شوية تقولنا قريب أوي عليها دي!

≠ كريم ببسمة: مايان

≈ حازم بابتسامة: أخيراً

=. أحمد بفرحة: والله كنت حاسس طب مستني ايه !  
≠ كريم: هكلم أهلها وأروح على الأسبوع اللي جاي وأهو أحصلكم  
≈ حازم وأحمد بفرحة: مبروك يا صاحبي  
≠ كريم بفرحه هو الآخر: الله يبارك فيكم يا حبايبي  
= أحمد: طيب أنا هشوف كام حاجة هخلصها كده في الشركة وأروح علشان أشوف  
المهندسين اللي في البيت  
≈ حازم: وأنا هانزل أشوف كام حاجة في الموقع وأروح أشوف الناس اللي في البيت  
برضه  
≠ كريم: تمام ماشي، أنا هاجي معاك يا حازم  
وبالفعل توجه كل منهم إلى وجهته  
أحمد قام بتخليص كل المهام وذهب للمنزل  
وكريم وحازم في الموقع يعملون على قدم وساق وهكذا المتدربين الجدد  
ذهب حازم للمنزل بعدما أخبر مريم بما يود فعله  
وكالعادة كريم ومايان يتشاكسان كعادتهم  
أنهو عملهم وكل منهم ذهب لوجهته  
وكريم ذهب لمقابلة عبد الرحمن بعدما طلب مقابلاته  
أما ماريان: منهكة في عملها وتعمل بكل تركيز وطاقة لديها  
كريم بعدما وصل عند عبد الرحمن وقاموا بتبادل السلامات  
• عبد الرحمن: .....

---

فهل يا ترى ماذا سيقول عبد الرحمن لكريم!؟

وما الذي سيحدث!؟

وماذا بعد!؟

يتبع...





في المساء عند رجوع كريم للمنزل دخل كريم غرفته أبدل ثيابه وتحدث إلى والد مايان وأخبره أنه يريد أن يتقدم لمايان، ورحب والدها به وأخبره كريم بأن لا يخبر مايان بهوية المتقدم لأنه يريد أن يفاجأها بهذا ويرى رد فعلها، واتفقا على أن يأتي بعد يومان وذلك نظرًا لأن ماريًا تقدم لها أحد وأخبر والدها بذلك وتم الاتفاق بينهم

وبعد ذلك ذهب إلى التجمع الذي يقام بين امرأة عمه وأمه وماريا، أخبر كريم ماريًا بأن عبد الرحمن تقدم لخطبتها وأخبر الجميع أنه سيأتي في الغد ليروا بعضهم البعض وفرحت والدة كريم ووالدة ماريًا واستعدت ماريًا للغد وأعطتها كريم أجازة من العمل ووسط هذا التجمع أخبرهم كريم بأنه يريد الخطبة هو أيضًا وأنه اتفق مع والدها على أنه سيذهب بعد غدٍ، وفرحت العائلة كثيرًا لهذان الخبران الأجمل من بعضهم البعض. مر اليوم بسلام وجاء اليوم الآخر واللحظة الموعودة، وأخبر كريم حازم وأحمد بكل ما حدث وفرحا كثيرًا من أجله هو وماريا وأخبرهم بأن يأتوا وأتوا بالفعل ليحضرُوا الاتفاق في جو من الفرحه والسعادة.

" عبد الرحمن شاب صاحب الـ 28 عام من عمر رفقاءه، ذا قامه عالية وجسد رياضي، ولحية خفيفة بنية، وشعر بني كثيف، وبشرة خميرية، وعيون بنية مائلة للعسلي، شاب وسيم ويخطف الأنظار "

كان يرتدي عبد الرحمن بدلة سوداء وجاكيت، البدلة باللون البيج والحذاء والحزام من نفس اللون وساعة سوداء، وكان حقًا في أبهى صور الجمال.

أما عند ماريًا: كانت ترتدي فستانا من اللون الأصفر الهادئ، كان ليس بطويل للحد الكبير يصل لبعدها ركبتها ولكن ينزل باتساع وشعرها ينزل بطوله على ظهرها بحرية مع بعض مساحيق الجمال البسيطة والتي زادت جمالاً فوق جمالها، وحذاء ذو كعب متوسط من اللون الأبيض.

جلس الأصدقاء في جو مرح وتم الاتفاق بينهم وجاءت ماريًا تقدم المشروبات مثل العادات ولكنها أسرت قلب عبد الرحمن مثلما أسرته من الوهلة الأولى

تركهم كريم بعض الوقت كي يتم التعارف على بعضهم البعض

• عبد الرحمن: عامله ايه يا ماريًا !

– ماريًا وهي تنظر إليه وتتحقق من شكله الذي أسر قلبها أيضًا: تمام الحمد لله كويسة  
• عبد الرحمن: مش عاوزه تسألني أي حاجة !

– ماريًا: آه عاوزه أعرف أتيت هنا من أجلي أم أتيت لأنك لا تعرف سوى عنوان بيتنا  
ضحك عبد الرحمن وقال: الاثنين، وأتيت خصوصًا لأجلك؛ لأنك أسررتي قلبي منذ أن  
رأكي

– ماريًا ببسمة: نجحت في الاختبار

• عبد الرحمن: أفهم إنك موافقة طيب !  
ابتسمت ماريًا في خجل ونظرت للأسفل

• عبد الرحمن بضحك: يبقى موافقة، أصل هنا في مصر السكوت علامة الرضا.

وأتى كريم ونظر إلى الفرحة البادية علي وجه ماريًا فعلم الإجابة وتم الاتفاق على  
تحديد موعد الخطبة آخر الأسبوع، وأخبرهم أنه سيخطب ويتقدم لمايان، وفرح الجميع

• عبد الرحمن: عندي فكرة، انت هتتقدم بكره، ايه رأيك لو ربنا كرمك والحوار تم  
نعمل في يوم واحد الخطوبة !

≠ كريم: معنديش مشكلة

وجلسوا بعض الوقت في مرح رجولي وضحك، وانتهى اليوم الجميل لدى الجميع  
وينتظر كريم الغد بكل شوق لكي ينال حبيبته التي وأخيرًا اعترف لنفسه بحبه لها

## عند مايان:

عندما أخبرها والدها بأن شخصًا ما سيتقدم لخطبتها، وبعد جدال ونقاش دام لكثير من  
الوقت انصاعت لأوامر والدها على أنها ستقابل هذا الخاطب المتقدم والتي تنعته بالغبي  
كما تقول

كانت حزينة لإصرار والدها الشديد، ولأنها لا تريد أن يحزن منها والدها ولكن  
مشاعرها تتوجه لآخر ولكن كيف !؟

كيف ستكون ملك لشخصٍ ما وهي قلبها مع آخر !؟

استعدت مايان وارتدت فستان مترز باللون اللاقندر وحجاب من نفس اللون واستكفت  
بكل في عيناها الذي أعطاها شكلًا جذابًا أكثر، وبعض من ملمع الشفافة، ولم تضع

أي مساحيق تجميل أخرى ولو بسيطة لأنها كانت حزينة والسعادة في مخيلتها لم تطرق بابها.

وارتدت هيلز أبيض اللون ذا كعب بسيط

وكان كريم وعائلته وحازم وعبد الرحمن وأحمد معه

وكل هذا بدون علم مايان التي الحزن كان يتآكل في قلبها لجهلها بهوية المتقدم

بعد مناقشات بين العائلة ومرح وتحدثت والدة كريم مع والدة مايان وشاركتهم ماريما والدتها وجو من المرح، وهكذا عند الرجال

وبعدما تم الاتفاق بين كريم ووالد مايان نادى والدتها عليها لتشاركهم الجلوس قرب المتقدم

احتلت الصدمة معالم مايان عندما وجدت أن من تقدم لها هو من ينبض قلبها له، تركهم والدها وأحمد وحازم وعبد الرحمن لكي يجلسوا بعض الوقت بمفردهم

مايان الدموع استحوذت على مقلتها من التوتر والفرحة والصدمة وأحاسيس مختلفة، نبض قلبها وبشدة، لاحظ كريم توترها ودموعها التي تنزل على مقلتها في هدوء، اشتد الهدوء والصمت بينهم وكريم يراقبها في صمت وبعد وقت ليس بقليل قرر التحدث.

≠ كريم: مايان أنتي كويسة، بتعيطي لي مالك !

مايان وكأنها كانت بحاجة لسماع صوته لتتأكد أنه ليس بحلم أو تهيأت واشتد بكائها بشدة

فزع كريم منه واقترب عليها وحاول تهدئتها

مايان من بين دموعها تنظر وتردد الذكر لله

≠ كريم باستغراب: طب في ايه مالك !

- مايان بشهقات كادت تفتك بقلب كريم: أنا بابا كان غاصبني، كنت فاكراه مش انت، كنت فاكراه عقلت نفسي بأوهام، حساني باحلم، مش معقول ربنا استجاب لدعوتي وطلع انت بجد، عارف أنا كنت هارفض من قبل ما أقابل العريس اللي بابا قال عليه، بس بابا غاصبني ونظرة الموافقة في عينه باينه، من امبارح وأنا بدعي ربنا بجد.

≠ كريم بحنان وفرحة لأنها تحبه وتبادلته نفس الشعور: متخافيش أنا معاكى وجنبك، وكلها يومين وهنتخطب وتبقي معايا ومراتي، أصل أنا لو لفيت الدنيا كلها مش هلاقي زيك يا مايان

مايان هدئت ولانت ملامحها وبشدة ومسحت دموعها بأطراف أصابعها كالأطفال وقالت: يعني انت هتبقى جوزي، ومش هتسيبني !

≠ كريم بضحك: ههههه أيوه يا ستي هابقى خطيبك وجوزك ومش هسيبك، ما أصل أنا اتدبست خلاص.

- مايان بطفولة: تقصد ايه بقى بانك اتدبست يا أستاذ كريم !؟

≠ كريم بغزل: أقصد إني اتدبست أجمل وأحلى تدبيسة في حياتي كلها خجلت مايان وابتسمت وارتاح قلبها وبشده لأنها نالت ما تُود.

دقت الباب والدة مايان ودخلت هي وباقي العائلة

– مارييا بمشاكسة: عصافير الحب نقول مبروك !

نظرت مايان لكريم مايان بخجل و ابتسمت

≠ كريم بمرح: آه نقول مبروك سمعوني زغرودة كده

مر وقت ليس بكثير ما بين مرح العائلة وضحكهم واتفقوا على أن الخطبة ستقام بعد يومان مع خطبة عبدالرحمن وماريا، والسعادة والفرحة تملأ البيت وقلوب كل العشاق وقصص أخرى ستسطر بقلم الحب والعشق بجانب أساطير الآخرين.

يتبع....

## " الفصل الحادي والعشرون "



مرّ يومان في سلام، ما بين تجهيزات خطبة كلاً من عبد الرحمن وكريم، والكل يعمل لأجل تجهيزاتها.

وبعد انتظار في ساحة واسعة جداً، مزينة في أبهى صورها، يجلس كل من مايان وكريم، والفرحة طاغية على معالم وجههم وبشدة تسعد قلوبهم.

كانت ترتدي فستاناً ضيقاً من فوق، وينزل باتساع من عند وسطها، من اللون السماوي وحجاب من نفس اللون وبه بعض التطريز الرقيق الذي أعطاه شكلاً جذاباً عليها وجعلها في أبهى صورها، وهيلز من اللون الأبيض، وبعض مساحيق التجميل، وكانت كالفراشة في رقبتها وجمالها، وكريم كان يرتدي بدلة بيضاء مكونة من بنطلون وقميص، وجاكت من اللون السماوي، مثل لون فستانها وكلون عيناه وحذاء أبيض وساعة بيضاء وكان في أبهى صورته.

وعلى الجانب الآخر القريب منهم كانت تجلس ماريًا برفقة عبد الرحمن والفرحة تتلألأ في عيناهم، كانت ترتدي فستاناً يقارب فستان مايان ولكنه من اللون الموف، وهيلز أبيض وتاركة لشعرها العنان وبعض من مساحيق التجميل التي جعلتها كالملكة في أبهى صورها، كانت جميلةً جمال يخضع له القلب.

وعبدالرحمن كان يرتدي بدله سوداء وجاكت من نفس لون فستان ماريًا وحذاء أسود وساعة سوداء وكان في قمة وسامته.

كانت الفرحة طاغية عليهم وينضم العائلة حولهم والأهل والأصدقاء، كانت الفرحة تسيطر على الجميع.

وحازم برفقة مريم بفتانها الأحمر وحجاب من اللون الأسود وهيلز من اللون الأسود وفتانها الذي أعطاها جمالا فوق جمالها، وجعل حازم الغيرة تشتعل في قلبه كلما رأى أحداً ينظر لها، وهذا جعل مريم سعيدة بحبه الظاهر لها، وكان يرتدي بدلة سوداء اللون وكانوا في منتهى الجمال.

أما ملك فكانت ترتدي فستانا من اللون البنك وحجاب من اللون الأبيض وهيلز من نفس اللون، وأحمد يرتدي بدله من اللون الأسود وتتناسب مع وسامته الكافية لأنه لا يليق بجماله إلا الأسود، وكانوا في قمة جمالهم.

مريم وهي تتجه ناحية كريم ومايان، وعبد الرحمن وماريا، برفقة حازم الذي لا يتركها لحظة ومعهم ملك وأحمد، وتغني وتتمايل بهدوء مع صوتها العذب.

- مريم بفرحة: غنوا ولموا الشربات، افرحوا دا العمر ساعات، غنوا وارقصوا يلا، عقبال عندكوا يا بنات، عشنا بنتمنى الفرحة، وحلمنا سنين وسنين، جانا الفستان وبطرحة، ودعيننا وقلنا آمين، أهو رب يعوض صبرنا خير وهو ترجعلنا يا بنات، بعد ما كنا هنتجنن من الوقفة قدام المرايات، وأهو رب يعوضها لكوا تفرحوا فرحتي يا بنات، وقامت بمعانقة مايان وبشدة وباركت لهما هي وحازم وكذلك ملك وأحمد وهكذا مع عبد الرحمن وماريا.

≠ كريم: بس ايه دا، انتي صوتك طلع حلو، احنا مش هنجيب حد يغني في فرحنا هتغني انتي

- مريم بضحك: هههههه لا يا بشمهندس مش للدرجادي، احنا على قدنا كده — ماريا: دا انتي صوتك حلو أوي بجد

- مريم بكوميديا: ااا هتغرغر في نفسي ومش هشوفكم لا لا لو عاوزين تكلّموني بعد كده هاتوا حد يجيب حد يكلمني ما هو أنا مش قليلة في البلد دي يعني

ضحك الجميع على كلام مريم، وساد الجو المرح بينهم وقام كل ثنائي بالرقص مع محبوبته

### عند كريم ومايان:

≠ كريم لمايان: أنا مش مصدق نفسي والله إن أخيرا اتخطبنا وبقيتي ليا ولبستك دبلي بعد ما كنت مش قادر حتى أعترف بحبك قدام نفسي والله

- مايان بعد ما دمعت عين من الفرح: وأنا بجد، بعد ما كنت ببين إني مش طيقاك، بس من جوايا باتمني قربك فعلاً.

≠ كريم وهو يزيل دموعها: طول ما انتي معايا، مش عاوز أشوف إلا ضحكك، وفرح بس من النهاردة، هخليكي أسعد واحدة في الدنيا، وربنا يقدرنا على دا يا كل حياتي، وأكون فعلاً قد حبك وثقتك دي.

– مايان بفرحة: يا رب بجد

ورقصوا مع بعضهم وكل منهم الفرحة تسيطر علي قلبه

**أما عند عبد الرحمن وماريا** التي تتهرب منه ومن نظراته التي تلاحقها وهي تذوب خجلاً

• عبد الرحمن بمرح: أيوه وبعدين، هتفضلي تتهربني مني كده كثير !

– ماريا بتوتر: ااا أنا اتهربت فين ! ما أنا معاك أهو

• عبد الرحمن: أنا عبد الرحمن اللي مفيش واحدة عرفت توقعه، تيجي انتي يا ماريا بعيونك اللي سحرتني دي وتسحري قلبي وتخطفيه ! بقيت مستسلم ليكي كلياً، حصل امتي وازاي ! مش عارف والله، اللي عارفه هو إني حبيتك أووي

— ماريا بتوتر: ااا أنا مش عارفه أقول ايه بس ب بس يعني.. أنا أنا اتشديت ليك بب برضه ااا يعني

• عبد الرحمن بضحك: طب خلاص وانتي وشك قلب زي الطماطم كده هههههه

### عند حازم ومريم:

كان يحتضنها وكأنها طفل صغير يتشبث بوالدته، كان يخاف تركها ويحتضنها ويرقص معها وهو الفرحة تسيطر على قلبه، كان حبها في قلبه قد تخطي كل المراحل.

~ حازم: كل مرة باقى معاكي فيها بحس إني أول مرة أشوفك، كل مرة بانبهز بجمالك أكثر من الأول، وبرقتك، كل مرة قلبي كفيل إنه يبقى أسعد حاجة في العالم لأنه معاكي وحبك انتي، أنا تخطيت مرحلة الحب أول ما شفتك والله، من سنين وأنا باتمنى اللحظة دي، خلاص هانت كلها أيام وتبقي مراتي ومعايا.



- مريم بخجل وفرحة: وأنا أسعد واحدة في الدنيا إنك في حياتي، كنت شايفه الحوار بعيد وصعب؛ بس مفيش حاجة بعيدة علي ربنا، ربنا ميحرمنيش منك أبدًا.  
~ حازم وهو يضمها: ولا منك يا عمر وحياة وكل ما يملك حازم

### عند ملك وأحمد:

كان يدور بها ويرقص معاها كأنها ملكة متوجة، كان يتعامل بكل رقة معها.  
= أحمد: بس ايه الجمال دا كله، أنا مش عاوز حد يشوف كل دا، دا ملك أحمد وبس، أنا بفكر أخليكي تنتقبي أصلًا

-- ملك بضحك: طيب أعمل فيك ايه، لأ وعاوز تنقبني كمان ! شكلنا هنعاني أووي يا بشمهندس ههههه

= أحمد بغزل: قلب البشمهندس، وعمر البشمهندس، وحياة البشمهندس، وأي حاجه حلوة في حياة البشمهندس، وأجمل ما رأت عين البشمهندس

-- ملك بخجل: اااا وبعدين بقى

= أحمد بغزل لملك : بحبك وانتي شبه الفراولة كده وقمر كده ههههه.

-- ملك: تعرف يا أحمد أنا باستمد ثقتي في وجودك والله، بحسني أقوى واحده في الدنيا وأنا معاك

= أحمد: طيب ما انتي أجمل وأحلى وأقوى واحده في الدنيا بجد مش كلام

-- ملك: ربنا ميحرمنيش من وجودك أبدًا

= أحمد: ولا من وجودك يا ملاكي

وبعد انتهاء كل ثنائي من الرقص تم التقاط صورة تجمعهم كلهم مع بعضهم البعض للذكرى، وكل منهم يحتضن أميرته ورفيقتة

ومر اليوم ما بين المرح والغزل من كل أبطالنا لشريكة حياته وأسيرة قلبه.

---

فات أسبوع واقترب حفل زفاف أحمد وملك، ومريم وحازم

كانت تنزل ملك ومريم برفقة مايان وماريا بعد أن تعرفوا على بعض أكثر واقتربوا من بعضهم البعض كانوا يشترون كل مستلزمات البنات التي تختص بملك ومريم وعلى مرات أخرى متتالية كانت تنزل معهم والدة ملك ووالدة مريم لكي يشتروا مستلزمات البيت وكل ما تحتاجه أي عروسة لفرش منزلها وبعد أسبوع من التعب والإرهاق لدى البنات والأمهات تم الانتهاء من كل مستلزمات البيت وكل ما يلزم العروستان ماعدا بعض الأشياء البسيطة التي اتفقت مريم وملك على أن يصطحبا مايان وماريا وينزلوا ينتقوها في يوم آخر.

أما بالنسبة للشباب فتم الانتهاء من تشطيبات المنزل والخشب وكل ما يلزمهم من مفروشات وكل شيء، وتم فرش المنزل لدى أحمد على أكمل وجه، أما حازم فقد تكفل به ياسين الذي كلف بعض المهندسين لكي يتم التسليم كل شيء على أكمل وجه، وتم هذا بالفعل، ولا يتبقى سوى لبس الفتيات وبعض مستلزماتهم التي تم الانتهاء منها إلا القليل منها، واتفقوا على أن يجتمعوا ويتم ترتيبها مع بعضهم البعض الفتيات وأمهاتهم.

وجاء اليوم الذي اتفق فيه الفتيات على شراء آخر ما يلزمهم، اجتمعوا كلهم وذهبوا إلى المول، و.....

يتبع...

## " الفصل الثاني والعشرون "



بعد أن ذهبوا إلى المول لكي يحضرون بعض ما يلزم الفتيات من الملابس الخارجية والداخلية وبعض الفساتين

— مايان وهي تنظر لفستان سهر: أووووبس على الحلويات والجمال شوفوا يا عيال الفستان دا حلو أوووووي

— ماريًا: تحفة فعلاً ولونه اسود بس جامد

— مايان وهي تمسك به: بت يا مريم وحيات أمك ما احنا طالعين من هنا إلا لما ناخدهولك، عافية زوق بقى هناخده

- مريم وهي تفتنع بعض الشيء: حلو بس هالبسه ازاي دا !

— مايان بضحك: هههههههه لأ دا في الأسوأ منه، دا كده دا محترم أوي، دا حتى طويل لحد الركبة ههههههه

-- ملك بضحك هي الأخرى: لأ ونسييتي الفتحة اللي في الظهر دي، دي لواحدھا حوار

— ماريًا هي الأخرى بضحك: وكله كوم ولونه كوم تااااني، وخامته جميلة بشكل، خديه يا مريم

" الفستان كان ضيق من فوق ومن عند الوسط ينزل باتساع ليس بكبير وفتحة من الظهر لمنتصفه، وطوله فوق الركبة بشيء بسيط وكان في منتهى الجمال "

- مريم وهي اقتنعت إلى حد ما: تمام هاخده يلا بينا بس بشرط، ملك تاخذ زيه، ما هو مش هاخذ المصيبة دي لوحدني هههههههه

وأخذته بالفعل ومثله لملك

وأخذوا فساتين كثيرة ما تقارب لهذا وبعض البيجامات والبرمودة والقصير والطويل وكل الأشكال.

ولكن مريم اختارت أكثر من بيجامة بها ميكي ماوس وبطوط وأشكال كوميدية توحى بأنها ملابس طفلة لا تتعدي الحادية عشر من عمرها، وكانت في قمة الجمال، واشتروا بعض مساحيق التجميل وكل ما يلزم العروسة لكي تتزين، وانتهوا من شراء كل مستلزماتهم

مع العلم أن أكثر الملابس البيتي التي تختص بالبيت كانت مريم وملك يحضرون مثل بعضهم البعض.

وبعد الانتهاء من شراء كل شيء توجهوا لمطعم يتعدوا سوا

— مايان: الواحد هيموت من الجوع يا بشر

- مريم: وأنا فصلت وهموت وأكل برضه

— ماريان: أنا كمان شكلي هاكل المحل كله

-- ملك: هههههه وأنا عاوزه عصاير كثير وأكل أكثرررر

وبالفعل طلبوا بعض الطعام والعصائر الكثيرة وأكلوا في جو مرح من الهزار ومناقشات لترتيبات الفرح.

— مايان: كلوا يا رجالة آخر أكلة في العزوبية، هههههههه

— ماريان: هيدخلوا عش الزوجية كلها كام يوم ههههههه

- مريم: ما تبس ياختي منك ليها، ما كلها شهر بالكثير وتحصلونا، دا إن مكنش أقل كمان

-- ملك: ههههههههه ههههههههه عليكم نفس التحفيل دا

— مايان والفرحة طاغية على معالم وجهها: ياريت يعدوا بسرعة بجد

- مريم: هههههه او عاااا، دا انتي وقعتي بقى ومحدث سمي عليك

— مايان: بصراحة أه، أنا أصلا بحب كريم من ساعة ما عرفته، والحوار كان بالنسبالي حلم والله، أنا مش عارفه ازاي دا حصل، لحد دلوقتي حساني باحلم

— ماريان: وكريم بيحبك من زمان على فكرة، كان باين أووي أنا أكثر واحدة كنت ملاحظة الحوار



-- ملك: ومين سمعكم دا أنا اتهديت، لأ وكمان لسه فيه الفستان وميكب الفرخ، وفستان الحنة وكتب الكتاب وحوار، والفرخ باقي عليه عشر أيام واحنا لسه معملناش حاجة من دول

— ماريًا: أنا محتارة ألبس ايه بجد

— مايان: مين سمعك نفس الحيرة اللي أنا فيها

— ماريًا: بنات بقولكم ايه !

جميعهم في صوت واحد: قولي

ماريًا: كنت عاوزه ألبس الحجاب وأفاجأ عبد الرحمن بيه، هو مطلوبش لإن أكيد مش عاوز يجبرني في البداية، بس لمحلي وأنا بصراحة عاوزه آخذ الخطوة أووي قامت مريم بحماس وشدتها وأحضرت حجاب لكي تجربة عليها.

- مريم: تعالي كده نجرب

وبالفعل جربوا عليها وكانت أية في الجمال

— ملك ومايان: بسم الله ما شاء الله قمر أووي

- مريم: ايه القمر دا بجد !

ماريًا بعد أن نظرت لنفسها باقتناع: بنات أنا عاوزه أشترى لبس مناسب وشرعي يمشي مع الحجاب علشان هالبسه خلاص ومن دلوقتي

— مايان بحماس: يلا بينا دلوقتي لسه بدري ومش هنعوق

وبالفعل استعدوا جميعًا في غرفة مريم ونزلوا علشان يجيبوا لماريًا أكثر من شيء للخطوة الجديدة التي ستسعد عبد الرحمن أكيد

وبعد وقت ليس بكبير تم شراء مستلزمات كثيرة، أحجبة متنوعة اللون والشكل وبعض الفساتين التي تتناسب معهم وكانوا في منتهى الجمال

أوصلت مريم كل واحدة منهم منزلها على اتفاق أنهن سيتقابلن الغد.

وبعد أن وصلت ماريًا المنزل بالحاجات تفاجأت والدتها ووالدة كريم وكريم أيضًا وفرحوا كثيرًا بقرارها هذا

دخلت غرفتها واتصلت على عبد الرحمن وأخبرته أنها تريد رؤيته في الحال، وبالفعل أخبرها أنه سيأتي إليها في وقت قليل

دخلت تأخذ حماما دافئاً وارتدت دريس من اللون الأخضر وكان واسع بعض الشيء وليس بكبير وحجاب من اللون الأبيض ولفته بطريقة مميزة وكانت في قمة جمالها.  
جاء عبد الرحمن إليها وعندما رآها ظل منصدم لفترة من الوقت من الفرحة لا يصدق ما تراه عيناه

تركهم كريم ليجلسوا بعض الوقت

• عبد الرحمن: ايه الجمال دا ! أنا مش مصدق بجد

— ماريًا: بجد عجبك شكلي حلو !؟

• عبد الرحمن: أنا شايفك زي الملكة فيه، اناي بتحلي أي حاجة تلبسيها، أنا فرحان بيكي أوي ومسك يدها وقبلها

— ماريًا: كنت نفسي آخذ القرار من زمان ولما حسيتك نفسك أعمل كده عملته علشان أفرحك، وعلشان كان نفسي أعمل كده بس مكنتش عارفه أبدأ منين

• عبد الرحمن: دي أكثر وأجمل حاجة ممكن تعملها وتفرحني يا حبيبة قلب عبد الرحمن

— ماريًا بفرحة: ربنا يقدرني وأقدر أسعدك

• عبد الرحمن: وجودك في حياتي هو السعادة بحالها، انتي ملكة قلبي يا ماريًا، قلبي مدقش لحد غيرك، وأنا إنسان صريح أوووي، أول ما حسيت بحاجة جيت اتقدمت؛ لأن مينفعش أسيبك تضيعي مني وأنا قلبي مدقش إلا ليكي، عيني مش شايفه غيرك انتي، قبل ما تكوني حبيبتي وأي حاجة وقريبا مراتي بشوفك بنتي وأمي وحبيبتي، ربنا يقدرني وأسعدك وأكون قد ثققتك وحبك يا نور عيني

— ماريًا بدموع: مش هاتمنى حاجة تاني قد وجودك في حياتي وجنبي

قبل عبد الرحمن يداها مرة أخرى وقال: وأنا معاكي لآخر العمر يا حبيبة قلبي، مفيش حد بيبعد عن روحه يا ماريًا، عارفه يعني ايه !

وحضن كف يداها الصغير وقبلها للمرة الثالثة وأخرج من جيب جاكيت البدلة شيكولاتة كبيرة الحجم وقال: ودي بقي يا ستي عربون محبة لحد بكره علشان لازم تتكافئ على حوار الحجاب دا

أخذتها ماريًا بفرحة كبيرة وقالت: الله أنا بحبها أوووي

• عبد الرحمن بغمزة: وأنا بحبك انت يا جميل

— ماريًا بخجل: عبد الرحمن بس بقى

• عبد الرحمن: عيون وقلب وروح عبد الرحمن يا ست البنات

وبعد وقت ليس بقليل ودعها وغادر وفي قلبه فرحة عارمة تستحوذ قلبه بسبب قرارها هذا، وهي أيضًا لأنها نجحت في إسعاده ولو لمرة.

.....و

يتبع...



## " الفصل الثالث والعشرون "



بداية يوم جديد وتتجمع الفتيات بمرح وفرحة كبيرة تستحوذ عليهم، ويرتبون منزل مريم وكل شيء به

- مريم بفرحة: الله دا كل حاجة زي ما كان نفسي والألوان اللي بحبها، وكل حاجة بحبها موجودة

- مريم: تعالوا بقى أغنيكم وأنا صوتي زي القمر كده

-- ملك: بسرعة انتي وصوتك القمر دا فعلاً

- مريم: يعني على قدي كده هههههه

— ماريًا: ابهرينا يلا يا فنانة

- مريم: احم احم احم

— مايان: متخلصي يا ولية غنيلهم بقى بس، دلعينا ومتعينا، المايك معاكي يا فنانة وانطقي

- مريم وهي تتمايل وتغني بصوتها العذب: غنوا ولموا الشربات افرحوا دا العمر ساعات، غنوا وارقصوا يلا عقبال عندكوا يا بنات، عشنا بنتمنى الفرحة وحلمنا سنين وسنين جانا الفستان وبطرحة ودعينا وقلنا آمين، أهو ربنا عوض صبرنا خير، وهو ترجع لنا يا بنات بعد مكان هنتجنن دلوقتي قدام المرايات وهو رب يعوضها لكم وتفرحوا فرحتي يا بنات

وكانوا يتمايلون ويغنون مع مريم ويرقصون والفرحة تسيطر عليهم، انتهوا من تزيين كل شيء وترتيب المنزل وجعله في أبهى صورة

جاء حازم في هذا الوقت ومعه أحمد وأحضروا بعض العصاير والطعام معهم وأتى حازم بالسجاد الذي سيتم وضعه وبعض المستلزمات البسيطة للتزيين.

≈ حازم: مساء الخير يا جماعة، يلا علشان تاكلوا

= أحمد: خلصتوا كل حاجة

- مريم: أه باقي بس نحط السجاد، والتكات البسيطة كده، هناكل ونخلصهم

- ≈ حازم: طب كويس علشان النهاردة هننزل نحجز فستان الفرحة جهزي نفسك  
 = أحمد: وانتي كمان يا ملك اجهزي علشان الوقت خلاص
- ≈ حازم: يلا يا بنات اقعديا كوا واحنا هننزل  
 ووجه كلامه لمريم: مريومة بالليل جهزي نفسك
- مريم: حاضر  
 تركهم وغادر هو وأحمد  
 مريم وضعت الطعام وجلسوا جميعهم يتناولونه
- مريم: آخر أكلة في توديع العزوبية  
 -- ملك بضحك: هههههههه ورسميا هنبقى متجوزين  
 - مايان: هانت ونحصلكم هههههههه  
 — ماريا: عاوزين نشترى اللي ناقصنا
- مريم: كده هانزل النهاردة أحجز فستان الفرحة وأشترى بتاع الحنة  
 -- ملك: وأنا كمان
- ماريا: وأنا عبد الرحمن قاللي هينزل معايا يشتريلي كل دا وينقي معايا  
 - مايان: اااه يا شوية أوباش هتسيبوني لوحدى !  
 - مريم: ما تنزلي مع كيمو أواه  
 - مايان: ماهو مقاليش إنه هينزل معايا أقوللو ازاي دا  
 وفي هذا الوقت رن هاتف مايان وكان المتصل كريم.  
 - مايان بخضة: وه هو بيراقبنا ولا ايه ! دا بيرن
- ملك: انجزي ردي الفون هيفصل  
 قامت مايان بعيد عنهم لكي تجيب عليه  
 - مايان: ألو  
 ≠ كريم: وحشتيني  
 - مايان بابتسامة وخجل: وانت كمان

≠ كريم: بتعملي ايه !

- مايان: مع البنات في شقة مريم وحازم بنجهازها

≠ كريم: لسه مخلصتوش

- مايان: خلاص قربنا نخلص وشوية وهروح

≠ كريم: طب جهزي نفسك بكره كل اليوم هنتغدى مع بعض، ونشتري الحاجات اللي محتاجاها علشان تحضري الفرح

- مايان بفرحة: بجد هتنزل معايا !

≠ كريم: آه أو مال هسيبك لوحدك !

- مايان بفرحة كالأطفال: اتفقنا بكره هكون جاهزة

≠ كريم: ماشي يا حبيبتي، أسيبك دلوقتي وخلي بالك من نفسك

- مايان: حاضر

وأغلقت الفون معهُ على اتفاق أنه سيذهب معها غدًا

وزهدت إلى الفتيات اللاتي كانوا ابتدأوا في تناول طعامهم

- مايان: آه يا شوية أوباش بتاكلوا من غيري !

- مريم: انتي اللي واقفة تحبيلي في الفون بقالك ساعة، وإحنا جعانيين

- مايان: مش مهم، المهم إن كريم كلمني علشان هينزل معايا بكره

— ماريان: مش قولتلك إنه هيقولك أكيد

وانتهوا من طعامهم والمنزل أيضًا وذهبت كلاً منهم لمنزلها للاستعداد للذهاب الأمس مع رفقاتهم

## في منزل مريم:

بعد تعب اليوم استعدت لكي تذهب برفقة حازم وأحمد وملك لكي يشترون فستان الفرح، نزلت للأسفل وكان حازم وأحمد بانتظارها

أخذ حازم مريم في سيارته، وتبعهم أحمد وتوجهوا لبيت ملك وذهبوا هم الأربعة، إلى الأتيليه الذي سيأخذون منه الفساتين، ولكن كل ثنائي برفقة الآخر

أحمد وحازم أول ما دخلوا رحب بيهم صاحب المكان وبشدة، والذي كان على علم بقومهم لكي يجهز أفضل ما عنده ليهم

• صاحب المكان: أهلاً أهلاً بشمهندس أحمد، أهلاً دكتور حازم اتفضلوا نورتوا المكان  
≈ حازم: تسلم الله يخليك

= أحمد: المكان منور بيك، جهزت اللي قولتلك عليه ؟

• صاحب المكان: آه يا بشمهندس كل حاجة جاهزة، اتفضل حضرتك انت والمدام وانت يا دكتور حازم انت والمدام

وتوجه حازم برفقة مريم وهو ممسك بيدها، وأحمد هو وملك وكان يحتضن كفاها هو الآخر

• صاحب المكان: بشمهندس أحمد دول الفساتين اللي قولتلك عليهم بس الفساتين دول لسه واصلين من تركيا امبارح بالليل

مريم وملك بانهار وهم يتطلعون عليهم وكل واحدة منهم أمسكت بفستان وكأنهم صنعوا خصيصاً من أجلهم

- مريم وهي تلتف حولين الفستان بانهار: الله يا حازم دا تحفة أوي بجد

≈ حازم وهو يري لمعة عيناها من الفرحة: عجبك يا حبيبتى !

- مريم: أوي أوي بجد

≈ حازم: طب يلا علشان تقيسيه، وبالفعل توجهت للبروفة برفقة حازم علشان تقيسه

-- ملك هي الأخرى: أحمد الفستان دا حلو أوي

= أحمد: حلو علشان انتي اللي هتلبسيه وهتحليه، يلا علشان تقيسيه

وتوجهت ملك هي الأخرى علشان تقيسه، وانتظر أحمد وحازم بالخارج

" بعد وقت ليس بقليل خرجت مريم وملك وهم يرتديان الفساتين "

مريم وكأنه صنع خصيصاً لها وكانت تشبه أميرات ديزني، كان من اللون الأبيض وكان مرصعاً بفصوص تشبه الألماظ وكان ضيق من منطقة الصدر وينزل باتساع كبير وكانت في قمة الجمال وهي ترتديه، كأنها أميرة من أميرات ديزني بكل التفاصيل

≈ حازم بلمعة حب وفرحة بها: ايه الجمال دا يا مريم !

- مريم بفرحة: بجد حلو ؟

≈ حازم: انتي اللي محلياها يا حبيبتى، شبه الملكات فيه

وقام باحتضانها

= أحمد وهو يتوجه إليها ويحتضانها هو الآخر: ايه القمر دا، قمر يا حبيبتى

- مريم وهي تحتضنه: يا حبيبي ربنا يديمك ليا يا رب

وتوجه أحمد إلى ملك التي كانت ترتدي الفستان وكانت تشبه الملكات

= أحمد بفرحة بها: ايه القمر دا !

-- ملك: حلو يا أحمد ؟

= أحمد: قمر يا قلب وعمر وعيون أحمد

وقام بضمها إليه والفرحة تسيطر عليه وعليها هي الأخرى وبشدة.

قامت مريم وملك باحتضان بعضهم البعض وكلاً منهم تمدح الأخرى بفستانها

= أحمد لصاحب المحل: هنشترى الفستانيين دول، ابقى اعمل الفاتورة ووصلهم على البيت

• صاحب المكان: حاضر يا بشمهندس

≈ حازم: اعملى فاتورة بحساب الفستان دا دلوقتي

صاحب المكان: حاضر يا دكتور

واتفقوا على كل شيء ودفعوا الفلوس، والفساتين هتوصل البيت للعروستين.

- مريم: كده ناقص فستان الحنة والهيلز بتاع الفرحة ويبقى كده خلصنا

-- ملك: وحجز البيوتي سنتر

≈ حازم: أنا وأحمد حجزنا في فندق هتروحوا يوم الفرحة الصبح وهتلاقوا كل حاجة جاهزة هناك

- مريم: الله جميل دا، طب كدا ناقصنا السيشن

= أحمد: حجزناه هو كمان، وحجزت أنا وحازم جناح تاني لينا احنا والشباب

- مريم وملك: دا الدنيا كده فل الفل

واتجهوا ليروا فساتين الحنة

وقعت عين مريم على فستان من اللون الأحمر ويأخذ شكل جسدها، ومن الأسفل عند الركبة ينزل باتساع وبه بعض الفصوص من الصدرين اللون الأبيض

- مريم: استنوا استنووووا بصوا الفستان القمر دا وحلاوته وطعامته.

-- ملك: الله تحفة أووي بصي انتي الفستان القمر دا

وكان الفستان من اللون الأخضر كلون عيناها ضيق من الصدر وينزل باتساع بسيط جدًا من الوسط وبه بعض الفصوص المرصعة به التي أعطته شكلاً رائعاً.

= أحمد: طب يلا ادخلوا قيسوهم

ودخلت مريم وملك علشان يقيسوهم، وحازم وأحمد ينتظرون إطلالتهم في الخارج

بعد قليل أتت كلاً منهم ترتدي الفستان وكانوا في قمة الجمال به

أعجب حازم وأحمد بهم كثيرًا

وأخذوهم وتم دفع الحساب وشراء الحجاب الذي يتناسب مع كل فستان، وغادروا لكي يشتروا الهيلزات التي تتناسب مع فستان الفرح

اشترت مريم هيلز أبيض بكعب متوسط يتناسب مع فستانها وملك نفس الشيء

واتجهوا للمطعم ليتناولوا العشاء مع بعضهم في جو مرح وتخطيط لما سيقومون بفعله جميعاً، وبعد ذلك أوصل أحمد ملك إلى منزلها، وحازم مريم إلى منزلها

وانتهى اليوم بأحداث كثيرة ممتعة ومتعبة.

و....

يتبع...

## " الفصل الرابع والعشرون "



مرّ الوقت سريعًا على كل أبطالنا والاستعدادات التي وأخيرًا انتهوا منها، من حجز قاعات لكل ما يلزمهم على أكمل وجه.

جاء يوم الحنة وكانت الفتيات يستعدون للاحتفال الذي سيقام بمكان بسيط يضم كلاً من أفراد العائلة وبعض الأصدقاء لكي يفرحون ويتشاركون جميعهم الفرحة.

حل الليل والمعازيم يتواجدون في المكان المعد للاحتفال والفرحة تسيطر على قلب كلاً منهم.

كانت مريم في منتهي الجمال، الذي يأسر القلوب، كانت تنزين بفستانها الأحمر المرصع ببعض الفصوص المتزينة باللون الأبيض، وحجابها المتناسق مع الفستان وكان من نفس لونه، والهيلز الأبيض بكعبه المتوسط، وبعض من مساحيق التجميل، وكانت تشبه الفراشات في رقتها التي خطفت الأنظار وجعلت حازم يهيم بها عشقًا.

وحازم كان يرتدي بدلة من اللون البيج وتحتها تيشيرت أبيض اللون وساعة بيضاء وحذاء أبيض، وكان في منتهي الجمال والوسامة.

---

أما ملك كانت ترتدي فستانها الأخضر الفاتح بلون عيناها، وحجاب من نفس اللون وهيلز من اللون الأبيض، وبعض من مساحيق التجميل البسيطة، ورسمت عيناها الخضرويتان، التي أعطتها شكلاً جذاباً وكانت رقيقة وجميلة تخطف القلوب وملكت قلب أحمد.

أما أحمد كان يرتدي بدلة من اللون الرصاصي وقميص من الأسفل من اللون الأبيض  
يبرز عضلات صدره التي تجعله مميزًا.

---

أما مايان كانت ترتدي فستان من اللون البيك وحجاب من نفس اللون كان ينزل بمحاذاة  
جسدها وكان به بعض التطريز البسيط الذي أعطاها شكلاً جذاباً وهيلز من اللون البيج  
وبعض من مساحيق التجميل البسيطة.

---

أما كريم كان يرتدي بدلة من اللون الأسود وكان في قمة وسامته، التي تأسر القلوب

---

أما ماريا كانت ترتدي فستان من اللون الأزرق وهيلز من اللون الأسود، وحجابها  
الذي ترتديه في أول مناسبة تجمعها مع العائلة، وكانت مميزة بجمالها ولبسها وكُل  
شيء، كانت رقيقة وجمالها هادئ ورسمت عيناها وفستانها الذي يتناسق، مع جسدها.

---

وعبد الرحمن يرتدي بدلة من اللون الكحلي مقارب من درجه لون فستان ماريا وكان  
جميل حقًا ومميز.

---

كانت الفرحة تسيطر على الجميع، اجتمعوا في مكان بسيط يضم العائلتين واصدقائهم،  
والعرسان والفرحة تسيطر عليهم.

---

قام ياسين برفقة مها والزوجة إليهم وبيارك لأولاده

— ياسين وهو يحتضن حازم: مبروك يا حبيبي وطبعًا مش هوصيك على مريم

≈ حازم: مريم في عيني وقلبي يا عمي، دي ملكة متوجة على عرش قلبي متخافش  
عليها

— ياسين بضحك: هههههههه يواد يا جامد، وبتقولها في وشي كده ! طب راعي إني  
واقف طيب



≈ حازم: أكذب عليك طيب ما هو بحبها والله، أعمل ايه !

— ياسين وهو يضم مريم: ربنا يسعدكم يا حبيبي، وانتى يا مريومة اوعى تزعلي حازم أبدأ

- مريم وهي تحتضن ياسين: متخافش يا سينو يا حبيبي، بنتك طيبة، لا تقلق  
- مها بضحك وهي تقف بجانب حازم: هههههه بعد لا تقلق دي أنا خفت عليك يا حازم

≈ حازم: بنتك تعمل اللي عاوزاه يا حماتي

- مها: لأ ما هو حماتي دي لأ، قولي ماما أحلي

≈ حازم وهو يحتضنها: حاضر يا ماما

- مريم وهي تحتضن ياسين: الحق يا بوص مراتك باعتك، اااه قلببي، خيانة أمي وجوزي وبيقولها ماما، نحن في كارثة كبيرة

— ياسين بضحك: تنفعي ممثلة يا قلب بابا ههههههههههه

≈ حازم: وتأخذ بطلة الفيلم والدراما ههههههه

- مريم: ايه دا ! انتوا اتفجتوا عليا، إياك

- مها بضحك: أهي قلبت صعيدي أهي، هههههههههههه، مش بقولكم تنفع ممثلة

- مريم: حتى انتى يا مها

— ياسين: بس يا بكاشة، يلا تعالوا نبارك لأخوكي ومراته

وذهبوا لأحمد وملك الذي كان يقف برفقة كريم ومايان وعبدالرحمن وماريا والفرحة تسيطر عليهم.

قام ياسين باحتضان ملك وبعده ملك ومها كذلك.

— ياسين: اوعى تزعلها يا ولا، أنا اللي هقفلك، دي هي ومريم بقوا واحد

= أحمد: عيب عليك يا حاج دي في قلبي

— ياسين بضحك: انتوا ايه جرالكم ! واحد يقولى قلبي والتانى يقولى عيني، هههههههههههه

≈ حازم: الجواز بقى أصعب حاجة في الزمن دا والله يا عمي

– ياسين: ربنا يسعدكم يا حبايبي

وقام كلاً من الأهالي والأصدقاء بالمباركة والرقص والمرح الكبير الذي يسيطر عليهم.

بعد وقت ليس بقليل انتهت الحنة البسيطة التي أقيمت على حدود العائلة وبعض الأصدقاء البساط.

قام أحمد وحازم وكريم وعبد الرحمن كلاً منهم بأخذ شريكة حياته في مكان ما أعدّه أحمد خصيصاً للاحتفال بأواخر ليالي العزوبية لديه هو وحازم وشاركه كريم وعبد الرحمن

في مكان ما يخت كبير مجهز من كل شيء، معد خصيصاً لكلاً من الأميرات الأربعة يجمع كل العشاق.

- مريم بانبهار: والووو، ايه الجمال دا !

-- ملك وهي تلتف معها: الله جميل أووي المكان تحفة

– مايان من خلفهم: أنا بخاف من كل حاجة تخص البحر أصلاً، بس بجد المنظر تحفة

— ماريا بانبهار: المكان يخطف القلب، بجد مشوفتش في جماله

وخلفهم كان يقف كلاً من أحمد وعبد الرحمن وحازم وكريم، كلاً منهم ينظر بحب لأميرته والفرحة تسيطر عليهم جميعاً

صعدوا جميعاً لليخت كلاً منهم برفقة حبيبة فواده ومن تمناها قلبه

أعد لهم عشاء بسيط مميزاً، جلسوا جميعاً والفرحة تعتري قلوبهم، كلاً منهم لا يصدق أنه وأخيراً نال ما تمناها الفؤاد، تناولوا عشاءهم في جو مرح للغاية، وبعد العشاء أخذ كل ثنائي يبتعد عن الآخر لكي يستمتعون، باللحظة التي تجمعهم بحبيبته.

### عند حازم ومريم

كانت تقف على حرف اليخت والفرحة تسيطر عليها وتنظر للمياه مرة وللسماء مرة أخرى وتنظر للنجوم بفرحة كالأطفال



= أحمد: دا كده أنا أسعد واحد في الدنيا، ويا بختي بحبك ليا، بس حبك دا ميغيش نقطة  
في البحر الكبير دا من حبي ليكي يا ملاكي  
-- ملك بحب: مبقتش أتمنى حاجة غير وجودك وبس بجد من الدنيا دي  
= أحمد: معاكي لحد آخر نفس في عمري  
-- ملك بلهفة: ربنا ميحرمنيش منك أبداً ويديمك في حياتي  
= أحمد وهو يضمها إليه: ولا يحرمني من وجودك يا أحلي حاجة في حياتي، هانت  
كلها كلم ساعة وتبقى معايا  
-- ملك بخجل: يا أحمد بس بقى  
= أحمد: قلب أحمد والله

---

### عند كريم ومايان:

كانت تجلس وتتنظر حولها بخوف بادي على ملامحها  
≠ كريم وهو يحتضن كفها: متخافيش أنا معاكي، لو حابه ننزل ونرجع عادي يلا  
– مايان وهي تحاول التماسك وتناسي خوفها: لأ هو أنا آه خايفه وبخاف بس انت معايا  
فمش خايفه، عارف يا كريم كنت باحلم ب ايه؟!  
≠ كريم: بتحلمي ب ايه يا ست البنات!؟  
– مايان بابتسامة: من زمان باحلم أتخلص من خوفي دا من البحر، دايمًا بكلمو من  
بعيد وأحكيه وأشكيه كل حاجة، بس عمري ما فكرت أقرب منو بسبب خوفي المستمر  
منه، وكنت دايمًا باتمني لما أجرب الحوار دا يبقى مع حد بحبه  
" ونظرت إلى كريم الذي كان يستمع إليها بكل حب يشع من عيناه دون كلل أو ملل "  
وأكملت مايان: والنهاردة أقدر إني بجرب الحوار دلوقتي وأنا بتخلص من خوفي  
وكل دا وبجرب نفس شعوري اللي اتمنيته معاك  
قام كريم واقترب منها وأوقفها أمامه وهو ينظر في عيناها العسلية واحتضنها وقربها  
إليه، وقال: وأنا هابقي دايمًا سندك، وكل مخاوفك هنتخلص منها مع بعض، أنا ما  
صدققت لقيتك يا مايان

---





## " الفصل الخامس والعشرون "



بداية يوم جديد سيدون اسم كلاً من الأميرات على اسم من ملك قلبها للأبد، بداية حياة أخرى، حياة سعيدة برفقة من نبض له الفؤاد

تستعد كل عروسة من أجل زفاف العمر، وستطل أميرتنا الاثنتان برفقة رفيق الروح تجتمع الأربع فتيات برفقة بعضهم البعض، والفرحة تسيطر على قلب مريم وملك وتستحوذ قلوبهم وتتجسد في ملامحهم، وبرفتهم مايان وماريا تتراقص قلوبهم من الفرحة من أجل رفيقاتهم.

يجتمع الأربع فتيات في غرفة كبيرة أعدت لهم خصيصاً من أجل تجهيزات الفرح وكانت ترتدي مريم و ملك روب من اللون الأبيض

أما ماريا، ومايان كانوا يرتدونه من اللون البيك وأسفله لوجن وتوب من اللون الأبيض، كانت الغرفة تحتوي على فستان الزفاف لدى كلاً من الأميرتان الاثنتين، ومعهم فستان ماريا ومايان، وكل مستحضرات التجميل، وكل ما سيحتاجونه، جاءت إليهم الميكب أرتيست التي أتوا بها أحمد وحازم للفتيات، وكانت الغرفة يستحوذ عليها كم كبير من الفرحة والسعادة.

— ماريا وهي تتمايل وتحتضن ملك وتغني بفرحة: افرحي يا عروسة أنا العريس

— مايان من خلفها وهي تحتضن مريم: عروسة يا عروسة أنا العريس ههههه

وقام الفتيات باحتضان بعضهم البعض، والتقطت فتاة الفوتوجرافر- التي جاء بها حازم لكي تلتقط لهم - بعض من الصور للذكري، وجاءت الفتاة التي ستعد لهم ميك أب الزفاف ومعها فتاة أخرى، وقامت كل واحدة منهم بأخذ عروسة، وساعدتهم مايان وماريا في تجهيز الفتيات.

**أما في غرفة الشباب** التي يسيطر عليها المرح الرجولي، وصوت ضحكهم يضيء المكان، وكان كلاً منهم يرتدي بنطلون من اللون الأسود وتيشيرت من اللون الأبيض، كانوا جميعهم يرتدون نفس اللبس والنقطة لبعضهم بعض الصور والفيديوهات التذكارية ليومهم الذي لن يتكرر، وكانت الغرفة تحتوي على بدلة العرسان، وبدلة كلاً من كريم وعبدالرحمن الذين يعدون لمفاجأة ستصدم الجميع من الفرحة.

وكان معهم الحلاق الذي سيضع لهم الماسكات، ومساعديه

قام كريم بتشغيل بعض من الأغاني الشعبية ولأول مرة يقوم بالرقص عليها مما أصدم الجميع وتشاركوا الرقص مع بعضهم

كريم وهو يغني ويرقص على أغنية مافيا، شاركة حازم الرقص وانضم إليهم عبدالرحمن وبعد معاناة انضم أحمد في جو يسوده الفرح.

---

**عند الفتيات** فستعد جميعاً، وكانت كلاً منهم لها طالتها المختلفة، والمميزة التي تأسر القلب

فكانت مريم تشبه أميرات ديزني في جمالها، ورقتها التي تشبه الفراشات، كانت ترتدي فستانها الأبيض وحجابها، والتاج الذي يتزين في منتصف رأسها، وكان رقيق يتناسب معها، وميك أب كامل خفيف وبسيط، ألوان وردية تتناسب مع بشرتها، وحذاء يشبه حذاء سندريلا والتي اختارتها مريم بدقة وعناية مميزة، فكانت مميزة وجميلة جداً يخضع له القلب.

أما ملك فكانت ترتدي فستانها مع حجابها الكبير المميز والتاج الذي يتزين في منتصف رأسها وبه بعض من الفصوص التي تشبه اللؤلؤ، وكان يعطيها شكلاً مميزاً، مع بعض من الميك أب الذي يتناسب مع بشرتها البيضاء، وعيناها المرسومة رسمة مميزة مع لون عيناها الخضرويتان الصافي الذي يخطف القلب، وحذاءها ذا الكعب المتوسط الرقيق الذي اختارتها بعناية أيضاً كي تتناثر مع فستانها، وكانت كملكة متوجة على عرشها، فكانت تأسر قلوب من حولها.

وماريا ومايان كلاً منهن ترتدي فستانها المميز وحجابها بواسطته وكانتا في أبهى صورهن، مع بعض من الميك أب الذي كان يتناسب مع كلاهما، فماريا فستانها



الستان من اللون الكافيه المرصع ببعض من الفصوص المميزة، ومايان ترتدي فستان من اللون الأحمر الستان عليه بعض من الفصوص، فكانت كلاً منهن لها طلتها المختلفة.

– مايان بدموع وهي تحتضن رفيقة عمرها: طب كده ينفع تبوظيلي الميك أب كده يعني ! أنا فرحتي بيكي مش عارفه أوصفها والله العظيم.

- مريم وهي عيناها تدمع أيضاً وتحتضنها: طب وأنا كمان الميك أب هيبوظ، احنا من امتى عندنا دم وبنعيط كده

تعالت ضحكات كل الموجودين عليهم

احتضنت ماريما ملك وباركت لها والفرحة تسيطر عليها من أجلهم وكذلك فعلت مع مريم، ومايان احتضنت ملك وباركة لها والسعادة تسيطر عليهم

احتضنت ملك مريم وقالت: نتجوز في يوم واحد فيه أحلي من كده ! هههههه

- مريم: لأ وايه واخده أخويا واتدبستي خلاص

-- ملك بضحك: ههههههه ياريت كل التدبيس يبقى زي أخوكي والله

- مريم: ربنا يسعدكم يا روجي

-- ملك بفرح: يارب يا قلبي وانتي

بعد وقتٍ ليس بقليل أتى ياسين والفرحة تسيطرُ عليه ومعه مها، وهم فرحون من أجل ابنائهم

ياسين وهو يدخل عند البنات، ملك ومريم يجلسون بفساتين الفرح والفرحة تسيطر عليهم.

— ياسين وهو يحتضن ملك: نورتي عيله المحمدي وبقيتي فرد أساسي منها، وزيك زي مريم، أنا زي بابا أكيد يا حبيبتني " وباس دماغها وحضنها ".

-- ملك وهي تحتضنه: أكيد يا عمي والله، ربنا ميحرمناش منك أبداً ويديمك يارب

وقامت مها باحتضان ملك أيضاً وباركت لها وقالت: وأنا بقى صاحبك في البيت دا،  
مريم طلعت وانتى مكانها زيك زيها

- مريم من خلفهم: لأ طلعت ايه يا مها! مريم على قلبك حتى بعد الجواز، مش هسيبك  
متفكريش، انتى عاوزه تخلصى منى وخلص، انتى أم انتى، ما تشوف مراتك يا سينو  
عاوزه تخلص منى

ضحك الجميع على كلام مريم وبشدة

احتضن ياسين مريم وبشدة والفرحة في قلبه تسيطر عليه وقال: حبيبة قلب ياسين،  
وفرحة عمر ياسين كبرت وبقة عروسة وأجمل عروسة في الدنيا كلها، ألف مبروك  
يا حبيبة قلبي

- مريم بفرحة وزعل لأنها ستترك ياسين: الله يبارك فيك يا سينو يا حبيبي، أنا مش  
عاوزه أسيبك أبداً

— ياسين بمرح وهو يحتضنها: والله يا قلب سينو أنا إذا كان عليا مش عايزك تبعدى  
عني، بس هنعمل ايه بقى! الواد بيحبك أوي وممكن يجراه حاجه فيها

- مريم بمرح: هههههه تصدق صح، لأ خلاص حرام وبعدين متقلقش، أنا هزهقكم كل  
شوية وهجيلكم علطول

— مها: اوعى كده يا ياسين علشان أحضن البت البكاشة دي هههههه

- مريم بمرح: لسه فاكره يا مها أن ليكي بنت، وانتى مقضياها أحضان مع مرات ابنك  
والبت مايان وماريا وناسيه أصلاً إن ليكي بنت

— مها بمرح آخر: حد ينسى فرحة قلبه وبنته حبيبته يا مريومة يا بكاشة! أنا مش  
مصدقة إنى شايفاكى بستان الفرح، زي القمر يا قلب ماما

واحتضنتها مريم وبشدة وقالت

- مريم: هجيلكم علطول أصلاً هجيب الولا حازم ونعيش معاكم

— مايان من خلفهم: ايه يا جماعة المشاهد المؤثرة دي! لحظة أبكى في صمت طيب  
ولا ايه!

— ماريا من خلفها: شوف البت، أومال مين كان بيعيط من شوية وقالها دراما!

- مايان بضحك: ههههههه ايه الإحراج دا كل الحكاية إن العرسان خلصوا بره يا عيني

ضحك الجميع وقام ياسين بمسك يد مريم من جهة وملك في الجهة الأخرى وخرج بهم لكي يسلم كلاً منهم لشريك حياتها.

ووقف في بداية السلم وهبط بملك وقام بتسليمها لأحمد الذي كان يرتدي بدلته السوداء التي زادتة وسامة وكان في أبهى صورة ويخطف القلوب، وقام ياسين بتوصيته عليها أحمد الذي كان مسحورًا بجمال ملك الذي فاق كل التخييلات، قام بتقبيل رأسها والتتحي عنها قليلًا لكي ينزل ياسين بمريم وتسليمها لحازم.

حازم وقد كان أيضًا في أبهى صورة ببدلته السوداء وظلته المميزة، وكان مسحورًا بجمال ملك، أوصاه ياسين أن يحافظ عليها وقام حازم بتقبيل رأس مريم مع دموع تسبقه من أجل فرحته التي تفوق كل الحدود.

اقترب أحمد من مريم وقام باحتضانها كثيرًا والمباركة لها وقال: ايه القمر دا يا نور عيني!

- مريم بمرح: وانت ايه الحلاوة دي يا ميدو يا قلب مريم!

~ حازم بغيرة: ما بلاش قلب مريم دي بقى

= أحمد بضحك: الحقي دا بيغير مني، لأ وايه بيقولها في وشي كمان، تحب نلغي الفرحة قبل كتب الكتاب!

~ حازم بمرح: تلغي ايه بس، دا أنا ما صدقت أصلًا، وبعدين روح شوف عروستك وبطل غباوة بقى

= أحمد وهو يحتضن مريم مرة أخرى: هاسكت بس علشان خاطر عيون مريومة ( واحتضنها وقبل رأسها ) وقال: مبروك يا نور عيني

- مريم وهي تحتضنه: الله يبارك فيك يا حبيبي، وربنا يسعدك انت كمان يارب

وتركهم أحمد وعاد إلى ملك و حازم مع مريم

وأخذ كريم مايان والفرحة تسيطر عليه، وأخبرها أنه يعد لها مفاجأة بعد قليل، وتحمست كثيرًا.

وعبد الرحمن أيضاً الذي كان يحتضن كف ماريما والفرحة تسيطر عليه وأخبرها أنه يعدُّ لها مفاجأة بعد قليل وهذا أثار فضولها أكثر.

ذهب الجميع لساحة كبيرة أعدت لحفل الزفاف مُزينة بطريقة مميزة، وكان هناك جانب مميز كان يوجد به طاولة كبيرة مزينة بطريقة مميزة يتوسطها المآذون الذي سيربطُ اسم كلاً من الأميرات على اسم زوجها، كان يجلس في المنتصف وبجانبه ياسين والجانب الآخر والد ملك والعيسان كلاً منهم بجانب حبيبته

كانت يد حازم في يد ياسين وبعد أن أتمّ المآذون كتابة كتابهم وسمع قوله " بارك الله لكما وبارك عليكما، وجمع بينكما في خير " أدمعت عيناه، وقام باحتضان مريم بشدة كادت تفتك بها، وهي أيضاً احتضنته بشدة وأدمعت عينها وأخيراً نالها.

وأحمد أيضاً يده في يد والد ملك وتم كتب كتابهم بختم المآذون بكلمته الشهيرة " بارك الله لكما وبارك عليكما وجمع بينكما في خير " احتضنها أحمد وبشدة بعد حرب كبيرة قد نالها وأصبحت زوجته وعلى اسمه.

الفرحة تسيطر عليهم جميعاً والمباركات تملأ المكان وصوت الزغاريط يضوي والفرحة منتشرة.

المآذون قبل أن يذهب جلس كريم وبصوتٍ عالي: على فين يا شيخنا استنى انت هتوفق راسين في الحلال تاني معاك، ونادى على والد مايمان، يلا يا عمي

فرح الجميع وبشدة ومايمان تحت تأثير الصدمة احتضنتها مريم وملك وماريا بشدة وباركوا لها وهي مصدومة من كثرة الفرحة.

كتب كتابهم المآذون وقام كريم باحتضانها كثيراً، وبعد معافرة قد نالها وأصبحت زوجته.

جاء المأذون لكي يغادر، أوقفه عبدالرحمن وقال: على فين يا شيخنا، انت ربنا باعتك  
لينا النهاردة علشان توفق راسنا كلنا في الحلال، هتكتب كتابي أنا كمان، على البت  
القمر اللي وقعتني في حبها دي.

وغمز لماريا التي انصدمت أيضاً نفس صدمة مايان، واحمر وجهها خجلاً.

– مايان بضحك: لأ والله دول مش طبيعيين بجد هو فيه ايه ! وقامت بالمباركة لماريا  
وملك ومريم نفس الشيء مع الضحك والمرح.

• عبدالرحمن لكريم: يلا اقعد يا أبو النسب خلينا نكتب الكتاب

≈ حازم: اه يا شوية أوباش عملتوها ! هههههههه

= أحمد: هي جات عليهم ! هههههههه

≠ كريم: نكتب كتاب الواد الغلبان دا ونتفاهم طيب ههههه

كريم وهو يده في يد عبدالرحمن اعتباراً لأن كريم وكيل ماريا وتم كتب كتابهم أيضاً

عبد الرحمن بعد كتب الكتاب قبل رأسها واحتضنها وبشدة وهو عيناها، في عيناها  
بغمزة: مبروك يا حرم الدكتور عبدالرحمن

— ماريا بدموع: الله يبارك فيك أنا مش مصدقة بجد

• عبدالرحمن: لا صدقي يا حبيبة قلبي ( وضمها إليه )

قام ياسين بالمباركة للشباب جميعهم، وأيضاً والد ملك ووالد مايان، واجتمع الكبار مع  
بعضهم البعض، وهكذا السيدات، بعد أن باركت كل أم لابنتها، والفرح تسيطر على  
قلوب الجميع

قام كل ثنائي بالرقص مع بعضهم، وكلاً منهم يحتضن زوجته

---

### عند حازم ومريم:

≈ حازم: وأخيراً كلها ساعة ونبقى في بيتنا، أخيراً أنا أسعد واحد في الدنيا كلها، أنا  
مبسوط أوي

- مريم وهي تنتظر لفرحته بفرحة أيضاً: وأنا كمان يا حبيبي فرحانة أوي  
≈ حازم: أنتِ حلوة كده ازاي ! ايه الحلاوة دي !  
- مريم بمرح: طول عمري حلوة أصلا  
≈ حازم: أصلا انتي أحلى ما رأت عيني  
- مريم: ما تقولي انت ايه الشياكة دي والحركات دي!  
≈ حازم: عريس بقى هاعمل ايه ! وبعدين دي أقل حاجة عندي أصلا  
- مريم: يا واد يا جامد يا قمر انت  
≈ حازم: أنا باتعاكس بقى  
- مريم بضحك: ههههههه بصراحة اه  
≈ حازم: لأ دا احنا نروح بيتنا بقى نشوف الحوار دا  
ضحكت مريم وضمها إليه حازم وبشدة وهي تسند رأسها على قلبه

---

### عند أحمد وملك:

= أحمد: مبروك عليا انتي يا ملكة قلب وحياة أحمد  
-- ملك: الله يبارك فيك يا حبيبي  
= أحمد: مش قادر أصدق إن خلاص هتبقي معايا العمر كله، ورفيقة قلبي، وعمري  
اللي جاي  
-- ملك بمرح: لقد انتصرنا بجد ههههه  
= أحمد بحب: ياريت كل الانتصارات تكون انتي يا ملك، ساعتها هحارب دايمًا،  
علشان في كل معركة أنتصر بيكي فيها، بحبك يا أغلى حاجه في حياتي  
-- ملك بخجل: وأنا كمان أوي، وكده أقدر اقول الدار بقى أمان بجد  
= أحمد: الدار مفيهاش غيرك من أول ما شفتك  
واحتضنها أحمد وبشدة كمن كان غريقًا ووصل لبر الأمان.

---

## عند مايان وكريم:

– مايان: أنا مش مصدقة، مش قادرة أستوعب، انت حتى مقولتليش

≠ كريم بمرح وسعادة: وهتبقى مفاجأة ازاي بقي لما أقولك! ايه الذكاء دا! وبعدين أنا قلت نختصر الحوار، أنا أصلاً بقالي أكثر من أسبوع بقنع أهلك علشان الحوار دا، وبصراحة عبدالرحمن اللي كبرها في دماغى أووي

– مايان: اتصدمت أووي، بس فرحانة أووي

≠ كريم: ربنا يقدرني وأقدر أفرحك وأسعدك دايمًا، وبعدين كده أحلى حتى أقدر أعمل كل حاجة، نخرج ونطلع ونيجي – وبغمزة – وأدلعك وأهنيك

– مايان وهي تنظر له نظرة لا تبشر بالخير: وبعدين!

≠ كريم بضحك: أقصد يعني إنك مراتي، وبس كده

ضحكت مايان واحتضنها كريم وبشدة تثبت ملكيته لها.

---

يتبع...

## " الفصل السادس والعشرون والأخير "



وأخيرًا نال كلاً من أبطالنا من ملكة قلبه، وجعلته أسراً حبها، انتهى اليوم بحفل زفاف هادئ كان يليق بكلاً من الأميرتان، ومعهم مايان وماريا بعد المفاجأة التي جعلت كلاً منهم اسمها يتدون مع معشوقها ويثبت ملكيته لها.

فرح الأهل والأصدقاء، وأخذ كلاً من أحمد وحازم أميرته إلى عالمه الخاص، والفرحة تسيطر على قلوبهم، وبنيت بيوتاً من الحب، وعالمًا خاص لكلاهما، يجمعهم هم فقط.

مرّت الأيام سريعًا ما بين حب حازم لمريم الدائم أمام الجميع ودعمه المستمر لها، ومساعدته لها في مشروع تخرجها الذي اجتازته وبجدارة وأصبحت خريجة، بعد أن كان القلق يستحوذ عليها؛ ولكن حازم بكل حب أذاب كل هذا الخوف، ووضع مكانه ثقةً كفيلاً بأن تحطم كل شيء، كان يغمرها بالحب والأمان، كان داعماً لها في كل شيء، لا يتخلى عنها.

مرّت الأيام سريعًا، وبوجود حازم المستمر تخطت مريم كل هذا ونجحت في الجامعة.

وكريم الذي كان يشاغب في مايان دائماً، وساعدها كثيراً في مشروع تخرجها هي الأخرى وأصبحت خريجة هندسة، بعد تعب دام لسنوات، وخوف يستحوذ عليها ولكن كريم بوجوده ودعمه المستمر أذاب كل هذا وتخطوه سوياً، ويخططون لحياتهم القادمة.

وعبد الرحمن وماريا يعاملها كالأطفال ويدلها ولكن عوناً وسنداً لها، ويدعمها في عملها ويزداد حبهم أكثر لبعضهم البعض يوماً بعد الآخر، وحياتهم في استقرار تام، ويبنون أحلاماً تكبر كل يوم معهم، وحياتهم بشكل هادئ يسير.

أحمد وملك، الذين بنوا حياة مستقرة في عالمهم الخاص، الذي صنعه أحمد من أجل الحصول عليها، وأصبحت زوجته فعلياً، ويعاملها ويدلها كالأميرة، ولكنها ملكة متوجة



على عرش قلبه، أحبها ياسين ومها ويعاملونها مثلما كانوا يعاملون مريم ويدللونها، وهي تحبهم كثيرًا، وكل يوم يزداد حب أحمد لها وحياتهم مليئة بالحب.

تمرُّ الأيام سريعًا على أبطالنا وها هنا وكلاً منهم نال ما يود، وحياة مليئة بالحب، الذي يزداد يوماً بعد الآخر.

### " بعد مرور سبع أعوام "

في بيت أحمد كانوا يتجمعون جميعًا، كلاً من حازم ومريم ومعهم إيلين ابنتهم ذات الخمسة أعوام التي كانت تشبه مريم كثيرًا

وكريم ومايان ومعهم صهيب صاحب الرابعة من عمره وكان يشبه كريم كثيرًا  
وعبد الرحمن وماريا وكان معهم جويرية، وكانت تأخذ عينان ماريا وملاح  
عبدالرحمن وكانت تبلغ من العمر ثلاثة أعوام  
وأحمد وملك كان معهم يزن الذي يبلغ من العمر السادسة من عمره وكان يأخذ ملاح  
أحمد وطباعه بشكل كبير.

كانو يتجمعون ومعهم مها وياسين والأولاد يلتفون من حولهم، كانت إيلين تلعب مع  
صهيب، فجاء يزن وهو يشتاط غضبًا ويأخذها لكي لا تلعب معه، فركت إيلين وذهبت  
لأحمد وحازم تشتكي لهم

فأخذها أحمد بين أحضانه وقال لها: حبيبة خالو زعلانه ليه؟!!

- يلين: علشان يزن زعل إيلين يا خالو

= أحمد وهو بيتسم لها ويقول: وزعل إيلين ليه يا قلب خالو انتي!

- إيلين ببكاء: علشان بلعب مع صهيب

≈ حازم بمرح: متلم ابنك عن بنتي يا أستاذ أحمد ألاه

جاء يزن وهو يشتاط غضبًا يسبق سنه: عمو أنا بحب إيلين، بابا أنا هاتجوزها علشان  
كده بغير عليها

≈ حازم بمرح: لأ أنا معنديش بنات للجواز

– يزن وهو ينظر نظرة حادة لحازم: هنشوف يا عمو، أنا كده كده بحبها وهاتجوزها  
لما تكبر

≈ حازم: شوف ابنك بيتحداني ازاي

= أحمد وهو بيتسم على طباع ابنه التي تشبهه كثيرًا: متزعلهاش وصالحها يا يزن،  
كله إلا إيلين

– يزن وهو يحضن إيلين ويمسح دموعها: متزعليش مني يا إيلين، أنا بحبك وبغير  
عليكي أوي

- إيلين بطفولة: وأنا كمان بحبك أوي يا يزن وحاضر هاسمع الكلام

ضمها إليه يزن بحنان وكل هذا تحت صدمة حازم وأحمد

≈ حازم: ابنك بيشقظ بنتي

= أحمد: أيوه منا واخد بالي، دا طلع بيحبها

ضحك الجميع على هذان الطفلان اللذان يخلقان قصة عشق جديدة

جاء صهيب من خلفهم وقال لعبد الرحمن: عمو عمو

• عبد الرحمن بمرح: ايه عاوز تتجوز انت كمان!

— صهيب بجدية: أيوه هاتجوز جويرية علشان بحبها

≠ كريم: كده العيال اتحجزوا لبعض واتجوزوا

ضحكت مايان وماريا وملك ومريم بشدة

- مريم: العيال بيحجزوا بعض ههههههه

— ماريا: بنتي بنتشقظ

– مايان: ده ابني قمر والله، قلب ماما هجوز هالك هههههه

-- ملك: وابني حجز خلاص ههههههه

= أحمد: متقلقوش هجوزكم بس لما تكبروا شوية، وغصب عن أبوهم كمان هههههه

وانتهت حكاية أبطالنا ما بين كتمان ومعافرة من جميع الأطراف ولكنهم ظلوا ثابتون  
للنهاية، فالمحبُّ يأتي، والصادقون هم فقط من يحاربون، لأجل نيل ما يتمنون، ويوفون  
بوعودهم هم من يأتون.

فكلًا منهم كون أسرة سعيدة، وفي نهاية المطاف كانت الجميلة من نصيب الشاطر الذي  
فاز بها، وبقلبها، وكانت هي أسيرة عيناه.

و إلى اللقاء

مي أحمد سلام " أرسيليا "

# أسيرة عيناه

مي أحمد سلام

أرسيليا

"ما يهواه القلب"


اجلس معه تحت ضوء القمر الخافت والنظر الي السمه ليلاً وهي صافيه وتتنزين ببعض النجوم احكي له كل ما بداخلي واهيم به عشقاً. لا اعلم ما الذي اصابني للوقوع في حصون عشقه. ولكني صدقاً احببته فاني تخطيت مراحل حبه. هو ينظر للسمه ويحدثني عنها وانا انظر له، واتحدث عنه، هو يهوي النجوم، والسمه وانا اهواه هو. اعشق عيناه التي جعلتني اسيرة حبه من اللحظة الأولى، لم اعرف أنني سأحبه هكذا. أتمنى أن يطول بنا الزمن لكي اخبره عن ما اكنه له في قلبي من عشقٍ متيم به. فلو طال الزمن بنا كهذا لن أمل.

ك/مي احمد "أرسيليا"

ISBN 979-8-21-543753-7



98215 >



9 798215 437537



(مركز النشر والتوزيع)

غلافه عبدا  
Sumar Alkashem

مبشر